

En utilis res & homini nihil scire

XI Ex 139

Bibliotheca Graeco Catholicae

Ecclesiae Cathedralis

Premisliensis.



Handwritten text at the top of the page, possibly a title or header, written in a cursive script.

Handwritten text in the middle of the page, consisting of several vertical strokes, possibly a list or a series of numbers.

Handwritten text at the bottom of the page, possibly a signature or a date, written in a cursive script.

Ex Libris Congr. mess. Cong. Rom.
~~154~~ no. 6.

CONTEX

TA POPVLI IVDAE

CI HISTORIA A RE

ditu ex Babylonico exilio,

uscq; ad ultimum excidis

um Hierosolymæ.

*Ex lib. Fr. Basilij Philopoli
Cont. Cracon 1687.*

PAVLO EBERO

KYTINGENSI

Autore.

I. Anno E prohibitus.

M. D. XLVIII.

VVITEBERGÆ,

Vitus Creutzer.

*Qui mel in ore gerit, et retro pungere qua
rit
Eius amicitiam, Nolo mihi Sociam*

*Bibl. Cath. Prunius
RS.*

PAVLVS EBERVS
Kytingensis, Friderico Bern-
beco, uiro præstanti uir-
tute & fide, S. D.



HANC imaginem
perpetuo mecum in mente cir-
cumfero et sæpe intueor, meq;
cuius consideratione in his cu-
ris et doloribus mediocriter
sustento: Vt Mariam, Eliza-
beth, Annam, et similes mul-
tas honestas matronas, ingenijs, sapientia, uirtute,
forma excellentes, custodiuit Deus sine præsijs hu-
manis, cum quidem in tota Iudea uagarentur assidue
exercitus multarum gentium, Syriaci, Aegyptij, A-
rabici, Parthici, deniq; & Iudaici, cruore ciuium
polluti, et loca omnia cadum, rapinarum et stupro-
rum plena essent: Ita nunc quoq; in his tumultibus
et confusione Reipub. Deum seruaturum esse multas
pias familias, non dubito. Non enim casu natum
est genus humanum, non casu rerum natura ex ato-
mis conflata est, sed certo consilio Deus et condidit
genus humanum, et prodiens ex arcana sede sua, il-
lustribus et multis testimonijs crebro sese patefecit
homi-

hominibus, ac affirmat se colligere cœtum socium
eternæ consuetudinis, qui cœlestis doctrinæ custos
est.

Et si autem testimonia huius suæ uoluntatis mul=
ta et perspicua Deus ostendit, et sæpe mirandis libe=
rationibus declarauit, sibi curæ esse hunc cœtum, ta=
men ingens multitudo hominum, cum uidet huius
agminis paucitatem, misérias, & deformitatem,
nequaquam existimat hanc generis humani senti=
nam, ut sic nominem, et hunc συμφετορ, uel curæ
esse Deo, uel anteferri florentibus imperijs, in qui=
bus multi sunt sapientia et uirtute præstantes guber=
natores, uniuerso generi hominum salutare.

Confer enim huius ipsius ætatis, quæ in historiola
huius libelli recitatur, Politias ambas, Iudaicam et Ro=
manam. Quid fuit pulchrius Romano senatu, in
quo Scipio, Lælius, Scauola, Cato, Fannius, Philus et
multi similes erant, qui et suos mores summa graui=
tate, et consilio ac uirtute orbem terrarum regebant,
Aspice paulisper hæc lumina Romani Senatus, ac de=
inde oculos ad Iudeam flectito, ubi uidebis Sacerdo=
tes domestica bella mouere, et ciuili sanguine aras et
templum pollucere, cadauera iacere interfectorum
senum passim in uicis, & in ipso templi uestibulo stra=
ta, Antiochum in omnibus oppidis crudele latro=
cinium exercere, et in templo præsidium collocare,

A ij

ac Baccha

ac Bacchanalia in ea celebrare urbe, in qua sola ueri
Dei templum fuerat.

Erat eo tempore comes Scipionis in legatione
Alexandrina Polybius, uir sapiens et doctus, qui et
diligentiſſime deſcripſit Reipub: Romanae ordinem.
Hunc ſenem quid cogitaſſe exiſtimas, aſpicientem il-
lam Iudaeae deformitatem? utros Deo cariores eſſe
ſenſit, Scipiones, Lelios, et ſimiles ſumma cum glo-
ria uiuentes, An uero miſeros illos Iudaeos, qui inter-
fici malebant, quam ſuilla carne uſci? Hic uero
non dubitauit, et imperium diuinitus conſtitutum
eſſe, et uirtutem Scipionis pulchriorem imperio, Dei
opus eſſe, et Scipionis mentem Dei templum eſſe,
Iſtos uero miſeros faſcinatos inani ſuperſtitione, ut
ipſe arbitrabatur, negligi a Deo, uel potius dare iu-
ſtas ſtulticiae poenas cenſuit. Sic omnibus aetatibus de
Eccleſia, multi deformitatem eius intuentes, iudicant.

Sed uox diuina erudiſt nos de cauſis miſeriarum
humanarum, et monſtrauit alias normas, ex quibus
certo iudicandum eſt, qui coetus Deo placeat.

Part
Quicumq; doctrinam a Deo pateſactam et man-
datam literis per Prophetas, & deinde per Apoſto-
los, amplectuntur, ſine corruptelis, & iuxta eam
doctrinam bona conſcientia Deum inuocant, hi uere
ſunt ciues Eccleſiae Dei, ubicunq; ſunt, et qualiſcunq;
fortuna eſt. Edita

Edita enim promissione de filio, Deus initio & uocauit & condidit Ecclesiam, & eius uocis professione seiungit eam ab omnibus gentibus. Vt igitur extra arcam Noë in diluuio nulli homines seruebantur incolumes, ita extra hunc cœtum, qui amplectitur Euangelium, nulli sunt hæredes æternæ consuetudinis cum Deo, ut sæpe affirmant dicta cœlestia, & Paulus inquit: Quos elegit, hos & uocauit.

Et si autem ut arca illa cum in undis ueheretur, undiq; fluctib. quassabatur, ita Ecclesia singulari Dei consilio ingentibus ærumnis oncrata est, tamen & uult eam conspici & agnosci Deus, & signa addidit non fallentia, quæ certo monstrant, quæ sit & ubi sit uera Dei Ecclesia, omnes uidelicet homines, ubicunq; sunt, quamuis in diuersa imperia sparsi sunt, qui sunt ueræ doctrine custodes, & inuocatione sua & confessione ostendunt se doctrinam de filio Dei traditam per Prophetas & Apostolos amplecti, & Epicureos furores execrantur, ac idola fugiunt.

Multum autem prodest & ad agnoscendam Ecclesiam, & ad erudiendos nos ac consolandos, historię omnium temporum consideratio. Vt enim in artibus multum lucis exempla addunt præceptis, ita in hac dijudicatione confirmamur exemplis. Et uoluit

Deus extare historiam Ecclesie inde usq; ab initio perpetuam, primum ut certo sciremus initia, quae doctrina a Deo, ante omnes opiniones postea natas, tradita sit, & quomodo propagata & confirmata sit, deinde ut exempla ostenderent, quale sit hoc agmen Deum inuocans, cuius una est quidem perpetua sententia & inuocatio, sed fortuna & quasi uertus ualde dissimilis. Multitudo & frequentia alias maior alias minor est, hospitia nusquam durabilia sunt, & non diu tranquilla, sed alicubi semper aliqua docentium sedes est, unde in ceteras gentes uox Euangelij spargitur.

Sedes doctrinae fuit in Cananea, cum ibi Sem, Abraham, Isaac, Iacob, non tantum familias suas, sed etiam uicinos Reges & ciuitates de Deo erudirent. Postea in Aegypto lux doctrinae accensa est a Ioseph. Data tandem certa & durabilis sedes Israelitis, unde uelut ex celebri Academia uox diuina fere ab omnibus gentibus exaudita est.

Leges Moysi
Quaquam autem haec sedes diuinitus attributa erat Israelitis, & Politia constituta legibus maxime conuenientibus cum uera ratione, & a Deo traditis, tamen fere adsiduus bellis, tumultibus, et seditionibus quassata est, ut pij intelligerent, alium portum sibi propositum esse. Decem tribus in totum orbem terrarum dissipatae sunt, ut doctrinam de Deo ceteris gentibus impertirent. Postea

Postea et reliquæ Israelitarum, Iudæi, post excidium Hierosolymorum in Chaldeam abducti sunt, nec restituta est patria ante septuaginta annos. Quam miserum sit autem, exulare totas gentes, & uagari cum familijs & paruis pueris, sine certo hospitio, et inter superbos uictores uersari, quorum aliæ sunt de Deo opiniones, & quorum mores ac sensus in multis rebus discrepant ab hospitum moribus, nemo uerbis satis explicare potest.

Alibi a Mariti complexu abstracta est uxor forma & uirtute excellens, alibi filiæ ereptæ parentibus, deniq; uariæ familiarū distractiones factæ sunt, quas Esaias deplorans, insigni imagine pingit cū ait: Iniquitates nostræ ut uenti dissipauerunt nos.

Has calamitates cum cernerent Chaldeorum sapientes, nequaquam hanc miserrimam turbam, Dei Ecclesiam esse iudicarunt. Sed refutauit Deus ipse talia hostium iudicia, & insignia testimonia suæ præsentie in confessione eorum ostendit, qui statuam Regis Babylonici adorare noluerant, quæ testimonia multorum animos ad agnitionem ueri Dei in illis ipsius gentibus flexerunt.

Rursus igitur noua gloria inter Exilij ærumnas Ecclesia ornata est, ut iam conspectior esset, & ut uox eius magis exaudiretur, Quam quidem & sum-

mi Reges quinq; qui non solum Imperij magnitudi-
ne, sed etiam uirtute fere omnibus, omnium ætatum
Regibus antecelluerunt, amplexi sunt, Nabugdo-
nosor, & filius eius Euilmerodach, Darius Medus,
Cyrus, Artaxerxes *μακρόχρη*.

Tandem & reditus in patriam concessus est, &
instauratio templi & urbis facta est. Ibi nouæ mi-
grationes, & inter uicinos inimicos oppidorum in-
staurations difficiles & plenæ ærumnarū fuerunt.
Decretum etiam Cyri de instauratione templi, post
ipsius Cyri, ut ratiocinor, expeditionem susceptam
aduersus Scythas, annis aliquot impeditum est.

Sed quia uoluit Deus in loco noto & certo ex-
hibere filium, instaurari eam sedem necesse fuit, Et
semper in hac Politia aliquod fuit semen sanctum, ut
nominat Esaias, id est, aliqua uera Dei Ecclesia, eti-
amsi post instaurationem maior deformitas secuta
est, quam qualis in exilio fuerat.

Syriaci & Aegyptij Reges statim post Alex-
andrum sæpe in Iudeam irruptiones fecerunt, &
multa millia hominum trucidarunt.

Postea Antiochus, qui cum sibi cognomen indi-
disset Epiphanus, propter mores, allusione mutata
uocæ, dictus est *ἐπιφανής*, & doctrinam a Deo
traditam

traditam, & gentem uniuersam, quæ custos erat ci-
ui doctrinæ, horribili furore delere conatus est.

Quo tempore quanquam Deus repressit An-
tiochum, tamen magnæ uastationes factæ sunt, &
cum bella ex bellis orta essent, non solum multi ciues
extincti sunt, sed etiam disciplina ualde labefactata
est.

Nec iam externa tantum arma in Iudæa gras-
sabantur, sed sacerdotes ipsi inter se dimicabant, &
ciuili cruore templum & aras polluebant, Et natis
diuersis, sectis ueræ doctrinæ fontes ueneno infecti
sunt. Deformitas erat multiplex, sacerdotum
ambitiones, & orta ex ambitionibus ciuilia bella &
parricidia, dissidia dogmatum, supplicia recte sen-
tientium.

Hac specie multi mouebantur, ut existimarent
falso gloriari hanc gentem, in sua politia Dei Ec-
clesiam esse, & hanc gentem Deo magis curæ esse,
quam cæteras, Ridebatur hæc opinio non tantum
ab exteris, sed etiam a multis ciuibus.

Etsi autem in tali dissipatione & deformitate
uix conspici Ecclesia poterat, erant tamen reliquæ
mediocres, Simeon, Zacharias & multi horum
Doctores & discipuli.

Quorsum hæc commemoratio tota pertinet?

A V

Multæ

Multæ causæ sunt, Primum retinenda est hæc consolationis, Semper esse & manere ueram aliquam Dei Ecclesiam, etiam in hac mortali uita, semper ut aliqua pars generis humani Deum uere agnoscat, inuocet & celebret, Et hanc partem uere respicit & exaudit Deus.

De hac perpetuitate Ecclesiæ multa dicta conuersionantur, ut apud Esaiam dicitur: Hoc est fœdus meum, inquit Dominus, Spiritus meus qui est in te, & uerba mea, quæ posui in ore tuo, non auferentur ex ore tuo, & ex ore seminis tui unquam deinceps in sempiternum, Et filius Dei inquit: Maneo uobiscum usq; ad consummationem Mundi.

Hanc tantam consolationem sæpe cogitemus, ac sciamus non frustra traditam esse. Adfirmat Deus, se nunquam deserturum esse genus humanum, Et simul ostendit ubi & in quo cœtu uelit adesse. Non iudicemus de Ecclesia ex titulis aut locis, aut fortuna florente uel aduersa, aut Pontificum & Regum fœderibus. Signum aliud certum est, uidelicet puritas doctrinæ, ut in dicto Esaia inquit, uerba mea, quæ in ore tuo posui, Et filius Dei inquit: Si quis diligit me, sermonem meum seruabit, & pater meus diliget eum, & ueniemus ad eum, & mansionem apud eum faciemus, Loquitur enim hæc sententia de his, qui bona conscientia ueram & incorruptam doctrinam profitentur.

Postquam

Postquam autem didicimus, monstrante Deo, quæ sit uera Ecclesia, sciamus mandatum Dei esse, ut sententia, uoluntate, inuocatione, confessione, nos ad eum coetum adiungamus, ubicumq; est, nec seuiam adiuuamus, quæ in ueræ doctrinæ custodes exercentur.

Docet ipse filius Dei, quomodo colligat Ecclesiam: Quotquot receperunt eum, dedit eis potestatem filios Dei fieri, uult se recipi, hoc est, uult singulos amplecti uocem Euangelij incorruptam, quod cum facimus, sumus filij Dei, socij ueræ Ecclesiæ, & inuocantes Deum fiducia filij mediatoris, uere exaudimur, regimur, & seruamur a Deo.

Cum hac confirmati doctrina de Ecclesia, nos in hoc ipsum Tabernaculum Dei, ut Psalmus loquitur, & uelut ad aram abdidimus, sciamus etiam uarias erumnas nobis propositas esse, sed in his petamus & expectemus auxilium a Deo.

Multæ sunt enim causæ, quare Deus onerarit Ecclesiam tantis calamitatibus, Et uult conspici suam præsentiam, cum desertos a causis secundis ipse seruat aut restituit, ut apud Esaiam dicitur: Posui in ore tuo uerbum meum, & umbra manus meæ protegam te, ut plantes coelos.

Hoc præsidio munitæ erant matronæ illæ, de quibus initio dixi, Elizabeth, Anna, Maria, & aliæ multæ

multæ, cum uagarentur in illis locis milites, quorum singularis erat petulantia & crudelitas. Nunc quoq; Deus eodem modo, ut illas texit, pias familias defendet, sparsas in imperia, ubi in uarijs periculis uersantur.

Harum rerum omnium cogitatione tum erudiende tum confirmande mentes sunt in lectione huius historie.

Imaginem uides huius senectæ Mundi. Nunc quoq; sacrificuli & Monachi potentiam, opes, uoluptates præcipue quærunt, & falsas opiniones tuentur, quia nerui sunt potentie et opum, & doctrine puritatem, ueram Dei inuocationem, partim manifesta crudelitate, partim dolis opprimere conantur.

Interea tamen & sunt & erunt multi custodes ueræ doctrine, quorum uox auditur, Et quamquam multi dispersi sunt, tamen alicubi sedem aliquam doctrine Deus seruabit, & ut diu seruet ardentibus eum uotis oremus. Nec difficile iudicium est: quorum uox & confessio cum Euangelij uoce incorrupta congruit, hos uere ciues esse Ecclesiæ Dei non dubium est.

Cum autem bonæ mentes sciant unicum esse
Vnicq; portus salutis Ite 9 portum uitæ humanæ, ueram Dei agnitionem & inuocationem, & uideant non obscuram esse celestem doctrinam

doctrinam ijs, qui mentes ad eam dociles adferunt,
amplectantur eam, & se promissionibus diuinis su-
stentent, et statuunt inuocationem suam nequaquam
irritam esse.

Hæc consolatio sola magnis doloribus mede-
tur, quia & præsentiam Dei monstrat, et exitum
ostendit, proposita æterna consuetudine cum filio
Dei, & uniuersa Ecclesia.

Tibi uero FRIDERICE carissime, dedi-
caui hoc scriptum, quia scio te in hac confusione tem-
porum, & ex cœlesti doctrina, & ex historia Ec-
clesiæ, remedia curarū præcipua petere. Bene uale.
Data Vuitebergæ, Anno post natum CHRIS-
TVM 1548. Die Pentecoste, qua cele-
bratur memoria admirandæ patefactionis Spiritus
sancti, quem æternus pater, & filius eius, dominus
noster Iesus Christus, ex arcano cōcilio diuinitatis in
pectora Apostolorū miserunt, ut testimonium per-
spiciū extaret, uere effundi et in cæteros pios spiri-
tum sanctum iuxta promissionem diuinam, & nostra
corda Deo copulari hac amoris flamma ex pectore
æterni patris, & filij in nos transmissa, Fuitq; hæc
Pentecoste huius anni, 3057, inde usq; a prima
Pentecoste ab exitu Israelitarum ex Aegypto, in qua
Lex diuina uoce in rupe Sinai promulgata est.

Philip.

PHILIPPVS MELANT:
Lectori S. D.

DE Aenea intuentē picturam Troiani belli in
templo recens condito a Didone, inquit Vir-
gilius :

Sic ait, atq; animum pictura pascit inani.

Multa gemens, largoq; humectat flumine vultū.

Et si autem queri potest, cur dixerit Poeta, pa-
sci animum aspicientem picturam, cum quidem re-
cordatio calamitatum Patriæ, tristes gemitus & la-
chrymas cieret, tamen multæ causæ sunt, propter quas
recte dicit, affectione picturæ, leniri dolorem, quia
& ipsa virtutis consideratio in tantis ærumnis ali-
quam adfert leuationem, deinde & illud uerum est,
gemitibus & lachrymis quasi laxari animorum an-
gustias, ut Poeta inquit, Expletur lachrymis egeri-
turq; dolor. Et Euripides ait, ὥς ἡδὺ δάκρυα τοῖς
κακῶς πεπονθόσι. Non solum autem nostrarum
rerum pictura, sed multo magis etiam rerum ueterū
historia, in quibus imago est nostrarum, lenit dolo-
res, præsertim in Ecclesia, in qua ueræ causæ miseri-
arum & liberationum ostenduntur. Primum exem-
pla admonent nos de modestia, ne inæqualem in Ec-
clesia fortunam expetamus. Cum filius Dei, et præ-
cipua

ripua lumina nostri agminis, magnas calamitates ex
to Dei consilio tulerint, inaequale & iniustum esset.
nos tantum suauis oculum expectere, cum quidem ira
Dei nostris delictis irritata sit. Deinde iuuat cernere
in bonis exempla fidei, inuocationis, confessionis, &
aliarum uirtutum. Postremo alia consolatio proponi-
tur, ignota Ethnicis historijs. Nunquam opprimitur
tota Ecclesia, quæ uocē ueræ doctrinæ sonat, etiam si
uarijs erūnis magni coetus dissipantur. Interim tamē
Deus nō solum priuatim aliquos recte sentientes, sed
etiam publice coetus aliquos et ministerium Euange-
lij, & aliqua piorū studiorum domicilia seruat, alias
magis, alias minus tranquilla & ornata. Hi cū
leguntur in historijs Ecclesiæ, nos de promissi-
onibus diuinis admonent, ac testimonia sunt promissi-
onum, nosq; ad spem & expectationem mitigationis
publicarum miseriarū inuitant, & accendunt in no-
bis uota, quæ ipsa etiam conducunt ad flectendam
iram Dei. Multum igitur prodest legere piorum fa-
cta & cūctus. Et sunt aliæ multæ causæ, propter
quas necessaria est omnibus cognitio historiarum Ec-
clesiæ. Necesse est scire initia et propagationem do-
ctrinæ a Deo traditæ, unde, quibus testimonijs, per
quos doctores, et initio tradita sit doctrina, & pro-
pagata. Voluit igitur Deus extare historiam Eccle-
siæ inde usq; ab initio generis humani, usq; ad nostra
tempora

tempora. Ac singulari beneficio descriptiones conti-
nuas maximarum mutationum in imperijs seruauit.
Decet igitur nostram diligentiam accedere, ne mo-
numenta rerum maximarum intereant, sed ut illu-
strentur, & sint in manibus hominum. Quare bo-
nis mentibus spero gratum fore hunc Pauli Eberi la-
borem, qui prudenter contexuit historiam populi
Iudaici a reditu ex Babylone, usq; ad politiae Iudaicae
finem, de multis & tetrīs confusionibus eius tem-
poris, quod magna ex parte imago est huius ultimae
senectae mundi. Multa autem monet rerum similitu-
do, quorum cogitatio prodest ad hanc consideratio-
nem, quae, & ubi sit uera Dei Ecclesia, & quo diri-
genda mens sit in his confusionibus generis humani,
& unde petenda sint praecipua dolorum remedia.
Prodest etiam cognitio huius historiae ad multos lo-
cos in libris Prophetis et Apostolicis intelligendos;
Fuitq; initio causa huius operis instituendi praecipua;
quod in enarratione Danielis, Zachariae, & Apo-
stolorum opus est seriem harum rerum, quae hic reci-
tantur, nosse. Accipe igitur hoc munus candide Le-
ctor, quod prodesse alicubi poterit, & nocet nemini.
Talia scripta eo magis cum fauore excipienda sunt;
ut studia bonorum uirorum inuitentur ad si-
miles labores Ecclesiae utiles, cando-
re legentium. Bene uale.

Contexta

CONTEXTA IVDAICI
populi Historia a reditu ex Baby-
lonico exilio usq; ad ultimum
excidium Hierosolymæ.



ON DVBIVM
est singulari consi-
lio, Deum æternum
patrem domini no-
stri Iesu Christi, qui
genus humanum
condidit, ut æternam inde Eccle-
siam sibi colligat, tradidisse perpe-
tuam historiam inde usq; ab ini-
tio conditionis rerum. Etsi au-
tem Democritus & similes, qui
retro æternitatem mundi, aut in-
numerabiles mundos somniant,
rident hæc initia rerum, & eorum
narrationes fabulosas esse existi-
mant,

PRAEFATIO.

mant, tamen cum Deus illustri-
bus testimonijs, resuscitatiōe mor-
tuorum & alijs, monumenta Mo-
ysi confirmauerit, uerissima esse
statuamus. Quamquam autem
propter diuina testimonia præci-
pue illam ueterem Ecclesiæ histo-
riam amplectimur, tamen & si-
gna multa sunt ueritatis, quia ue-
rustæ gentium adpellationes con-
gruunt cum ea patrum serie, quæ
ibi recitatur, & ordo Imperiorum
talis fuit, qualis ibi partim fuisse
recitatur, partim futurus prædici-
tur. Est igitur & uera & antiquis-
sima omnium historiarum Pro-
phetica. Ideo autem historia con-
tinua tradita est, nō solum, ut ini-
tia generis humani sciremus, sed
multo magis, ut promissiones de
filio

filio notæ essent, et sciremus, quæ sit prima & incorrupta de Deo doctrina, & quæ testimonia subinde de doctrina, exhibita sint, & qualis Ecclesiæ gubernatio fuerit, quomodo, ut cymba inter fluctus maris, inter uarios imperiorum tumultus seruata sit, & quæ sint Ecclesiæ certamina, & fidei exercitia. Magnum autem beneficiū Dei fuit, quod certam Ecclesiæ sedem, ceu Academiam certam amplius annis mille quingentis in loco opportuno, inter duo potentissima regna attribuit, inter Ægyptium & Babylonicum, ut in utroq; regno exaudiri vox doctrinæ posset. Ibi & promissiones repetitæ sunt, & addita miracula, quæ testimonia fuerunt præsens

B ij

tiæ

PRAEFATIO.

tiæ Dei. Has tantas res mandari
 literis voluit, ut posteritas & ue-
 ram doctrinam, & Ecclesiæ cer-
 tamina, & liberationes nosset.
 Etsi autem non extant monumen-
 ta scripta publica autoritate de ex-
 tremo tempore, tamen Deo curæ
 fuit, ne hæc ultima historia pror-
 sus ignota esset, Sed res præcipuæ
 partim a Iosepho, partim a Philo-
 ne recitatae sunt. Has collegi, ut
 continuam Iudaici populi histori-
 am usq; ad excidium Babylonicū
 studiosi haberent. Voluit autem
 Deus ipse in genere humano ex-
 tare continuam seriem historiarū.
 Nam cum Propheticae historiae
 usq; ad regnum Persicum, seu usq;
 ad Cyrum perueniant, postea Gre-
 ca, & Latina historia recitat maxi-
 mas

mas sequentium Imperiorum mutationes. Et proxime sequitur historia scripta ab Apostolis de filio Dei, nato ex uirgine Maria, crucifixus & resuscitato.

Deinde Ecclesiae historiam Eusebius, Epiphanius, & Nicephorus contexuerunt. Nec uero dubito omnes sanos fateri, necessariam esse cognitionem ordinis temporum, quo & doctrina patefacta est, & exhibitus filius Dei, & Ecclesia multis modis collecta, & magnis fluctibus quassata, & rursus liberata est. Quare Deo gratias agamus, quod continuam historiam generi humano tradidit, & monumenta pio studio seruemus, qua in re cum mediocriter e-

B iij labo-

PRÆFATIO.

laborauerim, spero hunc libellum
pijs lectoribus gratum fore. Initi-
um autem catalogi est, series sum-
morum Sacerdotum, qui unà cum
Principibus, qui ex regia tribu
nati fuerunt, post reditum
ex Babylone popu-
lum Iudaicum
rexerunt.

Catalogus

CATALOGVS
SACERDOTVM.

4.

SERAIA,

I

IOSEDEC.

Ambo abducti sunt Babylonem a Rege Chaldeorum Nabuchodonosor, & in exilio mortui.

IOSVE uel IESVS, Cum Principe Zorobabel reuersus est in Iudeam, Anno ante Christum natum quingentesimo tricesimo sexto, Vixit sub regibus Perſicis Cyro, Cambyſe, Dario Hiſtaſpis, Xerxe, uſq; ad uiceſimum annum Artaxerxis Longimani, & præſuit ſummo ſacerdotio primum annis 36. Vbi cum impediretur edificatio templi, proſectus Babylonem ad Darium Hiſtaſpis, quem Aſſuerum Hiſtoria ſacra nominat, abſuit octo annos, Deinde reuersus præſuit alios uiginti annos. Hunc Philo exiſtimat ſcripſiſſe Hiſtoriam Iudith, quam tamen aliqui antiquiorem eſſe putant.

Huius IESV filius, IOACHIM.

IOACHIM abſente patre octo annis, & poſt eius obitum 48. An. tenuit ſacerdotium. Vixit ſub Longimano, Dario Notho, uſq; ad 12. annum Artaxerxis Aſſucris, qui & Mnemon dicitur. Hic conſcripſit Hiſtoriam Heſter, & memoriam Phurim, hoc eſt ſortium inſtituit, ut ſcribit Philo.

B iij

Henric

CATALOGVS.

Huius filius ELIASIB.

ELIASIB sacerdotio summo præfuit annis
21. usq; ad tricesimum quartum annum Artaxerxis
Mnemonis. Huius filius

IVDAS uel IOIADA.

IVDAS præfuit annos 24. usq; ad tertium annum
Ochi, qui successit Mnemoni. Huic filij duo fuerunt.

IOHANNES. & IESVS.

IESVS. Hic ambitione incensus Vogesam Satrapam Persicum, sibi amicum largitione fecit, ut eius auxilio adiutus sacerdotium summum fratri eriperet Sed mox poenas impij conatus luit. Nam in ipso templo orta contentione & conflictu, à fratre occiditur. Hoc initium malorum in Iudæa fuit, post reditum ex Babylone annis ferme 170.

IOHANNES cum fratrem Iesum occidisset in templo, tristem seruitutem populo suo accersiuit. Nam Vogeses Satrapa cognita nece amici sui Iesu, cum exercitu Hierosolyma ingressus, Templum pol- luit & spoliauit, illud iam ante à sacerdote summo fratris sanguine prophanatum dictitans. Exegit & septem annos tributum duriter, ita ut cogeret Iudeos pro singulis pecudibus mactandis in sacrificio, quinos coronatos

coronatos pendere. Præfuit annis 24: usq; ad mortem
Ochi, & initium regni Arsamis.

Huius filij fuerunt.

IADDVS. MANASSES.

MANASSES imitatus exemplum Iesu, ut se
potentia aduersus fratrem muniret, adfinitate sibi
iunxit uicinum Satrapam Sannabalath Chuttem,
missum in Samariam à Dario ultimo, ducta uxore eius
filia Nicasso. Cumq; ob id illicitum matrimonium re=
pelleretur à ministerio sacerdotali, cum multis alijs
ob eandem causam Sacerdotij functione priuatis, con=
fugit ad socrum in Samariam. Is postea impetrata
potestate ab Alexandro Magno extruxit nouum tem=
plum in monte Samariæ altissimo Garizin, simile figu=
ra & magnificentia Hierosolymitano templo, cui ge=
nerum Manassén præfecit.

Hæc distractio Sacerdotum magnos postea tu=
multus in Iudæa excitauit. Nam cum ad hoc templum
confugerent omnes, qui ob uiolatas ceremonias Legis
Mosaicæ aut alia facinora Hierosolymis eijciebantur,
breui tempore auctis uiribus hi Sacerdotes & trans=
fugas & Samaritas contra Iudeos concitarunt, unde
crebræ excursions & latrocinia utrinq; deinceps ex=
titerunt

CATALOGVS

riterunt. De huius Manassæ posteritate nihil legitur. Sed post ducentos annos hoc templum in monte Gariazin funditus deletum est à Iohanne Hyrcano Simonis Asmonci filio & successore.

IADDVS summum sacerdotium tenuit 10. annos, sub Arsame & Dario ultimo, usq; ad Alexandrum magnum. Hic & fratrem Manassen, & alios sacerdotij iure priuauit, eo quod alienigenas mulieres contra legem Dei matrimonio sibi copulauerant. Alexandro autem Magno Tyrum obsidenti, & auxilium ac tributum ab ipso petenti, quod ante hac Persis Iudei soluissent, respondit Iaddus se Dario uiuente, cui iurauerit, alium Dominum non agnoscere. Fuit enim Iudaica gens tributaria Persicorum regū fere à tempore reditus ex Babylone. Quare iratus Alexander, post captam Tyrum & Gazam, cum infesto exercitu ad Hierosolymorum urbem ascendens, Vi subigere Iudeos cogitabat. Sed Iaddus per somnium monitus, sumpto ornatu sacerdotali, cum omnibus Sacerdotibus ac ciuibus Alexandro supplex occurrit, qui conspiciatus summum sacerdotem ad pedes desiliit, & adorauit. Deinde rogatus causam, cur hosti supplicanti, ipse prior quasi fieret supplex, respondit, in Macedonia adhuc, cogitanti sibi de Asiæ imperio, per quietem

quietem tali specie & habitu, qualem hic cerneret, uisum uirum, autorem fuisse suscipiendæ expeditionis in Asiam, & spem successuum fecisse. Inde ingressus cum exercitu in urbem Alexander, non modo hostile nihil fecit, Verum etiam peracto sacrificio, templum donarijs magnificis ornauit, & decedens libertatem legis patriæ tenendæ & septimi anni, quo agri non conferuntur, immunitatem Iudeis concessit.

IADDO filij fuerunt.

ONIAS.

MANASSES.

MANASSES. De hoc nihil legitur aliud, quam quod nepoti Eleazaro successerit, & amicus Seleuco Callinico fuerit, quodq; sub ipsius gubernatione Samaritæ emulatione templi & cultuum infesti Iudeis, agrum Hierosolymitanum ferro & igni uastauerint. Aliqui tamen hunc non fratrem Oniæ, sed coniugis eius fratrem fuisse dicunt.

ONIAS appellatus Priscus.

Huius tempore Ptolemeus Lagi, ut sibi tributariam faceret gentem Iudaicam, fraude tanquam sacrificaturus die Sabbati, Iudeis arma capere per legem non audentibus, urbem Hierosolymorum ingressus,
seu

CATALOGVS

seuijt in ciues, & aliquot millia Iudeorum captorum
loco obsidum abduxit in Aegyptum.

Oniæ filij fuerunt.

SIMON. ELEAZARVS.

SIMON iustus ob pietatem & erga gentem
suam benignitatem appellatus est. Sub hoc sacerdote
summo, pacem Iudei habuerunt, dum successores A=
lexandri Magni, Antigonius, Demetrius, Selcucus, &
ceteri de Monarchia orbis in Asia & Græcia certa=
runt.

ELEAZARVS, Successit Simoni fratri, ut tu=
tor Oniæ secundi adhuc infantis. Sub hoc Ptolemæus
Philadelphus plures quam centies mille Iudeos partim
à Persicis regibus, partim à patre Ptolemeo Lagi ca=
ptiuos in Aegyptum perductos, atq; ibi seruitutem
seruientes liberat, numerans pro singulis captiuis
λύτρον XII. coronatos ex fisco regio. Idem missis
Legatis cum magnificis munerib. ad Eleazarum sum=
mum sacerdotem, postulauit 72. Iudeos mitti, qui
transferrent ex lingua Ebraica in Græcam scripta
Mosi & Prophetarum, eos postea opere perfecto
amplissimis donis ornatos domum remisit cum mensa
circa templo dicata, & alijs ingentibus donis. Huic
Eleazaro

Eleazaro mortuo successit Manasses patruus, uel, ut aliqui uolunt, auunculus, (nam utrunq; significat Græcis θείος) de quo supra dictum est.

SIMON.

<p>┌───┐</p> <p>Tobias,</p>	<p>┌───┐</p> <p>Filia sa-</p>	<p>└───┘</p> <p>ONIAS</p>
quem Philo et Lucas cap. 3. uocant Matathiam.	cerdotis Simonis, nupta Tobias ex domo Dauid.	Infans relictus à patre iam senex tandem adeptus sacerdotium successit Manassæ. Hic sua auaricia irritauit Ptolemeum regem Aegypti aduersus gentem Iudeorum, negata usitati tributi pensione. Soliti enim fuerant summi sacerdotes de suis redditibus, quotannis pro ciuiibus soluere Aegyptijs regibus 20. talenta, hoc est, 12. millia Coronatorum. Sed Ptolemeum postea placauit Iosephus, nepos Oniæ ex sorore, Princeps de posteritate Dauidis.

Oniæ

CATALOGVS

Onie succedit filius.

SIMON.

Hunc Philo iustum uocatum esse scribit. Sub eo Iesus filius Sirach conscripsit $\omega\alpha\upsilon\acute{\alpha}\rho\epsilon\tau\omicron\pi$. Simoni tres fuerunt filij, omnes deinceps consecuti dignitatem pontificiam, id quod clare testatur Iosephus lib. 12. cap. 6.

SIMON.

ONIAS.

IESVS, qui
et IASON.

ONIAS, qui et
MENELAVS.

ONIAS maior ob pietatem & iusticiam laudatur in secundo Macabeorum, & dicitur amicus Seleuco fuisse, fratri Antiochi Epiphanis, qui sumptus omnes templo ex regni Syriaci redditibus praeuit ali-
quandiu. Sed postea cum quidam Simon templi custodiam praefectus, & Onie summo sacerdoti infestus, Seleuco regi indicasset, ingentem uim auri in templo reconditam esse, qua non uterentur sacerdotes, Rex non modo redditus prius templo donatos retraxit, uerum etiam Heliodorum misit, qui illos templi thesauros in fiscum Regium transferret. Ibi Heliodorum ingressurum contumaciter cum satellitibus in adyta templi, diuinitus percussum & exanimatum, Onias implorata Dei ope, rursus sanauit.

Postea

Postea aucta discordia inter principem sacerdotum & Simonem proditorem, ita ut cedes fierent à Simonis amicis, Onias furori aduersariorum cessurus ad regem Sclucum proficiscitur. Sed is iam mortuus fuerat, ante quam ab Onia conueniretur, & a successore defuncti Regis Antiocho Epiphane Iason Onie frater impetrauerat muneribus summi sacerdotij administrationem. Quare Onias metu fratris Iasonis & Regis Epiphanis, domum reueri non ausus, in quoddam Asylum iuxta Daphnen Syrie oppidum confugit, unde postea fraude eductus interficitur ab Andronico regio præfecto, rogatu Menelai, qui expulso uicissim Iasone summum sacerdotium inuaserat, ut dicitur infra.

Huius Onie maioris filius fuit

ONIAS.

ONIAS, relictus paruulus extincto patre, postquam adoleuit, metu Alcimi pontificis cū aliquot ciuibus confugit in Aegyptū ad Ptolemaeum Philometorem, à quo impetrat potestatem condendi oppidi et templi in Heliopolitano agro ad similitudinem Hierosolymitani templi, quod Onion dictum, quinque milliaribus nostratibus à Memphi absuit, quæ nunc Alcaira uocatur. Cum enim Ptolemeus contra Antiochum Epiphanem bellum gereret, et auxilijs uiciorū egeret.

CATALOGVS.

ret, persuasus est ab Onia sacerdote, condito tali templo omnem gentem Iudcorum regibus Aegyptijs accessuram esse. Hoc templum post annos ducentos & triginta ferè, spoliatum omnibus donarijs, edicto Vespasiani Imperatoris prorsus clausum est circa tempus destructæ urbis & templi Hierosolymitani.

Filij fuerunt huius Oniæ habitantis
in Aegypto.

HELCIAS.

ANANIAS.

Hi fratres præfecti exercitui Aegyptio, Cleopatram fortiter adiuvcrunt, ut expulso filio Lathuro regnum occuparet. Sed postea cum receptis viribus Ptolemæus rursus per Iudeam in Aegyptum contendere, Helcias cum persequens cum exercitu, in Syria morbo extinguitur. De posteritate sacerdotum Iudaicorum in Aegypto nihil legitur.*

IESVS qui & IASON dictus est, secundus Simonis filius, mortuo Selcuco, ab Antiocho Epiphane fratre & successore Selcuci principatum sacerdotij emit quingentis talentis hoc est, tribus Tonnis auri, ut vulgo loquimur, & promissis insuper 4s. millibus coronatorum annui tributi, ac ut Regem impium magis sibi

gis sibi conciliaret, gymnasia Hierosolymis extruit,
 & ludos instituit illis ipsis temporibus, quibus popu-
 lus conuenire alioqui ad templum consueuerat. Re-
 gem Epiphanem cum exercitu aduenientem in ur-
 bem accipit magnifice, facib. prælatis, & cum can-
 tibus, continentibus encomia Regis, quo tempore Rex
 abiens, præsidium in arce Hierosolymitana reliquit.
 Hoc fuit initium seruitutis eius, quæ secuta est into-
 lerabilis. Cumq; triennium tenuisset summum sa-
 cerdotium Iason, & Menelaum fratrem misisset cum
 pecunijs & quibusdam mandatis ad Antiochum, simili
 fraude sacerdotio exiit, quo ipse fratrem Oniam
 spoliauerat. Quare metu Menelai fugiens in Am-
 monidem, ibi delituit, donec Antiochus ingressus
 cum exercitu Aegyptum, uano rumore ferebatur
 mortuus. Ea fama excitatus Iason cum mille arma-
 tis subito in urbem irrupit, ac cum ciuium studia ha-
 beret propter crudelitatem & rapinas Menelai,
 plurimis interfectis de factione Antiochi, Menelaum
 in arcem ad præsidium Syriacum fugere compulit.
 Sed audito Antiochi reditu ex Aegypto, spe sacerdotij
 obtinendi frustratus, iterum confugit ad Ammoni-
 tas, à quibus tamen propter metum aduentantis cum
 exercitu Antiochi, non recipitur. Deinde cum ob
 eandem causam ab Arcta Rege Arabiæ quoq; finibus
 C arcere=

CATALOGVS

arceretur, neq; in Aegypto receptum haberet, tandem desertus ab omnibus, ad Lacedemonios transfretauit, ut genere cognatos, apud quos egens & exul moriens poenas dedit impie ambitionis.

ONIAS qui & MENELAUS Tertius Simonis filius, ut Iosephus scribit, Etsi secundus liber Macabeorum Cap. 3. & 4. cum dicit non fuisse Simonis sacerdotis summi filium, sed cuiusdam Simonis ex tribu Benjamin fratrem, qui templo praefuerit, cuius supra in Onia mentio facta est. Hic Menelaus a Iasone principe sacerdotum cum pecunijs & quorundam negociorum mandatis ad Regem Antiochum Epiphanem ablegatus, callide & alijs officijs regem sibi & aulicos conciliat, & pollicitus trecenta talenta, hoc est, 180. millia Coronatorum, supra omnia illa, quae Iason haecenus soluisset, & criminatus fratrem impetrat, ut principatus sacerdotij ablatus Iasoni in ipsum transferretur.

Eam dignitatem adeptus, impietatem Iasonis in Ethnicis ritibus imitatus est, crudelitatem & rapacitatem eiusdem longe superauit. Nam sub initium gubernationis, ut securius parto honore potiretur, Oniam Simonis primum filium, suum fratrem, ut Iosephus

sephus uult, exulem & in Asylo iuxta Daphnen Sy-
rie oppidum latitantem, per Andronicum præfectum
caue Syriæ, fraude necari curauit, ob quod scelus
Andronicus a Rege supplicio capitali affectus est.

Postea cum immensam pecuniam Regi promissam
soluere non posset, multa uasa aurea clam ex tem-
plo surrepta uendidit, quo sacrilegio patefacto, ma-
gni motus in populo extiterunt.

Tandem missis a ciuitate Hierosolymitana tri-
bus legatis Tyrum, Menelaus coram Antiocho sacri-
legij accusatus & conuictus est. Sed placato Rege
per aulicum quendam Ptolemeum, pecunia corruptum,
absolutus, effecit, ut accusatores, tanquam calumni-
atores, capitali poena plecterentur, domum reuersus
in ciues nouam seuiam exercuit.

Sub id tempus quadraginta continuos dies in-
aëre miræ species conspectæ sunt armatorum equi-
tum, & pedestrium copiarum, confligentium, quæ
prodigia ingentium calamitatum, quæ paulo post se-
cute sunt, prænuncia fuerunt. Nam cum Antio-
chus cum exercitu denuo in Aegyptum profectus
esset, ut aperto bello regnum Aegypti occuparet,
quod antea prætextu tutelæ ad se trahere frustra co-

CATALOGVS

natus fuerat, cum Ptolemæus Philometor ex sorore Antiochi natus, puer adhuc esset, Iason armata manu urbem inuasit, ut fratrem rursus sacerdotio excuteret, & cum plurimos ciues trucidaret, qui partibus Antiochi & Menelai fauebant, Menelaus inferior uiribus, in arcem ad præsidium Syriacum confugit, unde missis nuncijs implorat opem Antiochi, qui tunc Aegypto excedere Romanorum seuerò mandato per Popilium compulsus, fremebundus ascendebat, metuens insuper & Iudaicæ gentis defectionem. Cumq; ad urbem adducto exercitu clausas portas, & ciues ad defensionem paratos offendisset, indignatus, Vi oppugnatam urbem sine magna difficultate cepit, cum Menelaus cum sua factione, & præsidium Syriacum ex arce crumpens intra urbem cæsis ciuibus, hostium conatus adiuuarent, & portas aperirent.

Ibi demum ingressò Antiocho, milites iussu trucidare obuios armatos, in omnem ætatem & sexum crudeliter scuiuerunt, ita ut circiter octoginta millia hominum tridui spacio in urbe Hierosolymorum interfecta, aliquot millia captiua abducta, & uendita sint. Ingressus est etiam Rex, ducente Menelao, sanctissimam templi partem, & uasa sacra manibus pollutis contrectata asportari iussit in Syriam,

una cum

una cum mille octingentis Talentis ex Gazophylacio, hoc est, nostræ monetæ ferme undecim Tonnis auri, quæ pecunia partim erat templo donata, partim erat illic deposita à uiduis & orphanis, ut in locum sanctitatis & uenerationis tutiorem. Cumq; Antiochus sacerdotium summum Menclao restituisset, ac firmum præsidium militare in urbe reliquisset, Cui Philippum Phrygem præfecit hominem crudelissimum, Antiochiam cū amplissima præda reuersus est.

Post biennium defectionem Iudeorum metuens, misit Apollonium ducem cum exercitu 22. millium ad Hierosolyma, qui nihil hostile præ se ferens, positis castris extra urbem, Sabbati diem expectauit, quo die multitudinem incrimem egressam spectatum castra Syriaca, dato signo, partim confodit, partim protriuit, & impetu in urbem facto, omnia cædibus compleuit, urbem diripuit, ac multis in locis incendit, moenia & alias munitiones demolitus est, eam partem urbis, quæ ciuitas David dicebatur, muro & propugnaculis muniit, & ualidum præsidium imposuit. Hæc omnia erant præparatio ad ea, quæ Rex postea molitus est. Cum enim cogitaret Iudeis patriæ Legis professionem extorquere, quam sciebat eos acerrime defendere, prius exarmare eos, & om-

CATALOGVS,

inhibus praesidijs, munitionibus ac uiribus, exuerē uoluit.

Hac igitur uastitate per Apollonium effecta Hierosolymis, paulo post misit Rex Athencum, unū ex Ducibus suis, cum edicto, quo imperabat omnibus gentibus subiectis, eandem religionem cum Græcis, eosdem cultus in toto regno seruare, interdicebatq; Iudeis circumcisionem & alios omnes ritus lege Dei mandatos, Collocauit etiam cum Hierosolymis, tum in alijs ciuitatibus Iudeorum, militum cohortes, qui atrocissimis supplicijs afficerent omnes, qui regio edicto non obtemperarent. Quin & templum eiusdem Regis edicto prophanatū est, collocata Iouis Olympij statua in sacratissima templi sede, multis etiam stupris patratis intra ipsos templi parietes, & neactatis hostijs lege Dei prohibitis. Ad hæc regio interdicto prohibebantur libri sacri omnes, & capite plectebatur is, apud quem erat liber Legis inuentus, fiebatq; singulis Mensibus inquisitio.

His mandatis impijs & immani Tyrannidi Epiphanis, cum ciues Hierosolymitani se opponere uiribus non possent, iam inermes, & ualidissimo praesidio in urbe oppressi, & destituti duce, cum Menelaus Pontifex summus & antea ritus Ethnicos Hierosolymis

Solymis instituisse, & nunc palam Regis impios conatus, & approbaret & adiuuaret, ut dignitatem suam & Regis fauorem tueretur, ibi multi constanter professi legem diuinitus traditam acerbissimis cruciatibus a militibus Antiochi extincti, & eorum bona fisco regio addicta sunt, Plurimi ex urbe, omnibus facultatibus relictis, cum coniugibus ac liberis in solitudinem & specus sese abdiderunt, quo tempore & Matathias Asmoncus cum filiis in vicum Modin secessit.

Narratur in secundo Macabeorum, horrendum supplicium duarum foeminarum, quæ infantes suos contra edictum Antiochi circumcidisse, erant praefecto regio proditæ. Is mandauit infantes strangulatos mulieribus nudatis de uberibus suspendi, easque ad terrorem aliarum per omnes urbis uicos circumductas, tandem de muro præcipites deturbari.

Extat ibidem narratio de septem fratribus, quæ exquisitis tormentorum modis excruciat, tamen constantiam in professione Legis diuinæ præstiterunt. Ex quibus horrendis exemplis aestimari potest & immanitas Antiochi, & miserrimus status populi Dei, cuius aliquæ tamen reliquæ seruatae sunt, excitati diuinitus Asmoncis, qui Antiochi furorem re-

C iij prefferunt.

CATALOGVS

presserunt, & legem Dei armis asseruerunt, sicut infra dicitur.

Menelaus autem conciliator, spectator & adiutor horum malorum in suo populo, etiam cum Iudas Macabeus urbem & templum uic cepit, sacerdotij titulum retinuit, in arce latitans, & armis Syriaci praesidij defensus, donec post mortem Antiochi Epiphanis, filius Antiochus Eupator, occupatis Hierosolymis & facta pace cum Iuda Macabeo, suasu Lysie, impium Menelaum, ut faciem totius belli, & omnium cladum, quas Syriaci exercitus ab Asmoneis acceperant, autorem, captiuum abduxit in Syriam & occidit, cum sacerdotij principatum tenuisset annos 12.

Hic fuit ultimus pontifex ex illa posteritate Aharonis, cui competebat iure diuino sacerdotij summi administratio. Nam Antiochus Eupator in locum Menelai, sacerdotem constituit Alcimum quendam, ortum quidem ex posteritate Aharonis, sed non ex familia Iesu illius, qui cum Zorobabel ex Babylone in Iudeam reuersus fuerat. Hic Alcimus cum quadriennium praefuisset, subito morbo extinctus est, anno altero post interfectum Iudam Macabeum.

Post Alcimum septem annos templum & populus sa-

lus sacerdote summo caruit, donec aucta iam potentia
Ionathæ, fratris Iudæ Macabei, populi consensu in
Asmoneorum familiam sacerdotij summi di-
gnitas translata est, ubi permansit usq;
ad initium regni Herodis, annos
fermè centum et
sedecim.

C V

ASMO-



ASMONEORVM, id est,
POSTERORVM SIMO-
nis familia & successio, ad quos
translatus & sacerdotij & populi
Iudaici principatus mansit a
tempore Antiochi Epi-
phanis, usq; ad regnum
Herodis.

SIMEON.

|

IOHANNES.

|

MATATHIAS.

Sacerdos de uice Ioarib hierosolymita, habitans
in uico Modin, primus se opposuit Antiocho Epi-
phani, supplicijs atrocibus adigenti Iudeos ad legis di-
uinae uiolationem, & ad usum Ethnicorum rituum,
Anno regni Syriæ 148. hoc est, anno post mortem
Alexandri 159. & ante Christum natum 168.
Nam cum uidisset Matathias in gratiam Regis, quen-
dam Iudeum immolare super altari Ethnico uictimam
lege

lege prohibitam, iusto & pio zelo inflammatus, & hunc suum popularem impia patrantem, & regium præfectum astantem ciuibus inspectantibus in templo trucidauit, & euersa ara ad arma uocauit omnes, qui uerbum diuinitus traditum pluris facerent, quam Regis Ethnici comminationes, eosq; facultatibus omnibus relictis, eduxit in solitudinem, ubi cum indies confluerent plures, mediocri iam exercitu stipatus circumiens, magna uirtute uicina oppidula ab idolatriæ Antiochi liberauit, & lege Dei præceptos cultus passim restituit. Sed confectus senio uir fortissimus, postquam annum unum, errantem & exulantem turbam duxisset, cohortatus suos filios ad pietatis studium, ad fortitudinem in propugnanda constanter lege diuinitus tradita aduersus Antiochi impia edicta & supplicia, & in primis ad concordiam & reuerentiam mutuam, placida morte decessit anno regni Syriæ 146. post mortem Alexandri 160. ante Christum natum 164.

Matathie fuerunt filij quinque.

IVDAS.	IONA.	SIMON.	IOHAN.	ELEAZA.
	THAS		NES.	RVS.

Elcazarus.

IVDAS ASMON.

ELEAZARVS, qui & Auran, cum etate ferox iuuenis multa præclara facinora fecisset, quinto anno post patris mortem cum fratre Iuda obuiam profectus Antiocho Eupatori Epiphanis filio, uidit inter bestias unum Elephantem præ ceteris ornatu et magnitudine insignem. Cumq; existimaret Regem illi elephanto insidere, temerario ausu accurrit, ac multis circa bestiam militibus occisis, uentrem elephanti letali uulnere aperit, quo corruente Eleazarus oppressus extinguitur.

IOHANNES cui Gaddis cognomen fuit, post Iudæ fratris interitum à fratribus Ionatha et Simone cum rebus preciosis, quas bello acquisierant, missus in Arabiam, ut eas in tuto illic apud Nabatheos deponeret, in itinere ab Amorreis ex insidijs oppressus & spoliatus interficitur.

IVDAS Macabeus cognominatus est, quæ dictio Ebraice sic scribitur MACABAI cuius singulæ literæ singulas dictiones significant, sumptas ex cantico Moysi Exodi 15. cap. ubi hæc uerba sunt, MI CAMOCHA BAEIM IEHOVA. hoc est, quis sicut tu in dijs Domine? Hac sententia Iudas pro symbolo usus, initialibus dictionum literis in unam uocem

cem

cem coniunctis, sibi cognomen fecit Macabei. Is à patre moriente præfectus dux miserae multitudini, quæ parata erat quidvis pati potius, quam confessionem doctrinae diuinitus tradita impie abijcere, mox post patris mortem profligauit exercitum Apollonij, cuius a se occisi gladio posthac semper in prælijs usus est. Fudit & Scronis syriaci præfecti copias parua manu trucidatis cum duce Serone octo millib. hominum. Hæ uictoriæ primo anno principatus partæ, clarum ubiq; fecerunt Macabei nomen, Anno sequenti, hoc est, 147. regni græcorum, Antiochus in Persidem expeditionem suscipiens, Lysiam summum regni gubernatorem & curatorem filij Antiochi Eupatoris in Syria relinquit, dans mandata de delendis Iudeis rebellibus. Lysias igitur quadraginta milia peditum et septem millia equitum in Palestinam mittit, quibus præficit Ptolemeum, Nicanorem, & Gorgiam duces, qui cum exercitu hostiliter ingressi Iudeam, ad Emaus uicum castra locant. Iudas in tanto periculo suum exercitum ducit ad Masspha, locum antiquitus ante conditum templum Hierosolymitanum, ob religionem celebrem, ubi edicit ieiunium, & iubet ardentibus uotis peti defensionem exiguae manus, (habebat enim secum tantum 3. millia ad militiam idoneorum hominum) aduersus tantas hostium uires.

Deinde

IVDAS ASMO!

Deinde motis castris hostilem exercitum rectâ petit, quem nocte improviso adoriens in fugam conuertit, cæsis tribus millibus hostium, mox conuersus, alteri parti exercitus, quam Gorgias abduxerat, ut per insidias nocte Iudeos opprimeret, uiriliter obuiam proficiscitur. Sed Gorgias animaduersa clade exercitus è fumo incensorum castrorum, ipse quoq; cû suis fuga dilabitur. Ita Iudas exiguo robore militum ingentem exercitum hostium prosligauit, & amplissima præda potitus est. Hac suorum strage audita Lysias, fremens, maiore conatu bellum aduersus Macabeos parat. Anno enim sequenti, qui est 14 s. regni Græcorum, cum sexaginta millibus lectissimorum pedatum, & quinq; millibus equitum, diffidens suis ducebus, ipse per Idumæam in Iudeam irruit, cui habenti castra ad Bethsuram in finibus Iudeæ, Macabeus cum decem millib. adeo iam creuerat accursu quotidiano multitudo detestantium Idolatriam Ethnicam, occurrit, & inuocato prius publice auxilio Dei, prælium cum hostibus committit.

Vbi cum Lysias uideret Iudeos contemptu mortis quasi furentes hostium globos perrumpere, & suos in fugam iam conuersos esse, amissis quinq; millibus, reliquos palantes ægre reduxit Antiochiam,

HOUEANA

nouam expeditionem maiore apparatu moliturus, quam Epiphanus mors antecuerit & auertit, Qui ab obsidione Persepolis repulsus, cum per Babylonem exercitum affectum reduceret, et in itinere nuncium accepisset de infœlicibus prælijs suorum ducum in Iudea, in uehementes animi primum, deinde etiam corporis dolores incidit, correptus morbo intestinorum seuissimo. Nihil tamen mitior factus, maius etiam odium aduersus Iudeos concepit, quorum urbes, & in primis Hierosolyma decreuerat, reuersus in Iudeam solo equare, deleta uniuersa gente. Sed cum in itinere festinantius contenderet, cuerso curru, quo uehebatur æger, ita duriter est allisus solo, ut morbi uis augeretur, & putrescentibus uisceribus etiam caro per totum corpus uermibus scateret cum teterimo sœtore, donec tandem post intolerabiles cruciatus, agnoscens diuinam uindictam, animam efflauit. Hoc modo extinctus est crudelissimus Tyrannus, anno regni Græcorum 148. sui uero regni anno 12. & post uastatum & direptum templum & oppidum Hierosolymorum anno quarto.

Iudas uero Macabeus illa tam insigni uictoria confirmatis uiribus, statim ducit exercitum Hierosolymam, ubi prophanatum templum cultu idolorum expiat.

CATALOGVS

expiat, & legitimas uictimas offert, anno Græcorū
148. ante Christum natum 162. die 25. Mensis
Chisleu, hoc est, Nouembris, quo die ante triennium
idem templum & direptum, & idolorum statuis ab
Antiocho pollutum fuerat. Aedificauit & Zion, &
Betsuram muniuit, ut esset propugnaculum aduersus
Idumeos.

Post hæc assidue in armis fuit, bello petitus à ui-
cinis etiam Idumæis, Ammonitis & alijs, conantibus
crescentem potentiam gentis Iudaicæ premere, quos
fortiter represserunt fratres Macabei, diuiso exer-
citu, in diuersis locis eodem tempore feliciter præli-
ati, & uictoria satis duriter usi. Anno autem Græ-
corum 150. Iudas arcem Hierosolymis obsidere
cepit, cum ex ea præsidiarij milites excurrentes, sa-
crificaturos in templo occiderent, & ciues afflige-
rent. Sed rogatus Antiochus Eupator à Menelao
pontifice auxilium ferre suis in arce obsessis, centum
millia peditum, equitum 20. millia in Iudeam cum
Lysia ducit, & Betsuram diu obsidet. Interim Iudas
audito Regis aduentu, ommissa obsidione arcis, cum
exercitu obuiam proficiscitur hostibus, de quibus ali-
quot in uelitationibus occidit, sed cum uideret se lon-
ge uinci multitudine hostium, cessit Hierosolyma, ubi
templi munitionibus inclusus, sequente cum exercitu
Antiocho

Antiocho difficilem obsidionem diu sustinuit, donec Rex certior factus de aduentu Philippi, qui ex Perside exercitum Epiphanis reducens, dicebatur occupaturus regnum Asiæ & Syriæ, pacem offert obsecris in templo, & libertatem utendi patrijs legibus. Sed cum Iudas suum præsidium eduxisset ex templo, Rex miratus munitiones, contra pactum muros templi omnes deiici iubet, & secum abducens Menelaum sacerdotem summum captiuum, de quo supra dictum est, in cuius locum substituerat Alcimum, qui & Ioachim, in Syriam cum exercitu reuertitur.

Anno 151. Græcorum, Demetrius ex urbe Roma fugiens ubi obses fuerat, occiso Antiocho Eupatore Epiphanus filio, & curatore ipsius Lysia, regnum Syriæ occupat. Alcimus igitur ut retineret sacerdotij dignitatem ab Eupatore & Lysia traditam, ad Demetrium proficiscitur, & cum gentem suam totam, tum in primis Asmoneos accusat, quasi autores tumultuum, & turbatores communis pacis in Iudea, à quibus esset in exilium pulsus. Mittitur igitur a Rege Bacchides, ut Alcimum armata manu constituat, qui cum exercitu ingressus Hierosolymam, multos innocentes ciues fraude circumuentos occidit, tandem relinquens Alcimo præsidium militare

IVDAS ASMON:

uulidius, in Syriam regreditur. Cum autem Alcimus potentia sua & fauore Regis abuteretur ad interitum multorum, qui ipsi aduersabantur, Iudas indigne ferens tantam crudelitatem summi sacerdotis, defensionem innocentium suscipit, eosq; qui partium Alcimi erant passim interficit. Quare Alcimus uirtutem & potentiam Iudae metuens, ad Deme-
trium iterum confugit Antiochiam, & Iudam atrociter accusat.

Missus igitur cum ualido exercitu Nicanor, primum insidijs sub specie colloquij opprimere Iudam, & captum ad Regem adducere cogitat. Sed patefacta fraude, ad arma conuertitur, ubi praelio uictus à Iudae militibus, & in arcem Sion compulsus, collectis uiribus iratus Hierosolymis egreditur, comminans sacerdotibus necem, & templi extremam uastationem, nisi reuerso sibi uiuum tradant Macabeum. Sed Iudas confirmato exercitu iterum cum Nicanore configit ad Betsuram in quo praelio & du-
cem occidit, & totum exercitum, in quo supra 9. millia fuerant, delcuit, 13. die mensis Adar, hoc est, Februarij, quæ dies postea propter hanc tam insignem uictoriam quotannis celebrata est.

Post hos successus suspicans Macabeus Deme-
trium

trium uindicaturum tantam cladem à Iudeis illatam, suam potentiam externis auxilijs munire cogitat. Missis igitur Legatis Romam, cum populo Romano fœdus & societatem iungit, & nominatim petit, ut senatus interdicat Demetrio, ne posthac premat aut affligat Iudeos. Sed ut sunt humana præsidia fallacia, magis nocuit Macabeis Romanorum societas quam profuit. Nam & ipsos reddidit securos, & hostem magis irritauit. Quare insequenti anno, qui est regni Græcorum 152. Demetrius cum ingenti exercitu misit Bacchidem et Alcimum in Iudæam. Vbi cum Iudas haberet exercitum tantum duorum milliū, & de ijs multi ab eo recederent, uel tædio assidue & periculose miliciæ, uel metu potentie hostilis, uel artificio Alcimi a duce abducti, Cum octingentis uiris ualentissimum exercitum Bacchidis adoritur, ubi fortiter dimicans in acie cum suis omnibus occumbit, anno sexto post patris Matathie mortem, anno ante Christum natum 158.

Anno sequenti, qui fuit regni Græcorum 153. Alcimus mandauit dirui muros interioris domus templi, antiqua monumenta sacerdotum, ne qua amplius intra urbem munitio esset, in quam se recipere aduersantes regibus Syriacis possent, Et uix dum in-

IONATHAS ASMON.

rhoata demolitione, paralyfi correptus, cum aliquan-
diu mutus iacuisset, extinguitur, Anno sacerdotij
quarto.

I O N A T H A S I I .

Matathiae filius .

Ionathas successit fratri Iudæ in principatu Iu-
deorum tali occasione. Cum post interfectum Ma-
cabæum iudei amplexi Ethnicos cultus, animosiores
facti, passim conquirerent pios homines, qui Iudam
& fratres fuerant secuti, et ad Bacchidem crudelis-
sime exoruciandos mitterent, insuper etiam fames
ingrueret propter neglectam assiduitate bellorum
culturam agrorum, ita ut duriter premerentur pie-
sentientes homines, concursu ad Ionatham facto pe-
tiuerunt, ut defensionem miserrimæ turbæ suscipe-
ret, & fratris uirtutem & pietatem imitaretur.
His obsecutus Ionathas mox cum Bacchide fortiter
præliatus ægre euasit, & in loca desertæ suos milites
abduxit. Bacchides autem cum eum sequi nollet, mu-
nitus aliquot oppidis, in quibus posita præsidia pios
Iudeos assiduæ excursionibus carperent, in Syriam
exercitum reduxit post Alcimi mortem. Atq; ita bi-
ennio aliquam leuationem à bellis Iudei habuerunt.
Scilicet anno 154. & anno 155. regni Græcorum.

Anno

Anno 156. rursus à Iudeis transfugis incitatur Bacchides, ut insidijs primum peteret duos fratres Iudæ, quibus relictis, aperta vi eos aggressus in oppido Betbessen obsedit. Sed cum oppidum munitissimum esse animaduerneret, et Iudeos ad defensionem animis & rerum omnium copia paratissimos, facta pæce cum Ionatha, & redditis utrinq; captiuis, rediit in Syriam, atq; ita aliquandiu tranquillitas fuit à bellis in Iudæa.

Anno 160. Alexander Epiphanes, qui regnum Syriæ inuaserat, quod tum tenebat Demetrius frater Antiochi Epiphanis, comperta potentia Ionathæ, ut cum sibi adiungat, missis Legatis cum amplissimis muneribus, Summum sacerdotium Ionathæ defert, si uelit auxilia mittere contra Demetrium, eundem etiam ad nuptias inuitat, quas cum Cleopatra Ptolemæi Philometoris filia in urbe Ptolemaide celebraturus erat. His conditionibus illectus Ionathas, cum speraret se hoc modo duos uicinos reges amicos habiturum, Syriacum & Aegyptium, cum magnificis donis ad nuptias regias proficiscitur, ubi honorificentissime à duobus Regibus exceptus, remittitur domum confirmato & sacerdotio, & principatu Iudææ. Cum post Alcimi mortem fere

IONATHAS ASMONE

per septennium populus caruisset principe sacerdotum.

Ita tunc primum summi sacerdotij dignitas ad Asmoneos peruenit, anno principatus Ionathæ nono, anno Græcorum 160. ut dictum est, ante Christum natum centesimo quinquagesimo. Sed cum post quinquennium Ptolemeus Alexandro genero ereptum & regnum Syriæ & Cleopatram filiam traderet Demetrio Nicanori, Demetrii filio, Valde fuit difficile Ionathæ, etiam hunc Romanorum sibi conciliare, quem tamen ita tandem & muneribus & alijs officijs demeruit, ut per eum bonam partem Iudeæ recuperaret, & apud suos magnam potentiam & auctoritatem consequeretur. Postremis annis principatus sui, munivit templum Hierosolymitanum, & renouauit foedus cum Romanis, & amicitiam iunxit cum Spartanis. Paulo post insidijs Tryphonis circumuentus Ptolemaide capitur, & cum promississet Tryphon se dimissurum Ionathan, si ad ipsum mitterentur duo filij eius, obsides, & centum talenta, hoc est, 60. millia coronatorum, Simon frater & pecuniam & filios fratris ad Tryphonem misit, quos tamen paulo post una cum patre Ionatha crudelissimus Tyrannus nefarie trucidauit, & iam neminem amplius obstare suo scelcri ratus

ratus dolo interfecit Antiochum, quem Sedeten nominant Alexandri Epiphanus filium adolescentem, cuius tutorem se professus fuerat, & ut eum in patris regnum restitueret, Demetrium Nicanorem Syria eiecerat, atq; ita regnum Syriæ inuasit.

Ita Ionathas principatum Iudaici populi 18. annos tenuit, summum sacerdotium autem primus ex Asmonicis adeptus, decem annos administravit.

SIMON III. MATATHIAE
filius.

Fratri Ionathæ succedit Simon, Anno græcorum 170. anno ante Christum natum 140. magno populi consensu adeptus & sacerdotij & populi principatum, ut qui fratres, Iudam & Ionathan in ascendenda doctrina diuinitus tradita, et reprimendis persecutorib. fortiter adiuuerat. Mox sub initium gubernationis aliquot munitiões Græcorum occupat, inter quas et arcem Hierosolymitanā, quam hactenus præsidium Syriacum tenuerat, & ciues ualde afflixerat, fame expugnatam recepit, & expiauit, 23. die secundæ mensis, anno 171. Sub eo cepit aliquantulum respirare Iudæa, iam 25. annus à tempore Antiochi

D iij Epipha-

SIMON ASMONEVS.

Epiphanis huc usq; continuis ferme bellis duriter
quassata & uasbata, ceperunt coli agri, instaurari
diruta & incensa, repurgari loca Idolis propheta-
nata, & uox doctrinae caelestis publice in templo &
Synagogis iterum sonat. Anno tertio sui sacerdo-
tij Simon foedus cum Romanis renouauit, quorum
senatus consulto confirmatum est eius sacerdotium,
& principatus populi.

Postea Antiochus Soter Demetrij Nicanoris
frater, apparans bellum contra Tryphonem tenen-
tem regnum Syriae, adiungit sibi amplis promissis
Simonem, ne per eum suus conatus impediatur. Sed
potitus regno Syriae, pulso Tryphone, Anno 174
rupto foedere, quaedam oppida in Iudea, & arcem
Hierosolymitanam, cum ingenti pecunia a Simone
restitui regno Syriae postulat, minitans bellum, nisi
imprata fiant.

Cum autem Simon non obtemperasset postu-
lationi iniquissima, mittitur in Iudeam cum exercitu
Cendebeus, quem late uastantem agros, missi duo
filij Simonis Iohannes Hyrcanus, & Iudas profliga-
runt, & deiectis munitionibus, quas extruxerant
hostes in finibus Iudae, magna cum gloria domum
reuersi sunt.

Post

Post tricennium, hoc est, anno 177. Græcorum, ante Christum natum 133. cum Simon iam grandis natu in Iudea circumiret inspiciens & constituens Ecclesias, & politias dissipatas, ac cum coniuge & duobus filiis, Iuda & Matathia uenisset Hiericuntem ad suum generum Ptolemeum Abobæ filium, quem fecerat præfectum totius regionis circa Hiericuntem, in conuiuio à genero confossus extinguitur, cum annos ferme octo post Ionathæ mortem sacerdotium summum tenuisset. Ita Asmonei quatuor, pater Matathias, & tres filij deinceps annos 33. pro lege diuinitus tradita, aduersus persecutores populi Dei fortiter præliati, etsi Ethnicos cultus ex Iudea prorsus tollere non potuerunt, eo quod multi in populo palam Epicurei erant, multi fracti calamitatibus huius populi & conspectu prosperitatis Ethnicorum illecti, doctrinam à patribus acceptam sponte abiecerant, & Ethnicam impictatem amplexi fuerant, tamen hoc sua uirtute effecerunt, ne scripta Prophetica interirent, ne cultus diuinitus instituti prorsus abolerentur, & politia illa omnino dissiparetur. Idq; singulari Dei bonitate ideo factum est, ut tamen politia, & ministerium à Deo institutum, & hæcenus defensum, utcumq; maneret, usq; ad Christum, ut sciri posset, quando & ubi Messias exhibendus esset.

Hæc

SIMON MATATH:

Hæsit autem principatus & summum sacerdotium aliquandiu in familia Asmoneorum, & quidem apud posteros Simonis, cum Iudas & Ionathas nullam reliquissent sobolem.

Fuerunt autem Simoni
liberi.

IOHAN= IVDAS. NES HYR= CANVS. successor.	MATA= THIAS. 	FILIA nupta Ptolemeo Abobi filio præfe= cto Hiericuntis, a quo socer cum con= iuge & duobus fi= lijs est interfectus.
---	-------------------------	---

IVDAS & MATATHIAS.

Comitati patrem Simonem, cum coniuge euntem ad Ptolemeum generum, cui filiam despondens Simon Hiericuntis præfecturam ante tradiderat, ab eodem suo affine Ptolemeo, qui patrem in conuiuio trucidauerat, cum matre in uincula coniecti sunt, Et cum Hyrcanus uindicaturus tantum nefas, obsidione cinxisset oppidulū, in quod Ptolemeus pulsus confu=

confugerat, crudelib modis excruciatī sunt, tandiu,
donec Hyrcanus pietate motus, quamuis postulante
matre captiua, ut tentaret oppugnationem, tamen
non ferens conspectum cruciatuum matris & fra-
trum, obsidionem soluit. Postea metu belli liberatus
Ptolemus, & socrum suam, & hos duos fratres
Hyrcani occidit.

IOHANNES HYRCANVS.

Viuo patre Simone profligauit copias Antio-
chi Soteris, quas ducebat Cendebeus. Postea cum
pater occisus & duo fratres capti fuissent a Ptol-
meo sororis marito, egre elapsus eiusdem insidias,
bello adoritur Ptolemeum, ut patris necem uindi-
cet, & oppidum in quo erat Ptolemus obsidione
cingit. Sed & pietate motus, cum acerbissimis mo-
dis excruciantur mater & fratres, quoties oppu-
gnaret urbem, & propter instantem septimum an-
num Sabbatarium, exercitum abduxit. Postea bello
peritus ab Antiocho Sotere, & in urbem Hieroso-
lymam inclusus, quam septem . . . obsederat hostis,
urgente fame, fecit deditionem urbis his conditioni-
bus, ut munitiones oppidi demoliretur, obsides da-
ret, & quinquaginta talenta, hoc est, tres tonnas
auri.

Cune

IOHANNES HYRCANVS.

Cum autem pecunia etiam deesset, Hyrcanus siue casu querens urgente necessitate, siue admonitus somnio aliquo, aperto sepulchro Davidis reperit tria millia talentorum, hoc est, 18. tonnas auri. Nec pacem solum fecit cum Antiocho, uerum etiam amicitiam iunxit, ita ut cum in urbem reciperet cum exercitu, & iam auctus pecunia, primus Iudeorum peregrinum militem conscribens, cum Antiocho Parthis bellum inferente profectus sit, sed non magno cum Regis commodo. Nam cum Antiochus Parthici exercitus partem adiutus uirtute Hyrcani fudisset, & Arsaces Rex Parthorum cum nouo exercitu statim subsecutus esset, quibus diebus aduentanti Regi occurrendum erat, religio Hyrcanum & Iudeos iter facere & pugnare uetuit, quod esset Pentecostes festum, Ibi Antiochus auxilio Iudeorum destitutus, cum bona parte copiarum occiditur.

Post mortem Antiochi Soteris Hyrcanus contemnere Syriæ Reges cepit, ut qui bellis intestinis uires ipsi sui regni fregerant. Quare ex Asia copias suas reducens, multa oppida regno Syriæ ademit, quæ ad Iudeam olim pertinuerant, & templum Garizin Samariæ à Chuttheo Sannabalath ædificatum, ut supra est annotatum, destruxit, annis ducentis post

IOHANNES HYRCANVS 22

post quam edificatum est, in gratiam Manasse fratris Iaddi, tempore Alexandri Magni. Idumeos quoque domitos coegit circumcisionem, & alios ritus Iudaicos amplecti, ex qua gente postea Herodes ortus uoluit pro Iudeo haberi.

Et ut esset munitus firmiore presidio aduersus Syriacos Reges, quos uerisimile erat, hanc urbium creptionem non equo animo laturus, foedus cum Romanis per legatos renouat, anno principatus sui 14. anno regni Syriae 191. Consulibus Cnco Domitio Aenobarbo & C. Fannio, ante Christum natum anno centesimo decimo nono.

Deinde cum Demetrius Nicanor ab Arsace in regnum esset restitutus, & in ipso belli apparatu contra Iudeos, esset ab Alexandro Zebenna iterum regno pulsus, Hyrcanus cum Alexandro uictore foedus fecit, quo non diu latatus fuisset, nisi id factum singularis casus correxisset. Nam Antiochus Gryphus Demetrii filius, ut patrium regnum recuperaret, bello moto Alexandrum occidit, & post illam uictoriam, etiam Hyrcanum socium hostis sui inuadere decreuerat, sed nuncio accepto de apparatu bellico germani fratris Antiochi Cyziceni, in Syria esse retentus, ubi cum duo Antiochi fratres diuturno bello inter se de regno Syriae confligerent,

Hyrcanus

IOHANNES HYRCANVS.

Hyrcanus & Iudea pacem aliquandiu habuerunt.

Hoc pacis tempore vires suas ualde auxit Hyrcanus, edificando, expugnando commodas munitiones, colligendo pecuniam, & alios neruos rerum gerendarum parando.

Tandem munitissimam urbem Samariam obfidione cingit, cui duos filios Antigonum & Aristobulum praeficit, ipse domesticae gubernationi intentus. Vbi cum a Samaritis esset accersitus Antiochus Cyzicenus, a duobus filiis Hyrcani repulsus, & ad Scythopolin usque fugatus est. Cum igitur duo fratres exercitum rursus ad Samariam adduxissent, denuo rogatus Antiochus Cyzicenus, Iudeam populabundus ingressus est, sed iterum repulsus duobus suis ducibus exercitum committit, quorum unus occisus est a Iudeis, alter proditione Scythopolin & uicinas urbes Hyrcano tradidit, pecunijs corruptus. Ita anni integri obsidione, afflicta urbs Samaria, tandem expugnatur, & solo aequatur.

Hunc finem habuit potentissima ciuitas, longo tempore emula Hierosolymitanae ciuitatis, quam Herodes post annos ferme centum restitutam Sebasten ab Augusto Caesare appellauit.

Postea

Postea cum tranquillitas esset per Hyrcanum in tota Iudæa parta, cepit eius sceleritas ipsi conflare inuidiam, cum apud alios suos, tum præcipue apud Phariseos, quæ tum factio, simulatione sanctitatis, et cumulatione traditionum de exercitijs quibusdam corporis, in magna apud uulgus existimatione erat, ita ut, cum liberet, concitare populum aduersus Principes & summos sacerdotes posset.

Eiusdem sectæ studiosus antehac fuerat Hyrcanus quoq; ideoq; à Phariseis ualde dilectus. Sed ad extremum ab eis alienauit animum, quia sensit se in odium uenisse propter Eleasari Pharisei poenam, à quo contumelia adfectus erat. Ita ad Sadduceos transijt Hyrcanus, qui reprehensores traditionum Pharisaicarum acerrimi erant, & odio Pharisaicæ factionis multas eius sectæ traditiones edictis publicis aboleuit, quæ res ipsi & filijs maximum odium apud Phariseos & plebem peperit. Vnde postea magni motus in populo extiterunt, quos ægre nec sine multo sanguine compescuit Alexander filius.

Cum autem in hac narratione mentio facta sit duarum sectarum, Pharisaicæ, & Sadduceæ, quarum in sequentibus historijs, ac deinde in Euangelica sit aliquoties

IOHANNES HYRCANVS.

aliquoties mentio, adijciam ea, quæ de carum discrimi-
 mine grauissimis testimonijs tradita sunt. Nam
 de origine coniecturas tantum sequimur, nisi quod
 hoc constat, utranq; sectam recens natam esse, ac di-
 fcesse a ueteri & pura Prophetarum doctrina.
 Semper autem in Ecclesia hæc immota norma tene-
 da est, Vnicam esse ueram doctrinam de Dei essentia
 & uoluntate, quæ a Deo certis & nequaquam fal-
 lentibus testimonijs patefacta est, & commendata
 primis patribus ac Prophetis, & postea illustrata
 est uoce filij, Domini nostri Iesu Christi, crucifixi
 pro nobis & resuscitati, & uoce Apostolorum,
 Ac nequaquam recipiendas esse ullas opiniones pu-
 gnantes cum illa prima Prophetica doctrina, & uo-
 ce filij Dei. Hanc normam ueram esse multa dicta
 Prophetica testantur, ut Esaias damnat doctores,
 qui opiniones ex seipsis genitas tanquam diuinam
 doctrinam proponunt, cum nequaquam sint a Deo
 tradite.

Hac præmuniti regula possumus de his sectis
 iudicare. Non omittenda est autem in hac comme-
 moratione hæc tristissima querela. Deploranda est
 ingens infirmitas generis humani, quod etiam tunc
 cum exigua multitudo esset Ecclesia Dei, uidelicet;
 paucæ ac mutilæ tribus Israhel, incluse in illam angus-
 tam oramus

stam oram uicinam Phœnicibus, Cumq; in tam parua politia mediocriter disciplina regi & concordia doctrinæ retineri posset, tamen horrendi furores extiterunt, & palam recepti sunt, & comprobati a magna parte gubernatorum, pugnantes cum Lege. Sacrificabant Sadducci, qui palam adfirmabant post hanc mortalem uitam, non restare aliam uitam, aut iudicium, nec uiuere animas discedentes a corporibus, nec reuicturos esse homines. Hoc perinde erat, ac si porcus sacrificasset. Pharisei aliquanto modestiores erant, Sed tamen & ipsi corrumperant doctrinam a Deo traditam, ut deinde narrabo.

Interim tamen aliqua erat uera Dei Ecclesia, quæ retinebat doctrinæ lucem. Sed tamen ualde dolendum est in eo cœtu, qui uocatur Ecclesia Dei, & in quo est aliquod agmen, Deum uere inuocans, non solum spargi tantos errores, sed etiam autoritate Principum & Doctorum recipi & probari. Deinde reprehendenda est prophana securitas, & arrogantia multorum nostræ ætatis hominum, qui somniant nihil errorum in Ecclesia sparsisse uel illos qui ambitione incitati prætextu religionis regna quesierunt, uel alios, qui superstitiones propter auariciam cumularunt, nec illud uetus ac horrendum

E exemplum

IOHANNES HYRCANVS.

exemplum Phariseorum ac Sadduicorum considerant, quod profecto significat similia mala etiam alijs temporibus in Ecclesia grassari posse.

Necesse est igitur normam certam, scilicet Euangelij uocem tenere, ut Paulus inquit, Siquis aliud Euangelium docebit, anathema sit. Considerandum est igitur & hac nostra etate, quæ doctrina prima sit, congruens cum uoce Prophetarum, filij Dei, & Apostolorum, & quæ persuasiones deinde in Ecclesiam irrepsierint, quarum aliæ superstitione indoctorum confirmatæ sunt, aliæ libenter receptæ sunt, quia seruiebant ambitioni potentum, aut culinae. Agnoscamus igitur et deploremus Ecclesiae mala, & queramus fontes ueræ doctrinae, ut Deum uere inuocemus, & semper sit aliqua pars generis humani, in qua luceat uera Dei noticia, quæ sit templum Dei, & futura sit socia æternæ consuetudinis cum Deo, ne frustra conditum sit genus humanum.

Priusquam autem de Sectarum origine & distractionibus Ecclesiae dicam, præfari necesse est de prima & uera Ecclesia, & Schola, quæ inde usque ab initio generis humani custos fuit ueræ doctrinae, unde egressi multi uelut seditiosi, ueteris doctrinae corruptelas sparserunt.

Nec casu natum est genus humanum, Nec frustra conditum, sed uoluit Deus esse naturam intelligentem corpore uestitam, in qua luceat ipsius notitia, & cui sapientiam ac bonitatem suam impertiret, & quæ ipsius æterna consuetudine frueretur. Etsi autem sapientiam et bonitatem suam declarauit Deus in condendo hoc toto opificio mundi, tamen illustrior est significatio bonitatis, quod post Adæ & Heuæ lapsum rursus ex arcana sua sede prodicens, sese patefecit, & immensa misericordia lapsos recepit, ac promissionem eis tradidit de uenturo semine. quod ut agnosceretur & expectaretur, hanc dulcem uocem sonare palam in genere uoluit, Semen mulieris conculcabit caput Serpentis. Hanc consolationem, qui gratis pectoribus audiebant, recipiebantur a Deo, & membra fiebant æternæ Ecclesiæ Dei.

Ita primum & Ecclesia condita est, & constituta Academia, in qua primi parentes suis filiis & posteris tradebant doctrinam de Deo, de creatione rerum, de suo lapsu, & poenis eius lapsus, de insidijs diaboli, de causis mortis & omnium miserationum humanarum, de promissione uenturi seminis, quo placanda erat uera & ingens ira Dei, de delendo peccato, de restitutione æternæ uitæ, de discrimine

IOHANNES HYRCANVS.

actionum bonarum & malarum. Hoc discrimen in-
 situm mentibus humanis uere esse legem Dei, con-
 gruenter cum mente & uoluntate diuina, idq; eo
 lucere in hominum mentibus, ut testimonium sit de
 Deo, monstret esse Deum, & qualis sit, & moneat
 iudicaturum esse hominum facta, quia in nobis con-
 scientia triste iudiciū exercet. De discrimine huius
 naturalis noticiæ, & promissionis prolata ex arca-
 no sinu æterni Patris de semine. De futuro iudicio
 uniuersi generis humani, Eos qui fiducia uenturi Se-
 minis se a Deo recipi crederent, et ad eum hac fidu-
 cia confugerent, moresq; regere ad normam legis
 diuine studerent, uicturos esse in æterna & dulcissi-
 ma consuetudine cum Deo. Alios uero, qui Deum
 aut promissionem uenturi seminis superbe cōtemne-
 rent, & furenter laxarent frenos malis cupiditati-
 bus, Similes esse diabolorum, hostes Dei, & post
 mortem uicturos esse in horrendis cruciatibus, quo-
 rum similitudinem aliquam cernerent in hac uita, in
 pauoribus eorum, quorum corpora atrocibus sup-
 plicijs adficiuntur.

Narrabant se uestitos esse Dei manibus, detracta
 et de tergo ouis pelle, ut significaretur cum exu-
 issent hæc impura corpora post mortem, sumpturos
 esse

esse alia corpora, tanquam uestem ab Agno, id est, a semine illo, quod uictimam fore pro genere humano intelligebant.

Doccebant & uoluntatem Dei esse, ut hoc modo queratur, agnoscatur, inuocetur, sicut se ipse patefacit, et ut mentes nostræ acquiescant in eius promissione, sciant nos uere recipi, cum fide acquiescimus in promissione, nec amplectenda esse ulla numina, aut sacrificia eorum, qui hanc doctrinam a Deo traditam obliuiscerentur, aut abijcerent.

Narrabant Deum uelle sibi certum & unicum coetum consentientem de doctrina, inuocatione, & sacrificijs colligere, in quo solo futuri essent heredes eternæ cum ipso consuetudinis. Et sua sacrificia interpretabantur, sepe hanc concionem repetentes, Vt propagari ad posteros doctrina possit, ritus instituti sunt & publici congressus, In his sonare uocem promissionis diuinæ & reliquam doctrinam, quam recitamus, oportebit. Vult enim Deus exaudiri suam uocem in toto genere humano, Ideo publici & honesti congressus erunt, & semper Ecclesia etiam si magnis arumnis exercebitur, tamen uelut arx in monte celso posita conspicietur. Et hæc nostra sacrificia, primum uincula sunt talium congressuum,

IOHANNES HYRCANVS.

gressuum, deinde & picturae, quæ nos de promissione commonefaciunt. Cum uidetis agnum cremari & quidem igne diuinitus accenso, ne existimate hanc pecudem nobis placare iram Dei, sed erit alius agnus, scilicet uenturum Semen, cuius mortem hæc pecudes significant. Placet autem inuocatio nostra cum Semen illud agnoscimus, & mores ita regimus, ne polluere conscientiam uelimus.

Scitote autem magnas futuras esse dissipationes generis humani, & multos oblitos doctrinæ cælestis, quia tamen manet aliqua de Deo in humanis mentibus opinio, sua temeritate excogitaturos esse numina, sacrificia, & turpes uitæ leges. Nam Diabolus odio Dei impellet multos homines, ut cum contumelia adficient. Horum sacrificia, coetus, & turpitudinem fugite.

De his tantis rebus cum erudiissent posteros, hoc etiam addebant de uenturo semine. Dominum illum, qui caput Serpentis conculcaturus esset, iam adesse suæ Ecclesiæ, sed nondum humana natura indutum, imaginem uero esse æterni ac unici Patris genitam ab eo, & esse supplicem Patri pro Ecclesia, & eam protegere, & Spiritu sancto Patrem & hunc

hunc dominum in ueris pauoribus corda credentium promissioni, consolari, & in eis accendere lucem & iusticiam, & inchoare uitam eternam. Effundi autem hunc spiritum ex pectore eterni Patris, & promissi domini. Atq; ita agnoscendum esse uerum Deum sapientem, bonum, iustum, ueracem, castum, conditorem cœli & terræ, & Angelorum & generis humani, ut scirent unicum esse eternum Patrem, qui cum illo domino nobis promisso, imagine sua, & Spiritu sancto omnia condidisset. Nec aliud numen cogitandum esse ullum.

Deinde primi Parentes in hac sua Academia etiam doctrinam de natura rerū tradiderunt, ostenderunt certas esse motuum cœlestium leges, ut testentur hunc mundum non casu natum esse, sed a mente architectatrice conditum esse, docuerunt & anni curriculum ordinatum esse, quia Deus uelit homines nosse temporum seriem, ut sciamus quo ordine patefactiones diuinæ fierent, & quæ sit prima doctrinā, quæ recentior. Et ut agnoscerent homines, omnia consulto condita esse, uarios usus in plantis monstrarunt, ad quos tanquam ad certos fines, propter hominum utilitatem nascuntur. Hic ostenderunt quo modo Deus opem ferat naturæ hominibus

IOHANNES HYRCANVS

his remedijs, & simul docuerunt sepe a Deo iuuari innocentes mirabili modo, etiam sine adminiculo creaturarum. Hanc fuisse primæ Ecclesiæ et primæ Academiæ doctrinam, perspicue testatur Moysi narratio in libro primo. Nec dubium est fuisse illius æuæ ætatis ante diluuiū multo maiorem sapientiam, quam fuit deinceps magis languescens natura post diluuium.

Quaquam autem multi ante diluuium & postea ueram doctrinam uel aspernati sunt, uel oblitī, tamen Deus non passus est extingui ueram inuocationem in genere humano, Sed semper aliquem coetum seruauit, qui custos esset suæ doctrinæ. Et subinde nouis testimonijs eandem doctrinam renouauit, & latius eam sparsit. Cum post diluuium rursus creuit multitudo, etsi in Babylone extincta est lux ueræ doctrinæ, & manserunt tantum studia doctrinæ de fidrum motibus & effectibus, & de rebus in terra nascentibus, tamen in posteritate Noë conseruata, renouata & illustrata est Dei promissio. Ita postea in populo Israel constituta iam pulcherrima politia, totum collegium Leuitarum Academia erat. Ibi ueterem & incorruptam doctrinam & Sacerdotes aliqui, & Prophetæ sonabant. Sed de ceteris tribubus auulsis a Regibus Iuda, magnæ confusiones

siones doctrinæ & religionum secutæ sunt. Sed tamen in hac ipsa parte, quæ discesserat a Regno Iudæ, Deus excitauit Eliam, Eliscum, & alios Prophetas, ut inde etiam aliquos reuocaret ad ueram agnitionem. Inde usitatum fuit Prophetis habere agmina auditorum, Ideo Elias, Eliseus, & alij reliquerunt per manus traditas interpretationes, seu conciones. Aliqui etiam literis mandarunt interpretationes, ut Esaias & alij post eum. Hæc consuetudo semper in hoc populo mansit, ut uel in templo Sacerdotes traderent interpretationes, uel alibi essent doctores ac interpretes monumentorum Moysi & Prophetarum.

Sed postremis temporibus post reditum ex Babilone, & post Zachariam Prophetam, cum iam summi Sacerdotes Regum Syriacorum familiaritates adpetcerent, & sibi potentiam quærerent, neglecta sunt uetera doctrinæ studia, & postea uastata Iudæa ab Antiocho, multis libris amissis, & dissipatis docentium & discentium agminibus, & laxata disciplina, magnam studiorum mutationem secutam esse consentaneum est. Etsi enim semper aliqui ex collegio Sacerdotum, & ex populo retinuerunt aliquam doctrinæ scintillam, ut Simeon, Zacharias, Anna, quorū adolescentia uicina fuit Antiochi bel-

IOHANNES HYRCANVS.

Ies, tamen multi audaces Prophetarum monumentorum Interpretes procul a ueteri doctrina discesserunt.

Ac initio consentaneum est titulum Interpretum communem fuisse aliquibus sanioribus, & alijs qui transformarunt Ecclesiæ doctrinam in Philosophicam. Postea cum hæc noua Philosophia gratior esset, & multi adplauderent, ceperunt hæ scholæ frequentiores esse, & genus doctrinæ constitutum est, & professio ac secta fuit in admiratione, retento nomine honesto Pharisei, id est, Expositores, ut nunc honestissimi muneris, & professionis titulus est, nuncupari Doctores. Nam multi eruditi existimant potius dictos esse Phariseos ab interpretatione, seu expositione, quam a segregatione.

Dogmata autem eorum, utcumq; recenset Iosephus, sed ex historia Euangelica magis intelligi potest, qui fuerint præcipui errores. Etsi enim cum Interpretes essent monumentorum Prophetarum, constanter uolebant retineri non solum Moysi libros, Sed etiam ceterorum Prophetarum uolumina a maioribus publica autoritate sacris historijs addita, tamen de Legis usu falsas persuasiones habuerunt, & promissiones de regno Messie transtulerunt ad politicum

liticum Regnum. Disciplinam externam putabant esse iusticiam, quæ Legi satisfaceret, & negabant peccata esse prauos adfectus, dubitationes de Deo, incendia animorum in odijs iniustis, aut libidinibus, si non accessissent externa delicta. Has corruptelas diserte reprehendit concio apud Mattheum cap. 5. Qui uiderit mulierem ad concupiscendam eam, iam moechatus est in corde. Hæc etsi multi indocti in Ecclesia legunt tanquam stoica paradoxa, quæ Ideas uirtutum pingunt, ut ad eas dirigatur conatus, etiam si adsequi eas nemo potest, tamen alio consilio proponuntur in Ecclesia. Scit filius Dei neminem sine prauis cupiditatibus in hac naturæ imbecillitate esse, sed concionem de pœnitentia semper in genere humano uult sonare, Agnoscamus aliqua ex parte nostra mala, & fateamur nos reos esse, & confugiamus ad filium Dei. Hanc ueterem doctrinam Propheticam obscurauerat Phariseorum Philosophia, sicut sepe accidit omnibus temporibus, inde usq; à Cain & eius posteris.

Ita & altera pars doctrinæ coelestis, uidelicet, promissio Messiae obscurata est. Norant Pharisei et celebrabant amplissimas promissiones traditas Abraham, recitatas per Iacob, & sepe repetitas per Prophetas.

IOHANNES HYRCANVS.

phetas. Sed has omnes tantum de politico Regno lo-
qui contendebant, somniabant uenturum esse Mes-
iam, qui uelut alter Cyrus aut Alexander domitis
gentibus imperium mundi occupaturus esset, sed fu-
turum imperium iustius, mitius, tranquillius, diu-
turnius, quam ullum antea fuisset. Ipsum Mesiam
mille annos dominaturum esse, ciuem Israclitam,
uicturum esse annos trecentos, aut quadringentos
sine metu bellorum, seruitutis, famis, aut aliarum
magnarum calamitatum. Nec in Mesia aliam fore
naturam, nisi humanam. His deliramentis iacebat
oppressa tota doctrina, de filio Dei, de ira aduersus
peccata, de sacrificio & morte Mesie, Nec tamen
penitus extincta fuit in Ecclesia ueritas, sed ut dixi,
apud Simeonem, Zachariam, & multos similes
scintilla mansit, qui legebant Prophetas sine corru-
ptelis.

Cumq; Pharisei legis & promissionum uocem
ita contaminassent, postea ceremonijs, & macratio-
nibus pecudum in lege propositis somniabant tolli
peccata. Hec opinio questuosa erat, Nam hac per-
suasione motus populus sacrificia cumulabat. He-
dense tenebræ habebant opinionem sapientie, &
pietatis, quas tamen toties Prophete taxant.

Postea

Postea ut fit auctis ceremonijs, multæ questiones de ritibus & de circumstantijs exortæ sunt. Hic multis declarationibus opus fuit, ut apud monachos magna moles fuit summarum, quæ traditiones humanas, & earum circumstantias colligebant, ita Pharisei & astrinxerunt, & laxarunt ceremonias Mosaicæ, & nouas addiderunt, partim ad superstitionem confirmandam, partim ad questum utiles. In capite Matthæi 15. taxatur traditio que stuitiosa, rectius esse donare aliquid templo, quam alere egentes parentes, ut nunc dicunt rectius esse, ociosos monachos frui ingentibus redditibus, quam decerpi inde aliquid ad alendos pauperes scholasticos. Vsitatissima fuit & de Sabbato traditio, quam citat Hieronymus, Rabi Akiba & Hillel dixerunt iter Sabbati esse, duo millia passuum.

Erant autem doctrinæ studia in hac secta, & diligentia regendæ disciplinæ, Retinebant hanc sententiam, unum esse Deum, æternum, & intelligentem, ueracem, bonum, iustum, castum, beneficium, uindictæ scelerum, a quo condita esse omnia ferebantur, cælum, terram, Angelos, homines, & reliquas creaturas. Sed Philosophice adscuerabant unicam esse personam, & audacter abiciebant doctrinam

IOHANNES HYRCANVS.

nam primam & Propheticam de filio Dei, & de Spiritu sancto, cum tamen legerent testimonia manifesta de filio Dei apud Dauidem, Esaïam, Micheam, & Daniele, & de Spiritu sancto in multis concionibus Prophetarum.

Ceterum fatebantur Deum conditorem rerum sese patefecisse, datis promissionibus, et promulgata lege omnium, quæ apud omnes gentes extant honestissima, constituta & defensa pulcherrima politia multis testimonijs præsentie Dei. Quare de prouidentia diuina dubitari non uolebant, & hanc ipsam posteritatem Abrahamæ, cui hanc politiam, & hos nidos Deus attribuerat, sentiebant esse populum Dei, seu Ecclesiam Dei, quæ Deo peculiariter curæ esset. Regi igitur a Deo præcipuas in uita mutationes docebant, ut imperiorum incrementa, & inclinationes, urbium magnarum excidia & instaurationes, quia sciebant euentus congruere cum prædictione de imperijs, quæ extat in Moïse, & Esaïa, & in Daniele, & suam urbem Ierosolymam norant diuinitus instauratam esse. Sed tamen singulorum negocia & uitam adfirmabant regi consilijs humanis, & libertatem humanæ uoluntatis, seu facultatem liberi arbitrij adeo amplificabant, ut adfirmarent

reut

rent homines legi Dei satisfacere posse, & hac diligētia iustos esse, & mereri præsētia & cœlestia bona. Ecōtra uiolantes legem atrocibus delictis eternis puniri in hac uita & futura. Sentiebant enim animas a corporibus discedentes superstites esse, & futuram esse mortuorum resurrectionem, in qua Deus premia iustis daturus sit, & iniustos, qui se atrocibus secleribus polluerunt, in æterna supplicia abiccturus. Multa tamen delicta atrocia & præsēntibus calamitatibus puniri, Sed sacrificijs tolli aliaqua posse, & mitigari poenas.

Hæc tota doctrina, & si in speciem plausibilis est, tamen uerum legis usum & beneficia Mesiæ ac doctrinam de gratuita remissione delet. Quare aut confirmat fiduciam propriæ iusticiæ, aut relinquit homines in tristi dubitatione, qua mentes oppresse fugiunt Deum, & fremunt aduersus eum, non accedunt ad eum, nec uere inuocant eum.

Vt autem disciplinam seuerius munirent, multa exercitia instituerunt, quorū aliqua magis ad ostentationem grauitatis accommodata erant, quam ad frenandas cupiditates. Forma uestitus erat insignis, longa pallia, & in fimbrijs intexta uerba legis.

Crebra

IOHANNES HYRCANVS.

Crebra erant lauationes, Aqua lustrali in uestibulis
 edium posita, Erat & delectus ciborum in ieiunijs,
 Longæ recitationes precum, quæ in Mattheo Βατα
 Τολογία nominantur. Inuitabant & sacrificia, &
 species pietatis, familiaritatem mulierum, quare
 crebra erant horum adulteria & diuortia, quæ ut
 liberius facerent, laxarunt legem de diuortijs. Nam
 uetus consuetudo diuortiorum erat, cognita in iudi-
 cio causa, sciente & adsentiente Magistratu scribere
 re tabulas diuortij. Nec concedebatur disiunctio
 coniugum propter leues causas, & quælibet incom-
 moda, sed certæ & graues causæ dissolucendi tanti
 fœderis iudici exponendæ erant.

At Pharisei antiquo more abolito, faciebant
 diuortia priuato arbitrio, uel sine causa, uel pro-
 pter leuissimas causas, eratq; lex de diuortijs tantum
 hamus ad captandas alienas mulieres, sicut apud
 Ethnicos, aut sicut nunc fit in gente Turcica. Talis
 autem consuetudo, in qua marito licet abijcere con-
 iugem cum uult, sine ulla iusta causa, pugnat cum
 ipsa coniugij uatura, quod Deus initio ita instituit,
 ut fœdus esset perpetuæ societatis, cum ait, Erunt
 duo in carnem unam, id est, mas unus, & unica
 foemina inseparabiliter iuncti. Nec lex Moysi sine
 causa

causa concedebat diuortia, sed causæ mentionem complectitur, significans ita concedi disiunctionem, siqua turpitudine interuenerit. Et uetus Attica consuetudo erat, non facere diuortia, nisi re iudicata. Postea uero, ut multa alia disciplina uincula laxata sunt tempore, crescente petulantia & leuitate, ita et hic uetus mos apud Atticos mutatus est. Ita & uetustimis Iudææ temporibus, minor fuit grauitas in tuendo fœdere coniugali. Non est enim uere uxor, cum uoluntas hæc est uiri, cum libet, sine ulla graui causa eam extrudere. Hæc iniusta consuetudo Pharisæorum præbuit causam questioni apud Mattheum cap. 19. ubi de fœdere coniugij prima institutio repetitur, & seuerissima concione damnantur, & prohibentur leues illæ distractiones coniugiorum, usitate populo Iudaico, & Ethnicis:

Commune est autem omnibus supersticiosissimis naturis, omnium ætatum ac gentiū, peruertere ordinem actionum hoc modo, ut seuerè & morose exigant ac obseruent suas quasdam ceremonias, & interea negligant necessaria uitæ officia, de quibus Decalogus præcipit, & multis cupiditatibus frenos laxent. Et multi tales sunt, quales in Satyris describuntur prestigiatores, qui simulata grauitate te-

IOHANNES HYRCANVS.

gunt magna uicia, de quibus dicitur. Qui Curios
 simulant, & Bacchanalia uiuunt, Etsi autem alij
 Pharisei alij modestiores erant, ut Gamaliel, aliqui
 etiam audita doctrina puriore abijciebant errores,
 ut Nicodemus, tamen pleriq; tales erant, circumfe-
 rebant secum in animis pertinaciter tetros errores
 de Deo, & de politico imperio Messie, Inscitiam
 promissionis de remissione peccatorum, inscitiam
 iusticie fidei & ueræ inuocationis, falsam opinio-
 nem de Mosaicis, & de suis cæremonijs, deinde ada-
 debant hæc magna uicia, admirationem sui, sese sa-
 pientes, iustos, & Ecclesie Dei Principes & colum-
 mina esse ducebant, sese propter suos ritus antefere-
 bant omnibus modestis & pijs hominibus in populo,
 se conspici, coli & metui a ceteris uolebant. Et quia-
 dem inter sese ipsi & cum ciuibus superbia, ambitu-
 one, emulatione, maleuolentia, odijs, obrectatione,
 uirulentis conuicijs sine fine certabant, ac priuatis cu-
 piditatibus, non solum domesticos tumultus excitau-
 runt, Sed etiam attraxerunt peregrina imperia.
 Nam & norant et exercebant illas artes Tyrannicæ
 potentie querendæ.

Primum se praesidijs Regum uicinorum & aula-
 rum, & factiosorum hominum studijs in populo
 muniebant, deinde gnauiter faciebant id, quod mo-
 net uetus

πὲρ υἱοῦ δὲ τοῦ, ὅφιν ἄρ μὴ φάγῃ ὅφιν, μὴ ποτὶ
 γενήσεται δ' ἄλλω. *emulos sue potentie per calu-*
nnias, aut quoquo modo opprimebant.

Precipue uero infesti erant ijs, qui adhuc ueræ
 doctrinæ custodes erant. Hos ut tollerent magna
 uigilantia occasiones captabant, sicut Zachariam
 Baptiste patrem interfecerunt.

Etsi autem, ut supra dixi, inter Phariseos alij alijs
 modestiores fuerunt, aliqui etiam commonefacti,
 amplexi sunt ueram doctrinam abiectis erroribus,
 tamen & opiniones & mores fuisse tales, ut recen-
 sui eius cœtus, qui sectæ dogmata profitebatur &
 propugnabat, sequens historia populi Iudaici, &
 narrationes in Euangelio testantur.

Cum autem non dubium sit, in historijs imagi-
 nes & similitudines omnium temporum cerni, Le-
 ctor hanc picturam Phariseorū diligentius aspiciat,
 ac deinde circumferat oculos per hominum profes-
 siones, & consideret, ubi maxime similes opiniones
 & mores inueniat, dogma de unica persona diuini-
 tatis, Persuasio de iusticia & cultibus, quæ fingit
 homines esse iustos disciplina, & tolli peccata certis
 ritibus.

IOHANNES HYRCANVS.

ritibus, summa est Turcicae professionis. Sed intue-
amur Phariseos in eo coetu, qui nominatur Ecclesia
Dei. Multi sunt non solum inter Monachos, sed etia-
am alibi, qui & opiniones de iusticia & ritibus si-
milimas Pharisaicarum habent, ut manifestum est
multos fingere, tolli peccata sacrificio Missae, & ut
ipsi loquuntur ex opere operato, prorsus ut de suis
sacrificijs docebant Pharisei. Nec modestius de uo-
tis locuti sunt Monachi.

Deinde ritus non necessarios magna pertinacia
& crudelitate multi defendunt, partim, quia super-
stitione fascinati sunt, partim quia iudicant eos ritus
neruos esse potentiae. Et cum superbia, ambitio, ma-
leuolentia, odium ueritatis, aut etiam priuata odia
incendant animos ad mouenda certamina, tamen
praetexuntur honestissimae causae, propter gloriam
Dei, & Ecclesiae conseruationem tolli homines sca-
diciosos, qui nouas opiniones spargunt.

Cum autem in hac collatione uideris non deesse
nunc quoq; Phariseos, querito etiam ueram Dei Ec-
clesiam, teq; imagine uetusti temporis erudias &
consoleris. Erant Simeon, Zacharias, Anna, Maria,
etiam parentes, & alij multi horum doctrinam audi-
entes

entes, qui recte inuocabant Deum, & erant semen sanctum, ut uocat Esaias, etiamsi interea gubernationem Ecclesie tenebant Sacerdotes & Doctores falsis opinionibus, & contumeliosis aduersus Deum polluti, qui autoritate, multitudine, & potentia, piji antecellebant. Ita sciamus nunc quoq; uera Ecclesie Dei membra esse, homines pios, qui lucem uerae doctrine retinent, & uera inuocatione & piji officijs Deo seruiunt.

DE SADDUCEIS.

DIXI de Phariseis prolixius, quia ea secta cum magis supersticiosam speciem offunderet oculis hominum, quam Sadduceae, antecelluit auctoritate. Nunc de Sadduceis breuiter dicam, quia haec secta non ex superstitione orta est, sed potius ex Epicureo contemptu Dei. Et haec initia fuisse consentaneum est.

Cum Pharisei immodicis ceremonijs homines onerarent, quas iam nec corpora nec conscientiae ferre poterant, ut nostro tempore in aliquibus monasterijs uirginum, talium Legum onera immodica

IOHANNES HYRCANVS.

fuerunt, & multi gementes modum desiderarent, exorti sunt homines prophani, qui non uero iudicio laxarunt illa uincula, Sed Epicuræ audacia contrariam sectam constituerunt, seq; Sadduccos nominarunt. Nam ut se populo commendarent, honestissimum sibi titulum tribuerunt appellatione à iusticia facta, Zaddikim, iusti, Eratq; titulus oppositus Phariseorum adpellationi, qui Interpretes dicebantur, & multa disputabant. Gloriosius est autem, dici Iustos & Legis factores, quam Interpretes & disputatores. Vsitatum est enim Ebreis scribere Sadduceos, litera Zade. Sed alij nomen deducunt à Chaldaea uoce, ut aiunt, Sedak, quæ significat scindere, seu diuidere. Quare Sadduccos intelligunt dictos, ut nos loquimur, Schismaticos, diuisos à reliquæ Ecclesiæ sententia. Sed opinor ab aduersarijs eorum, hanc etymologiam traditam esse.

Nec refert unde sit adpellatio. Rem consideremus, & cogitatione tam horrendi exempli expauescamus, in quo conspicitur potentia diaboli horribiliter grassantis in hoc ipso coetu, qui nomen habet Ecclesiæ Dei, Cum tunc in illa gente optime morata, in qua disciplina facilius retineri poterat, quia in angustiis finibus inclusa gens erat, & non erant ad-

mixti

mixti multi peregrini, ausi sint multi tetros furores publica autoritate proponere, & Scholam Epicuree similem in media Ecclesia constituere, cogitamus & deinceps magnos errores spargi potuisse in Ecclesiis late dissipatas, et in magna confusione imperiorum in consuetudine gentium uiuentes. Nec securi blandiamur nobis, propter titulum Ecclesie, quasi semper omnes fuerint ἀναμάρτητοι.

Etsi autem non sine dolore, furores Sadduceorum recitare possum, tamen historiam extare utile est. Adparet ex Ethnicorum, & quidem Epicureorum familiaritate prophanos aliquos Iudeos, & Cylopica audaciam, & dogmata impia in Iudeam attulisse, multa enim similia sunt. Retinebat Secta Sadducea nomen Dei, ne prorsus dissolucere illam politiam, quæ maxime uinculis religionis continebatur, uideretur. Sed uerum Dei timorem, & ueram inuocationem ex animis hominum eximebat. Adfirmabat nec animas superstites esse discedentes à corporibus, nec reuicturos esse ullos homines post mortem, nec restare iudicium aliud, quo discernendi sint iusti & iniusti. Fabulas & inania terriculamenta puerorum esse, uitæ perpetuæ nomen, & inferos.

IOHANNES HYRCANVS.

Et quia uideri uolebant, traditionum Pharisearum onere leuare hominum mentes, & libertatis doctores esse, Simulabant se reuocare homines ad Moysi scripta. Et ex hoc citabant dictum, in quo prohibet addi aliquid suis legibus. Hoc prætectu abolabant omnia Phariseorum scripta, & omnes eorum interpretationes & traditiones, quæ cum fuissent immodicæ, fuit hæc laxatio, uel $\sigma\delta\alpha\chi\delta\epsilon\iota\alpha$ grata multis, & plausibilis.

Sed ab hoc initio progressi multo longius, eodem prætectu reiecerunt omnes libros Prophetarum omnium, præter Moysi uolumina. Et hunc contendebant tantum de hac mortali uita concionari. Et ut politiæ forma retineatur, dicebant obediendum esse Legi, & sacrificia facienda esse, quia Deus in hac uita puniat atrocita delicta, Econtra uero propter beneficia & obedientiam det pacem & ubertatem frugum. Hæc confirmabantur dictis Moysi in benedictionibus & maledictionibus.

Et breuitas doctrinæ grata erat leuibus ingenijs, & prophani delectabantur opinionibus, quæ sensu iudicij confirmantur, ut fieri solet, quia magnum onus est, assentiri sententijs extra conspectum nostrum

strum positis. Ideo ut Epicureæ Scholæ, ita huic scæ-
tæ, quantumvis sceleratæ, non defuit frequentia.

Etsi autem uera hæc sunt, Deum custodem esse
politice societatis, ac punire iniustas cedes in hæ-
uita, & ne societas dissipetur, & ut signum iusticiæ
diuinæ manifestum conspiciatur, tamen interea Deus
singulari consilio multos homines iustos interfici si-
nit a sceleratis, ut Abel, infantes Israelitarum in ægy-
pto, Ionathan, Esaiam, Icremiam, & alios innume-
rabiles. Hæc exempla testantur restare aliud iudi-
cium, in quo Deus declarabit iusticiam suam, &
utrisq; iustis & iniustis adductis in iudicium, & ab-
iectis in supplicia iniustis, ostendet iam uictores esse
iustos, qui aliquantisper uelut extincti iacuerunt.
Cum enim Deus Abel, Ionathan, Esaiam, Icremiam,
sibi curæ esse ante mortem ostenderit, si negligeret
eos postea, id uero nec prouidentie nec iusticiæ con-
ueniret.

Manifestum est igitur Sadduceos, qui negant
post mortem restare aliud iudicium, de magna parte
generis humani, imo de prestantibus iusticia, pro-
uidentiam & iusticiam Deo detrahere. Stat Saddu-
ceus sacerdos ad aram, cogitans Israeliticam gentem
& Deo electam, quæ unica ueram Dei noticiam in

IOHANNES HYRCANVS.

terris habet, toties oppressam esse ab Aegyptijs, à Chaldeis, à Syriacis Regibus, & tunc uagari in Iudea uicinos, & multa millia iustorum hominum trucidare, & cogere ciues, ut cadaueribus interfectorum ciuium uestantur, hic quomodo tribuet Deo prouidentiam & iusticiam, si & nunc negligit suos, & postea non restat immortalitas? Vmbram igitur ceremoniarum in speciem retinuerunt Sadducei, uelut ludos, re ipsa uero prouidentiam sustulerunt, ut Epicurci.

Non possum non cohorrescere hæc recitans, cum cogito in populo Dei hos diabolicos furorcs publice & palam uagatos esse. Relinquo igitur tristem narrationem, & toto pectore oro filium Dei, Dominum nostrum Iesum Christum, crucifixum pro genere humano in gente Iudaica, & resuscitatum, quem uere credo & nunc seruare suæ Ecclesiæ reliquias, & postea mortuos in uitam reuocaturum esse, & pios adducturum ad æternam Dei consuetudinem, & impios abiecturum in æterna supplicia, ne lucem suæ doctrinæ & ueram Dei noticiam inter nos extinguí sinat, sed accendat in nostris & multorum mentibus pietatem, & ueram inuocationem Dei, & uerum amorem iusticie, ac propter
suam

suam gloriam, sua iustissima ira deleat Epicureos omnes, & similes, qui uocem Euangelij, tanquam fabulosam deridere sapientiam esse ducunt. Tales furias Deus eterne Pater domini nostri Iesu Christi, conditor generis humani & Ecclesie tue, ubiq; deleas & perdas.

Cum autem de tantis rebus inter Phariseos & Sadduccos certamina fuerint, cogita Lector, non solum, quam perniciosi & crebri tumultus in ea gente fuerint, sed etiam, quam duriter exercuerint ueram Ecclesiam, Simeonem, Zachariam, & eorum gregem, utriq; Pharisei & Sadducei, & insuper alij multi palam athci. Vt autem inter tot Lupos & Leones, seruati sunt tunc aliqui pij doctrine custodes, ita speremus nunc quoq; Deum seruaturum esse aliquos pios doctrine custodes, & hac spe uocem Euangelij discamus, & literarum studia colamus, & exemplo Simeonis & similium modeste feramus arumnas, quas esse fatales Ecclesie uidemus.

DE ESSEIS.

VSITATVM est autem semel motis seditionibus, subinde plures fieri dilacerationes, sicut fingit Homerus, aperto utre in quem Aeolus incluserat uentos, erumpentibus diuersis uentis mare undiq; turbatū esse, ita in Imperijs semel turbato ordine politico, multæ postea distractiones sequuntur. Plures igitur in Iudea sectæ inter certamina Phariseorum & Sadduceorum, exortæ sunt. Aliqui enim detestantes prophana dogmata & Ethnicam licentiam Sadduceorum, & uidentes apud Phariseos fucosam pietatem, & multis magnis uicijs, libidinibus, ambitioni, maleuolentiæ, liuori, crudelitati, maledicentiæ, rapacitati, tanquam nubem obducī simulationem toruitatis & ceremonias quasdam, ab utrisq; discesserunt.

Et nominarunt se quidam Esscos, id est, operarios, quo titulo significabant, & quid in alijs reprehenderent, & qua in re antecellere alijs uellent, uidelicet, & fugere se prophanam licentiam Sadduceorum, et non probare Histrionicam simulationem Phariseorum, sed se opera utilia alijs, præcepta diuinitus

nitus facturos esse, & illam usitatam sententiam in ore habebant, ὅπως λόγος ἂν ἀπὸ τὰ ἔργα, καὶ τὸ ὅτι φαίνεται ἢ κενόν.

Ideo autem nulla sit eorum mentio in historia Euangelica, uel quia nullum nouum genus doctrine constituerunt, sed communem Moysi & Sacerdotum doctrinam amplexi sunt, uel quia in extrema ora Iudææ ad lacum Asphaltiten, tanquam in secessu habitabant, & à gubernatione abstinebant, & Phariseorum ac Sadduceorum contentiones fugitabant. Genus uitæ simile erat Monachis, Nam Essei aut celibes erant, aut in coniugio consuetudine coniugali abstinebant, suas facultates singuli in commune conferebant, deinde operas præscriptas faciebant, Nemo diuitias, uoluptates, aut honores querebat, Sed hortos in solitudine sua colebant, & magna cura naturas stirpium, succorum, lapidum, & animantium studiose inquirebant, remedia adparabant, & artem medicam fideliter exercebant, quæ magis quam ceteræ artes, uitæ hominum iuuandæ seruit, & simul multas uirtutes exercet, beneficentiam, tolerantiam in consuetudine ægrotorum, quos fouere, gestare, pascere, lauare, magnus labor est, et molestius est foetorem ulcerum, sudoris, et reliquam illunem sentire, Deinde artis, fidei, & diligentis

IOHANNES HYRCANVS.

diligentiæ laus est recte adparare remedia, & nosse morborum genera, & quibus morbis, quæ remedia opponenda sint, & tempora iusta medicationis obseruare, deniq; magnæ & multæ sunt uirtutes, & magna beneficia docti, sagacis & fidelis Medici.

Vtile opus est & iuuentuti tradere literas, doctrinam de bonis moribus, et artem medicam, et adsuæfacere tenera ingenia ad disciplinam & ad uirtutis intellectum. Erant igitur in collegio Esseorū delicti eruditiores certo numero, qui multos ex totâ Iudea docebant. Nam homines modesti & fugitantes gubernationem in tantis discordijs ciuilib. libentius commendabant filios huius sectæ doctoribus, quam alijs, à quorum amicicia & societate, cum uiderent eos priuatis cupiditatibus tumultuari in re publica, et mouere multa non necessaria certamina, ualde abhorrebant.

Cum autem dirigerent uitam Essci ad duas res precipuas, ad Dei inuocationem in priuata uita, & ad honestos labores corporis, qui & arcerent uicia, & alijs hominibus prodesse, ita erant distributa tempora, ut mane operas facerent, usq; ad quintam diei horam, hoc est, ad horam antemeridianam. Hac hora finitis operis, conueniebat certus numerus ex uicijs, ut loca quæq; distributa erant. In hoc
cons

congressu recitata aliqua parte Moysi aut Prophetarum monumentorum, seniores, qui coetui praeerant, enarrationem addebant. Hanc non referri in commentarios, sed mente excipi & transferri ad morum gubernationem uolebant, & monebant pro tempore ea, quae uidebantur profutura tranquillitati. Nonlebant enim suos collegas accedere ad rempublicam. Post illam lectionem & enarrationem, fiebat inuocatio Dei, publice & priuatim. Id tempus cogitationi, & precationi maxime idoneum esse iudicabant, cum iam corpora nec cibo, nec fumis onerata sunt, & acerrima in ieiunio intentio esse potest.

Consumptis in lectione & precatione duabus aut tribus horis, postea ad coenam singuli discebant, uel communem aliquot conuictorum, uel domesticam, ut singuli constituerant, aut eorum ualuetudo poscebat. Reliquum diei tempus ad uesperam tribuebatur eruditis sermonibus de Deo, de stirpibus, de medicationibus, de experimentis singulorum, de historia suae gentis, & communibus miserijs. Ante tenebras noctis rursus ad precatiōem conueniebant.

Quaquam autem ordo actionum eleganter institutus erat, & plerique in his collegijs modeste uiuebant.

IOHANNES HYRCANVS.

uebant, tamen interdum aliqui uincebantur suis cupiditatibus, ut legum diuinarum obliuiscerentur. Et uicina oppida licentiam uoluptatibus concedebant, sed collegij seueritas hæc erat, ut cum quispiam uel defraudasset alios, uel mentitus esset, uel libidine pollutus fuisset, statim eum communi sententia à toto coetu excluderent. Estq; inter hos obseruata consuetudo uetustissima Synagoge, de qua contio loquitur in capite Matthæi decimo octauo. Non enim noua iudicij forma ibi instituitur, sed uetus mos recitatur, traditus à primis Patribus, cuius uestigia semper in Ecclesia manserant.

Hæc igitur politia Esseorum discipline partes præcipuas complectebatur, doctrinæ studium, exercitia inuocationis, gubernatorum reuerentiam, labores corporis, temperantiam, honestos mores congruentes Decalogo, educationem adolescentiæ, cui literas & artem medicam aliqui tradebant, poenæ delinquentium. Iam si quis quærat, quid in tali consuetudine reprehendi possit? huic respondeo de uoce æterni Patris, qui inquit de filio, Hic est Filius meus dilectus, Hunc audite. Et toties antea prophete iusserant audiri Mesiam, ut Psalmus secundus inquit, Osculamini filium. Fortassis autem in illo cœ-

tn non

tu nonnulli ueram doctrinam de Messia norant. Sed qui eam non didicerunt, aut etiam aspernati sunt, hos nequaquam placuisse Deo, & nequaquam ueræ Ecclesiæ Dei membra fuisse, uox diuina pronunciat.

Laudanda est disciplina, sed accedat uera agnitio filij Dei, ut ipse inquit: Nemo ueniet ad Patrem, nisi ducente filio. Prædicat Iosephus collegium Essæorum, & confert scholæ Pythagoræ, sed hæc non est præcipua laus in Ecclesiâ Dei. Plinius etiam eorum mentionem facit admodum honorificam in libro quinto, qui Essenos nominat, quæ adpellatio et ab alijs usurpata est. Nec de alio hominum genere, nisi de his ipsis Essæis ibi loquitur. Ac narrat Essæorum sedem ad Lacum Asphaltiten fuisse, in ea parte, quæ Lacui uicina est ad occasum, non procul ab oppido, cuius nomen in historia Euangelica celebratum est Iericho, ubi fuerunt horti Balsami. Et fortassis propter studium artis Medicæ delectus est hic locus, quo uix alius in toto orbe feracior fuit præcipuorum remediorum. Adparet autem cum ex illo Plinii loco, tum ex Iosepho, durasse collegium Essæorum usque ad Vespasianum. Ac Iosephus fortitudinem eorum egregiam in bello fuisse narrat. Hanc commemorationem de sæctis eius temporis, in historia

G necessa

IOHANNES HYRCANVS.

necessariam esse duxi. Cum enim uulnera Ecclesie illius uetusti temporis ostendat, multa monet etiam de sequentibus etatibus.

Multæ similes fuerunt & erunt his postremis temporibus Ecclesie dilacerationes, in quibus quomodo regenda mens sit, & ubi quærenda sit uera Dei Ecclesia, ad quam pij se adiungere debent, exempla docent, Zachariæ, Baptistæ, Ioseph, Mariæ, Annæ, qui cum ueræ & incorruptæ doctrine custodes essent, ueræ Ecclesie Dei membra erant. Ita & deinceps etiamsi dominabuntur in Ecclesia multi, uel Phariseorum, uel Sadduuccorum similes, tamen alij, qui amplectuntur incorruptam Euangelij doctrinam, erunt ueræ Ecclesie Dei membra.

Nunc ad Hyrcanum redeo, qui cum sacerdotium, & principatum tenuisset annis 31. defunctus reliquit filios 5. tribus rebus maxime foelix iudicatus, quod princeps populi, quod summus Sacerdos tam diu in pace fuisset, quod singulari dono prædictionis rerum futurarum diuinitus ornatus credebatur.

IOHAN.

IOHANNI
HYRCANO

42.

filij fuerunt
quinq;

ARI=	ANTI=	ALEX=	ABSO=	Quntus
STO=	GONVS.	ANDER.	LOM.	αὐωvu=
B V=	egregius qui	quietio=	μοε, Cū	
LVS.	iuuenis, Iamneus	ris animi	mortuo	
	qui uiuen filios ha	homo pri	Aristobu	
	te patre buit	uatus ui=	lo regnū	
cum fratre Aristo=		xit.	affecta=	
bulo Antiochum			ret, a fra=	
Cyzicenum Iu=			tre Alex=	
dea eiecerat, &	HYR=	ARISTO=	Filia andro, oc	
Samariam expu	CA=	BVLVM	nupta cisus est.	
gnauerat, Post	NVM	II.	patru	
patris obitum a	II.		cli Aristobulo	
fratre regio di=			secundo.	
admate orna=				

tus est, Cumq; paulo post, rebus præclare gestis in
Galilea, cum satellitio ornatissimo ascendisset ad
festum Tabernaculorum Hierosolyma, fratri suspe=
ctus, per insidias non procul a templo a militibus
Aristobuli occiditur

G ij

ARISTO=

ARISTOBVLVS I.

ARISTOBVLVS post patris Hyrcani mortem, principatum in regiam dignitatem commutans, primus sibi Diadema imposuit, & fratri Antigono quoq; misit, quem diligebat, Ceteros tres fratres in custodiam detrusit Quin & matrem, cui Hyrcanus moriens gubernationem principatus reliquerat, postulanti successione, carcere diuturno & fame necauit.

Postea & Antigonum fratrem, præstantem bellatorem, recens à uictoria ex Galilæa reuersum collocatis insidijs interfici curauit, quod eum affectu regni suspectum habebat.

Mox pœnitentia fraternæ cedis morbo intestinarum correptus, cum sanguinem copiosum uomere, puer aulicus, qui cum in pelui ferebat, eo ipso in loco, ubi Antigoni interfecti cruore terra foedata fuerat, forte collapsus, Aristobuli sanguinem effudit. Quo cognito Aristobulus Dei uindictam iustam agnoscens, cum maximis animi & corporis cruciatibus, animam tandem exhalauit, cum unum tantum annum regnum tenuisset, quo intervallo tamen & Iudææ regnum acceptionibus aliquot auxit, & Ituraeos deuictos ad Circumcisionem adexit. Dictus est
φίλιππος

ALEXANDER IAMNEVS. 43

Φιλέλλω, quod Ethnicorum familiaritate multum
uteretur.

ALEXANDER qui & IAMNEVS.

Hunc Pater Hyrcanus non uidit. Nam cum ei de
successione filiorū anxio in somno prædictum esset,
ad hunc recens natum Alexandrum principatum &
opes ipsius deuenturas, indignatus, iussit eum in Ga-
lilæa priuatum educari.

Post mortem patris Hyrcani cum alijs fratrib.
duobus ab Aristobulo in uincula coniectus, & post
annum extincto Aristobulo, auxilio coniugis Ari-
stobuli Alexandræ, ad regnum euectus est, cum ei
connubium promississet.

Adeptus Regnum, mox ex fratribus duobus
alterum nouas res molientem, interfecit. Alterum
quictioris ingenij honorifice habuit.

Deinde constitutis regni rebus, Ptolemaidem
obsidione cingit, Cuius ciues desperatione auxilij
Syriaci, rebus ibi bello intestino afflictis, Ptoleme-
um Lathurum à matre Cleopatra expulsū, ex Cy-
pro accersunt, quo adueniente cum 30. millibus,
Alexander copias suas à Ptolemaide domum reducit,

G iij & clam

ALEXANDER IAMNEVS.

Et clam missis Legatis in Aegyptum, auxilium a Cleopatra contra filium Lathurum petit. Aperte autem agit cum Lathuro de foedere faciendo, promittens 24. Tonnas auri, si pulso Zoilo Tyranno, qui Doram et Cesaream tenebat, ditionem eius Iudeis traderet.

Sed Ptolemeus certior factus de machinatione occulta Alexandri, rupto foedere, cum exercitu Iudeam inuadit, cui occurrens Alexander cum copijs instructoribus, commisso ualido praelio, in fugam conuertitur, et occisa sunt triginta millia eo die. Qua victoria exultans Lathurus, Iudeam crudeliter uastat, alicubi quicquid puerorum et mulierum in pagis reperit, mactari, et concidi in frusta, et coqui militibus suis in cibum iussit, ut eo terribiliores Iudeis essent.

Sed hunc grassatorem, mater Cleopatra, paulo post ex Iudea eiecit, metuens, ne si filius cresceret, Aegyptum inuaderet. Ad eam obsidentem Ptolemaidem cum magnis muneribus profectus Alexander Hyrcani, benigne suscipitur, et facto foedere cum Cleopatra, domum redit.

Paulo

Paulo post reuerso Lathuro in Cyprum, & Cleopatra in Aegyptum, Alexander expugnauit Gadara, Amathuntem, Anthedonem, Gazam quoq; diu obsessam, multis ibi suorum amissis, tandem proditione Lysimachi accepit, & crudeliter omnibus ciuibus trucidatis, solo equauit. Nam ne quingentis quidem optimatibus pepercit, qui autores dedendae ciuitatis fuerant, quin eos ex Apollinis templo, quo confugerant, abreptos interficeret.

His successibus letum domestica seditio excepit. Nam in festo tabernaculorum à populo conuitijs exagitatus, ut indignus sacerdotio, quod esset ex captiua matre natus, parum absuit, quin sacrificans extingueretur à circumstante multitudine, ramos in ipsum conijciente, quos pro ritu festiuitatis Iudei gestabant. Qua iniuria commotus immisso milite in turbam inermem, ad sex millia simul occidit, & custodes corporis peregrinos ex Persia & Cilicia plures conduxit.

Deinde rursus cum exercitu egressus, Moabitas & Galaaditas uictos, tributum pendere cogit.

Sed paulo post iniquo fato cum Oboda Arabum Rege congressus & insidijs exceptus, amisso exer-

ALEXANDER IAMNEVS.

citu egre euasit. Qua infelicitate eius occasionem
sumentes Pharisei, qui odio ipsius ardebant, concitauit maiorem populi Iudaici partem contra ipsum, cum qua gessit bellum difficile toto sexennio. Nam Iudei aduersantes ipsi, Demetrium Gryphi filium, Damasci regnantem, accersitum, uiribus eius opponebant, cum quo infeliciter congressus Alexander, & ingenti strage uictus, omnem peregrinum militem in praelio amisit, & ipse uix fuga clapsus, hac sua calamitate permouit Iudeos aliquos, ut digressi à Demetrio se ipsi adiungerent. Ita collectis denuo sex millibus respirare cepit.

Et si autem post illam uictoriam Demetrius adnimaduersa Iudeorum defectione, reliquum suum exercitum ex Iudea domum reduxit, tamen maior pars Iudeorum, qui contra Alexandrum coniurauerant, in armis manserunt, quorum uires Alexander industria & uirtute paulatim fregit, aliquot paruos praelijs superior factus, donec tandem potentissimos suos inimicos in munitiōem urbis Bethomis compulsit, qua difficulter expugnata, in captos crudeliter seuijt. Nam ductos Hierosolymam octingentos precipuos Iudeos, in conuiuio cum concubinis accusans, conuiuij spectantibus, omnes crucibus affigijussit.

iussit, prius in conspectu ipsorum coniugibus ac liberis misce trucidatis. Hoc crudelitatis exemplo territi reliqui aduersarij, ad octo millia nocte profugerunt ex Hierosolymis. Atq; ita tristissimum bellum intestinum restinctum fuit, quod sex annos durauerat, in quo ultra 50. millia Iudeorum perierunt.

Post domesticos motus excursionibus assiduis externos hostes ultus est, qui Iudeis sediciosi & receptus prebuerant, & auxilia miserant, ubi multis oppidis expugnatis domum reuersus, intemperantia quartanam febrem accersuit, qua cum triennium laborasset, neq; sic tamen contineri à militia posset, mortuus est in ipso belli labore, in monte Gergesorum castellum quoddam obsidens, anno ætatis 49. sacerdotij & regni 27. anno.

Ante mortem coniugi Alexandræ regni administrationem commisit, & mandata dedit de placandis rursus Phariseis, quos ipse & pater cum suo malo offendisset.

Reliquit duos filios.

HYRCANVM & ARISTOBVLVM.

De quibus paulo post. Prius enim de Alexandra cōiuge Alexandri Iamnei dicendum est.

G V

Cum

ALEXANDRA. coniunx
Alexandri Iamnei.

Cum maiorem filium Hyrcanum, priuata uita gaudentem, fecisset summum sacerdotem, ipsa in regno Alexandro marito successit, maxime adiuta potentia Phariseorum, quibus et ius reuocandi pristinas suas traditiones concessit, sublatis ab Hyrcano soccro, & alia plurima indulsit, ita ut Pharisei pro sua libidine Regnum administrarent, nomen Reginae obtinente Alexandra.

Tandem cum eo audacie procederent, ut etiam ad supplicium uocarent præcipuos Alexandri consiliarios, quorum autoritate cum aduersus factionem Pharisaicam instigatum, multa asperius fecisse credebant, amici Alexandri cum Aristobulo filio accedentes ad Reginam, obtinuerunt, ut dimitterentur ex aula ad custodias castellorum.

Circa hæc tempora Tigranes Parthorum Rex, Syriæ regnum occupauit, cum Syriaci Reges bellis intestinis omnes suas uires perdidissent. Cumq; Iudæam etiam ingressus, Ptolemaidem obsideret, Regina Alexandra missis muneribus, pacem redemit. Tigranes Ptolemaidem capta copias in Regnum re-duxit, audito nuncio de Luculli uictoria & Mithridatis fuga.

Post

Post aliquod intervallum cum incidisset in morbum Alexandra seuissimum, Aristobulus filius egre ferens dominationem Phariseorum, clam ad patris amicos castellis praefectos profugit, quorum auxilijs adiutus, Iudae praecipuas urbes occupat. Ibi in ipsa trepidatione Phariseorum, & metu aduentantis Aristobuli cum exercitu, Alexandra extinguitur morbo, anno regni 9. etatis 75. quae quidem pacem Iudae restituit, sed quia auxit potentiam Phariseorum, multarum turbarum, quae secutae sunt, causam praebuit.

ALEXANDRI IAMNEI & ALEX-
andrae filij fuerunt.

HYRCANVS

ARISTOVLVS

II.

II.

HYRCANVS secundus, ingenio sedato, & tranquillitatis amans, a matre Alexandra summus Sacerdos constituitur in locum patris defuncti.

Cum autem post matris mortem etiam Regnum in re hereditario adeptus fuisset, ab Aristobulo fratre praelio victus, & in munitionem templi fugere coactus,

HYRCANVS. II.

Actus, iubetur priuatus uiuere, & Regnum cum sacerdotio summo, fratri concedere. Quibus conditionibus cum aliquandiu acquicuiisset, tandem ab Antipatro Idumeo, Herodis patre, uarijs criminatibus de Aristobuli fratris insidijs, impellitur, ut in Arabiam ad Regem Aretam profugiat, quem idem Antipater magnis promissionibus perpellit, ut Hyrcanum in Regnum Iudeæ restituere conaretur.

Aretas igitur cum exercitu Iudeam ingressus, Aristobulum occurrentem acie uicit, & capta urbe Hierosolyma templo inclusum obsedit aliquandiu, donec Scauri iussu, qui Pompeij Legatus Syriæ præerat, copias suas in Arabiam reducere coactus est. Ita hic conatus Hyrcani irritus fuit.

Deinde cum Pompeius uicto Tigraue in Syriam uenisset, duo fratres Hyrcanus & Aristobulus inter se accusare coram Pompeio ceperunt, & de regni ac sacerdotij iure contendere. Sed Pompeius Antipatri prudentia & officijs æquior factus Hyrcano, certis conditionibus dimittit Aristobulum, quas cum ille contemptu cluderet, Pompeius capta urbe Hierosolymorum, decedens, Hyrcano summum sacerdotium sine regno restituit, & Aristobulum captum secum Romam abduxit. Ita

Ita Hyrcanus recepto sacerdotij principatu, quarto anno post matris Alexandræ obitum, Scaurum relictum in Iudæa cum duabus legionibus, & petram Arabiæ urbem obsidentem, cōmeatu adiunxit. Idem postea alios Duces Romanorum in Iudæam missos, suasu & foelicitate Antipatri sibi conciliauit, Gabinium, Crassum, Cassium, deniq; ipsum etiam C. Iulium Cæsarem, cui difficillimum bellum in Aegyptio gerenti, auxilia misit Antipatro duce, qui cum se fortiter ubiq; gessisset, à Cæsare uictore sacerdotium Hyrcano confirmatur, Antipater uero totius Iudææ Tutor constituitur.

Eo tempore Cæsar etiam petenti Hyrcano, permisit restitutiōem munitionum urbis Hierosolymæ, quas Pompeius demolitus fuerat.

Post C. Iulium Cæsarem à coniuratis interfectum, quidam potens Iudæus Malachus, indigne ferens Antipatri Idumæi potentiam crescere, & penes ipsum solum omnium negotiorum administrationem esse, incautum ueneno necat. Ab eo tempore miserabilis status in Iudæa esse cepit, destituta fortis & prudentis Ducis gubernatione. Nam cum Malachus spe principatus tumultuaretur, ab Herode filio Antipatri,

HYRCANVS. II.

tipatri, quem pater Galilæe iuuenem adhuc præfecerat, in primo conatu occiditur. Sed & frater Malachi, necem germani uindicaturus, hostiliter grassari cepit, & Antigonus Aristobuli captiui filius, collecto exercitu, bonam partem Iudææ subegit.

Hos ipsos quoq; cum Herodes repressisset, Antigonus promissis mille talentis, hoc est, sex Tonnis auri, & quingentis nobilissimis mulieribus, Pacorum & Barzapharnen Parthici Regis satrapas impellit, ut cum exercitu Iudeam ingressi, oppresso Herode, eiusq; fratre Phaselo, quos iam Tetrarchas Iudææ Antonius triumuir fecerat, Regnum Iudaicum Aristobuli filijs restituere conarentur.

Pacorus magis arte quam ui capi posse Herodem ratus, Antigonom cum aliquot turmis equitum præmittit ad occupandam urbem Hierosolymorum, ipse classe litus legens, Ptolemaidem uenit, Barzapharnen per mediterranea loca, cum iusto exercitu subsequi iubet. Ad Antigonom igitur aduentantes frequentes accurrunt, & auxilium contra Herodem promittunt. Et multis prælijs in urbe & extramœnia factis, Herodes & frater ferè superiores fuerunt.

Tandem

Tandem suis uiribus diffidens Antigonus, Pacorum in urbem accersit, prætextu quidem, ut tolerabilibus conditionibus controuersiam inter ipsum et Herodem de principatu tanquam arbiter componat, reuera autem ut Herodem nihil suspicantem opprimat.

Deinde Hyrcano patruo ac Phaselo curat persuaderi, ut ad Barzapharnen, qui cum exercitu in Galilæa substiterat, legati proficiscerentur, eumq; oblatis muneribus permouerent, ut exercitum reduceret in Syriam. Ei consilio cum Hyrcanus summus Sacerdos & Phaselus frater Herodis obtemperassent, nihil mali suspicati, à Parthis, ut res fuerat composita, contra ius gentium capti, & uincti Antigono traditi sunt.

Herodes præmonitus de insidijs & pactione Antigoni & Pacori, cum tota familia & amicis aliquot, et cum octingentis mulieribus opibus ac formæ præstantibus, nocte clam urbe egressus, corpora & res suas in Massadam Idumææ oppidum munitum collocat, ipse per Aegyptum incommodissimo tempore contendit Romam.

Phaselus Antigoni seuiiciam metuens, ut erat inermis & uinctus, capite aliquoties durius alliso in parietem, mortem sibi consciiuit.

Hyrcanum

HYRCANVS. II.

Hyrcanum Antigonus non contentus semel sacerdotio summo spoliasse, etiam auriculis mordicus præcis deformat, ne unquam posthac reuocari ad sacerdotij munus posset. Non enim fas erat quemquam sacerdotio præesse mutilum, aut quocunq; membro captum.

Ac ne sic quidem satis securitati suæ prospectum arbitratus, uinctum Hyrcanum Parthis rededit, abduccendum quam longissime extra Iudæam.

Barbari uero cognita Herodis fuga, irati propter abductas mulieres, quas Antigonus tradere ipsis promiserat, urbem ac regiam domum diripiunt, nec contenti illa præda, etiam circa Hierosolymam multa loca spoliant rebus omnibus, & cum Antigonum Regem Iudææ constituissent, copias domum reducunt, trahentes secum Hyrcanum summum Sacerdotem captiuum.

Eum paulo post Phraates Rex Parthorum, cognita generis nobilitate, uinculis solutum, Babylonem misit, ut ibi habitantibus Iudæis præesset, ubi quinquennium ferè Hyrcanus in magno honore habitus fuit.

Scd

Sed postquam comperit Herodem non modo regnum Iudeæ per Augustum Cæsarem adeptum esse, uerum etiam sibi affinitate iunctum esse, ducta nepoti ipsius Mariannæ filia Alexandri, multum sibi de Herodis beneuolentia pollicens, cepit de reditu cogitare.

Accidit autem, ut eodem tempore Herodes Iudeorum animos conciliaturus, quibus sciebat Hyrcanum carum esse, eum per literas & Legatos honorifice reuocaret, missis ingentibus muneribus ad Regem Parthorum, quibus redimeretur captiuus. Quare nequaquam amplius cunctandum ratus Hyrcanus, omnibus Iudeis Babylonijs dissuadentibus, & deprecantibus migrationem, & id quod postea accidit, metuentibus, in Iudæam reuersus est.

Hic eum Herodes magnifice exceptum, in honore aliquandiu habuit, patrem appellans, & cum eo de summa rerum sæpe deliberans, ad sacerdotij tamen principatum cum non admisit propter auricularum defectum, sed substituit in Antigoni interfecti locum Ananclum quendam ex Babylone profectum sacerdotem Iudeum.

Sed non ita multo post indicia manifesta præbuit odij singularis aduersus totam Asmoneorum

H

posteri

HYRCANVS. II.

posteritatem, cum per insidias occidit Aristobulum
nepotem Hyrcani, & eiusdem neptem Mariannam
coniugem suam dilectissimam.

Tandem cum uicto & interfecto Antonio tri-
umuiro, cui socius Herodes fuerat & auxilia mise-
rat, metu Augusti uictoris angeretur, & suos in
Iudea aduersarios timeret, præcipue autem uere-
tur, ne concitata per illam occasionem multitudo,
quam infestam habebat, auitum regnum ad Hyrcanum
transferret, qui unus de regia Asmoncorum
familia erat reliquus, misero seni insidias struere ce-
pit, & conficto crimine adfectati regni, & literis
ad id comprobandum compositis, cum Synedrj sen-
tentijs damnatum supplicio affici curauit, egressum
octogesimum ætatis annum, & in tota fere uita uarijs
fortunæ casibus iactatum, cum tamen natura
esset ocij & mediocritatis amans, sed nimis facilis
ad auscultandum sermonibus impellentium ipsum ad
res nouas tentandas.

ARISTOVLVS II.

ARISTOVLVS secundus, frater Hyrcani se-
cundi, filius Alexandri, etsi erat uehementis animi
iuuenis

Iuuenis, tamen matri administrationem, quam à marito Alexandro moriente acceperat, nouem annis concessit, priuata uita contentus.

Tandem cum mater periculose egrotaret, ini- que ferens omnia Phariseorum libidine administra- ri, clam urbe egressus, ad patris amicos, castellis præfectos confugit, à quibus benigne adiutus exer- citum colligit, quo stipatus loca uicina Hierosolymæ occupat. Cumq; in ipso apparatu belli mater Ale- xandra esset extincta morbo, & Hyrcanus, qui ha- stenus regnante matre summum sacerdotium tenuer- rat, etiam regnum hæreditario iure, ut natus maior, adeptus esset, ut id armis contra fratrem defende- ret, cum instructo exercitu fratri occurrit ad Hie- ricuntem. Sed desertus à suis militibus, transcuntibus ad Aristobulum spe maiorum præmiorum, fugit in Hierosolymitani templi munitionem, ubi aliquan- diu à fratre obsessus, tandem his conditionibus libe- ratur, ut & Regnum et summum sacerdotium Ari- stobulo fratri concedat, ipse priuatus uiuat.

Aliquanto post cum Antipatri impulsu clam in Arabiam profectus, Aretæ Regis ope speraret se re- gnum Iudeæ fratri erepturum, Aristobulus aduen-

ARISTOBVLVS II.

tantibus simul Aretæ Regi Arabum, Hyrcano, & Antipatro, obuiam profectus, & difficili prælio uictus Hierosolymam fugit, ubi sequentibus hostibus aliquandiu in templo obsidetur, donec promissis quadringentis Talentis Scaurum Pompeij legatum impulit, ut autoritate Romani Senatus mandaret Aretæ Iudæa excedere, nisi hostem populum Romanum habere mallet.

Ita obsidione soluta, Aristobulus collecto exercitu, ultro etiam ulciscendi causa Arabibus bellum inferens, uno prælio sex millia occidit.

Postea cum Pompeius pacato oriente uenisset Damascum, & Aristobulus misso magnifico munere, fratrem Hyrcanum ut turbatorem communis pacis in Iudæa, atrociter accusasset, iussi sunt ambo fratres incunte uere ad Pompeium uenire Damascum. Pompeius audita controuersia æquior factus Hyrcano & propter causam ipsam, & præcipue propter Antipatrum, dimittit Aristobulum in patriam certis conditionibus, Sed cum ille pactis non staret, & machinationibus quibusdam iussa eluderet, iratus Pompeius cum exercitu, quem contra Nabatheos Arabes ducturus fuerat, Iudeam ingreditur. Vbi cum denuo promissis

promissis pecunijs Aristobulus Gabinium legatum
 præmissum ludificatus esset, magis irritatus Pom-
 peius perfidia Aristobuli, exercitum & machinas
 Hierosolymorum moenibus admouit, & non deden-
 tibus se Iudeis, ui expugnatam urbem cepit, adiutus
 consilijs Hyrcani, die Ieiunij mensis tertij circa Pen-
 tecosten, anno quo M. Tullius Cicero Consul Ro-
 mæ coniurationem Catilinæ repressit:

Capta urbe ultra uigintiduo millia Iudcorum
 interfecta sunt à militibus. Pompeius cum suis ami-
 cis Sanctum sanctorum ingressus, perlustrauit ea,
 quæ solis summis Sacerdotibus aspicere licebat. Vbi
 cum ingentem uim auri facti, & pecunie duodecim
 Tonnas in Thesauris esse comperisset, illis omnibus
 ibidem relictis, egressus iussit locum rursus expi-
 ari.

Hyrcano Sacerdotium summum restituit, auto-
 res belli, qui Aristobulū ad rebellandum impulerant,
 securi percussit, Hierosolymorum muros demoliri
 mandauit, & totam Iudeam tributariam populo
 Romano fecit, coactam exiguo temporis spacio pen-
 dere Myriadem Talentorum, hoc est, sexaginta
 Tonnas auri.

ARISTOBVLVS II.

Ciuitates quoq; quas Asmonei Regibus Syria antea ademcrant, imperio populi Romani adiudicauit, alijs olim liberis ciuitatibus pristinam libertatem reddidit. Ita Iudaicam gentem antea late dominantem, intra angustos fines conclusit.

Deniq; decedens relictis in Iudea duabus legionibus cum Scauro, captum Aristobulum cum duobus filijs, Alexandro & Antigono, secum ad triumphum abduxit, de quibus Alexander in itinere custodes fallens effugit.

Hoc fuit initium seruitutis genti Iudaice, cum in potestatem Romanorū uenit, Causam autem primam huius calamitatis præbuit duorum fratrum discordia, Anno sexagesimo ante natum Christum, Cum Aristobulus post matris obitum, & deicctum regio fastigio fratrem Hyrcanum, quatuor annos tantum regno Iudeæ præfuiſſet. Eodem anno capte Hierosolymæ, scribit diuus Hieronymus natum esse patrem Mariæ uirginis Ioakim.

Libuit hic annotare etiam Pompeij tristem interitum, cum uideatur diuinitus ita factum esse, ut quasi in conspectu eius loci extingueretur, quem ipse & sanguine & temerario suo ausu profanauerat.

Nam

Nam quatuordecim annis post occupatam urbem Hierosolymam, pugna Pharsalica uictus à Cesare, cum ad Ptolemæi Auletæ filium supplex confugisset, cuius patrem expulsus regno, & exulantem ipse senatui commendauit, ac restitui in Regnum effecerat, ad Pelusium oppidum Aegypti, egrediens ex nauicula, fere sexagenarius, in conspectu Corneliæ coniugis, iussu Regis Ptolemæi occiditur, et ut Vergilius de hoc ipso cecinisse creditur.

iacet ingens littore truncus,

Auulsumq; humeris caput, et sine nomine corpus.

Abest autem Pelusium ab urbe Hierosolyma paulum supra triginta miliaria Germanica, iuxta Ptolemæi rationem.

Aristobulus autem cum septimo anno post captam urbem Hierosolymam, Roma ex custodia clapsus, cum filio altero Antigono in Iudeam uenisset, & Alexandrium à Gabinio dirutum denuo munisset, plurimi Iudei rerum nouarum studiosi ad ipsum confluxerunt, ita ut coacto exercitu octo millium letissimorum militum, cum Romanis configere auderetur, quibus tunc Gabinius Syriæ proconsul præerat, qui paulo ante, Alexandrum quoq; Aristobuli alterum

H iij

filium

ARISTOBVLVS II.

filium conatum Regnum inuadere, coëgerat traditis munitionibus pacem petere.

Sed Aristobulus accerrimo prælio uictus, cum duabus cohortibus in munitissimum oppidum Macheruntem confugit, situm ad lacum Asphaltiten, paulo inferius ab eo loco, ubi Iordanis influit, in quo oppido postea Iohannes Baptista in carcere aliquandiu retentus, & tandem occisus est. Eo oppido intra biduum expugnato à Romanis militibus, captus Aristobulus & saucius ad Gabinium pertrahitur, & cum duobus filijs denuo uinctus Romam mittitur.

Pacatis in Iudea rebus, Gabinius Ptolemæum Auleten expulsum ab Alexandrinis in Regnum re-duxit cum exercitu, adiutus ab Hyrcano summo Sacerdote, & Antipatro Idumæo.

Inde reuersus, in Iudea & Syria omnia tumultibus plena offendit. Nam Alexander denuo in Iudea hostili exercitu grassabatur, quem Gabinius difficili prælio superatum, Iudea expulit, occisis decem millibus Iudeorum.

Cumq; amplius biennio in prouincia Syria fuisset & Iosephi testimonio laudabiliter se gessisset, & mult

Et multas urbes superioribus bellis deiectas instaurasset, successori M. Crasso avaro exercitum tradidit, qui bellum Parthis illaturus in Syriam uenerat anno proximo post secundum suum consulatum, ante Christum natum quinquagesimo primo anno.

Hic Crassus cum cognouisset ingentem uim pecunie in templo Iudeorum reconditam esse, Hierosolimam profectus, et in templi adyta admissus, contra datam fidem plus quam Myriadem talentorum, hoc est, sexaginta tonnas auri inde abstulit, præter auream trabem, quæ pendeat trecentas minas, seu ut Iosephus exponit, libras Romanas 750. quæ æquant pondus quinque nostratum Centenarium et amplius dimidio.

Hanc auream perticam Eleazarus custos templi sponte Crasso dederat, promittenti, idque iure iurando confirmanti, se reliquas templi opes intactas ibi relicturum, ut Pompeius ante decennium fecerat.

Sed huius periurij et sacrilegij poenas paulo post dedit auarissimus proconsul, una cum filio Publio, præstantissimo iuueni a Parthis miserabiliter interceptus, maior sexagenario, ubi cum eo triginta millia Romanorum militum trucidati et capti sunt.

ARISTOBVLVS II.

Interim Pitholaus quidam potens Iudeus ex amicis Aristobuli captiui, post eum abductum, in Iudæa tumultuari cepit, et Hyrcani & Antipatri vires adfligere, Sed cum post cladem Romanorum in Parthia, Cassius Quæstor Crassi reliquias exercitus Romani, quæ fuga salutem quæsierant, in Syriam ac deinceps in Iudeam reduxisset, ac propter rerum inopiam urbes Iudaicas diriperet, magnis muneribus ab Antipatro & Hyrcano summo Sacerdote persuasus est, ut vires suas in opprimendo Pitholao experiretur, quem paulo post acie uictum cepit, & in Syriam cum exercitu Romano abduxit. Ita aliquandiu tranquillitas in Iudæa fuit.

Post quinquennium, cum exarsisset bellum ciuile inter Cæsarem & Pompeium, & Iulius, deserente Italiam Pompeio, Romam uenisset, Aristobulum uinculis exoluit, & cum duabus legionibus præmisit in orientem, ut Syriam & Iudeam subigeret. Sed is in itinere a Pompeianis ueneno extinctus, diu iacuit sepultus in Melite insula, donec postea Antonius Triumuir missum eius corpus in Iudeam, mandauit regijs monumentis inferri.

Hunc exitum uitæ habuit Aristobulus post uarias
fortunas

fortune uices, cum bis captus & Romam missus, ibi ferme 14. annos in custodia habitus fuisset, uir turbulento ingenio, qui ambitione incitatus, tandiu cum fratre Hyrcano de regno Iudaico contendit, donec sibi quidem interitum accerseret, patriam uero in tristissimam seruitutem conijceret, quæ postea toti genti exitio fuit.

Ei fuerunt duo filij & totidem filiæ, quarum unius tantum nomen à Iosepho proditum est.

HYRCA=
NVS II.
summus
Sacerdos.

ARI=
STO=
BV=
LVS II.

ALEX= ANDRA nupta Pa= trueli, sapiens muli= er, sed uehemens, ab Herode postea Rege occisa est.	ALEXAN DER II.	ANTIGO= NVS II.	ALEXAN= DRA nu= pta primun= Philippioni filio Ptolc mæi Reguli Chalcidis, quæ regio est ad latus montis Libani. Postea pater Ptolemeus amo= re nurus incensus, interfecto filio Philippione, A= lexandram sibi iunxit matrimonio, & postea eius fratrem
---	-------------------	--------------------	---

ALEXANDER II.

fratrem Antigonum studiosè semper contra Herodem & Romanos adiunxit ac texit.

ALEXANDER II.

Cum patre Aristobulo captus à Pompeio, in itinere antequam Romam perduceretur, deceptis custodibus effugit, & quinque annis post, contracto exercitu Iudeam inuasit, patrum Hyrcanum Hierosolymis expulit, munitiones dirutas restaurauit, & prædijs firmavit.

Sed ab Hyrcano & Antipatro accersitus Gabinus Syriæ proconsul, prælio uno uictum Alexandrum, diu postea obsessum in oppido Alexandrio, ad deditionem adegit, & traditas munitiones præcipuas destruxit.

Flexus deinde precibus matris Alexandri, quæ semper mariti Aristobuli, & filij conatus temerarios contra Romanorum potentiam improbauerat, Alexandro commissorum ueniam concessit, Sed cum tamen paulo post cum patre Aristobulo capto & fratre Antigono Romam misit, una cum literis ad Senatum, quibus petiuit filios Aristobuli ad matrem remitti, id enim se nomine senatus matri pollicitum esse.

esse, eo quod generosa mulier Romanas partes semper fuerit tutata. Cumq; Senatus Gabinio in eare gratificatus esset, Alexander in Iudeam reuersus, pro summa & Gabinij & Senatus clementia, maiorem gratiam retulit.

Nam postquam uidit Gabinium occupatum esse in Aegypto, ut supra dictum est, instructus exercitus triginta millium, rursus Iudeam subigere conatus est, & quicquid Romanorum militum in praesidijs captarum urbium reperit, crudelibus modis trucidauit, cuius saeuiciae post quinquennium fere poenas luit.

Sed Gabinius ex Aegypto reuersus in Iudeam, primum tentata pacificatione per Antipatrum, cum nihil profecisset, omnib. uiribus Romani exercitus in unum coactis, cum Alexandro praelio difficillimo confligit, in quo Iudeorū decem millia caesa, reliqui fuga dilapsi sunt. Alexander ipse aegre euasit, & toties frustratus iam fractus uiribus & animo, delinquit aliquandiu, donec comperit, bello civili inter Pompeium & Caesarem orto, patrem Aristobulum eductum ex carcere, cum duabus legionibus aduenire. Ibi cum ipse quoq; milites conquireret, in Syria in primo conatu captus, Antiochiam ad Scipionem

ALEXANDER II.

nem adducitur, & Romanis accusantibus ipfius criminis delitatem, qua in praefidiarios milites Romanos amicitia seuerat, mandato Pompeij à Scipione, tunc Syriam obtinente, securi percussus est, paucis mensibus post extinctum patrem Aristobulum, anno ante Christum natum 46. quo anno etiam Pompeius in Aegyptu occisus est, ut supra diximus.

Huic Alexandro ex Alexandra Hyrcani secundae filia nati sunt.

ARISTOBVLVS
III.

MARIANNE,
quam postea duxit
uxorem Herodes.

Sed de liberis Alexandri paulo post. Prius enim fratris eius, Antigoni, res & fortunam breuiter exponam.

ANTIGONVS Aristobuli secundi minor filius, cum patre bis captus & Romam missus est, semel à Pompeio, iterum à Gabinio. Sed tunc uolente senatu cum fratre Alexandro in Iudeam reuersus, apud matrem in urbe Ascalone se aliquandiu continuit. Deinde ad affinem Ptolemæum Chalcidis Regulum concessit, cum temerarios & infelices conditus fratris Alexandri, metu Romanorum, adiuuare non uellet.

Sed

Sed post interfectum patrem & fratrem, cum Iulius Cæsar finito bello Alexandrino in Syriam uenisset, eum supplex adiit, & de patris Aristobuli et fratris Alexandri indigno casu multa conquestus, quod ambo essent à Pompeianis crudeliter necati, cepit postea inuehi in dominationem iniustam Antipatri, qui obscuro loco & ex peregrina gente natus, regnum Iudaicum inuasisset, nec Hyrcano quicquam præter nomen summi Sacerdotis reliquisset, omniaq; pro libidine ad stabiliendam suam & filiorum potentiam administraret, idq; ageret, ut eremptum regie familiæ Asmoneorum, principatum populi Iudaici, ad filios suos transferat.

Se autem unum adhuc reliquum, ad quem legitima regni successio pertineat, hæreditaria dignitate spoliatus, errare exulem, extorrem, inopem. Tandem ad preces conuersus, petijt sibi principatus Iudaici administratiõem, remoto Antipatro Idumæo, restitui.

Contra hæc Antipater Aristobulum & filios eorum Cæsare accusare cepit, quod Pater contra ius fasq; Hyrcano fratri maiori Regnum per uim extorsisset, & Romanis semper hostis & infidus fuisset. Deinde patris exemplum imitatos filios, ~~deceat~~

ANTIGONVS.

deam ac Syriam tumultibus ac sanguine repleuisse, ideoq; Aristobulum tandiu in uinculis habitum, Alexandrum uero etiam ob crudelitatem in Romanos, capitali supplicio adfectum esse.

Deinde productis testibus, moderationem suam in gubernatione, & perpetua officia erga omnes Romanos Duces ostendit. Qua oratione permotus Iulius Caesar, dimisso Antigono, Sacerdotium summum Hyrcano confirmauit, et Antipatrum nouo titulo ac dignitate auctum, **TVTOREM** totius Iudee constituit.

Hanc repulsam egre ferens Antigonus, rediit ad affinem Chalcidis Regem, ubi se continuit fere quatuor annos, donec a coniuratis Iulius Caesar in Senatu confossus est, quo tempore cum totus orbis tumultuaretur, & Cassius, qui Syriam prouinciā inuaserat, bello aduersus Antonium implicitus, copias Romanas ex Syria abduxisset, Antigonus ab assine Ptolemæo & alijs uicinis Regulis adiutus, cum infesto exercitu in Iudeam irruptionem fecit. Sed cum Herodes, qui iam extincto patre Antipatro potens erat in Iudea, prælio fustum fugatumq; finibus regni eiecit.

Aliquot

Aliquot annis interiectis, cum Antonius trium-
 uir potentiam Herodis etiam auxisset, ipsumq; ac
 fratrem Phaselum tetrarchas Iudeæ totius fecisset,
 magis indignatus Antigonus, nullo modo ferendum
 putauit, regnum Iudeæ prorsus ad alienos deuolui-
 Et ad bellum reparandum incitatorem acrem tum
 nactus fuerat, iuuenem ferocem, Lysaniam affinem
 & hospitem, ad quem morte patris Ptolemæi, cui
 supra dictum est Alexandram sororem Antigoni nu-
 ptam fuisse, Regnum Chalcidis deuenerat.

Obtulit autem se illis hæc machinantibus alia
 occasio peropportuna. Nam eo tempore Parthi
 duobus Pacoro & Barzapharne, Syriæ provinciã
 occupatam tenebant. Eos Lysanias muneribus in-
 gentibus missis, & ab Antigono promissis mille ta-
 lentis, ac quingentis mulieribus nobilissimis genere
 ac forma, perpulit, ut Antigonum in auiti regni
 possessionem reducerent.

Superius autem in Hyrcani secundi uita expo-
 sui, qua fraude Barbari Hyrcanum & Phaselum le-
 gatos ceperint, & quam impie Antigonus mutila-
 tum præcisus auriculis Patruum, curauerit captiuum
 in Parthiam abduci, ut eo securius ipse sacerdotio
 I summo

ANTIGONVS.

summo & regno potiretur. Sed talibus artibus
parata potentia non potuit esse firma ac diuturna.

Nam paulo post Herodes Romam profectus,
Antonio triumuiro suam fugam et calamitatem ex-
posuit, ac de iniurijs & perfidia Antigoni conque-
stus, perfecit, ut ipse pro Tetrarcha Rex totius Iu-
deae, consensu Augusti, Antonij, & senatus, publi-
ce renunciaretur, Antigonus uero hostis populi
Romani iudicaretur.

Et cum aliquot Duces Romani ad legiones in
Syriam missi, mandata accepissent, ut pulso Antigo-
no Herodem in possessionem regni Iudaici reduce-
rent, eos tamen semper Antigonus magnis muneribus
corruptos a Iudea auertit.

Tandem ab Antonio contra Parthos bellum
gerente missus est Sosius cum ualido exercitu in Iu-
deam, ut Herodem restitueret. Quare ambo con-
iunctis uiribus urbem Hierosolymam aliquot men-
sibus obsessam tandem expugnarunt, anno septimo
post interfectum Iulium Caesarem, seu initium impe-
rij Octauij Augusti, eodem die, quo ante annos 27:
Pompeius eam ceperat.

Ibi cum

Ibi cum milites sine discrimine in omnem etatem & sexum sequirent, Antigonus non ferens conspectum miserrimæ cædis suorum ciuium, ultro ex templi munitione egreditur, & ad Sosij Romani ducis pedes prouolutus, supplex ueniam delictorum petit, in primis orans, ut imbelli multitudini & templo parceretur.

Sed superbus uictor contumeliose exagitans Regem supplicem, & per contemptum Antigonom subinde appellans, tandem uinctum abducit in Syriam ad Antonium reuersum à bello Parthico.

Herodes autem iam regno inuerso potitus, cum comprisset Antonium abducturum secum Antigonom Romam ad triumphum, ueritus, ne commiseratione calamitatis Antigoni, & reputatione nobilitatis permotus Augustus uel Senatus, liberatum uinculis in Iudeam remitteret, multis rationibus ac muneribus difficulter perpulit Antonium, ut interim curaret Antigonom.

Hoc argumento mouebatur præcipue Antonius, quod audierat, Antigono incolumi, nunquam tranquillam fore Iudeam, cum multi Iudei adeo impatienter ferrent Herodis imperium, ut ne acerbissimis

ANTIGONVS.

quidem tormentorum cruciatibus possent cogi, ut eum Regem suum agnoscere aut appellare uellent. Non igitur defuturos unquam seditionum ac tumultuum socios credebat, si eiusmodi ducem nacti essent Iudei.

Ita Antigonus ultimus Regum ex Asmonæis, postquam per Parthos adeptus Regnum Iudææ, post pulsum Herodem, & abductum Patrum Hyrcanum, quinque ferme annis id obtinuisset, occisus est à Romanis Antiochiæ, annis duodecim post patris Aristobuli & fratris Alexandri interitum, ante natum Christum saluatorem nostrum anno tricesimo quarto. Et deinceps principatus populi Iudaici ab Asmoncorum sacerdotali familia, atque adeo à gente Iudaica ablatum, penes Antipatri Idumæi filium Herodem eiusque filios ac nepotes fuit.

Sunt autem à primo anno Iudææ Maccabei, quem pater Matathias moriens ducem exulantis multitudinis constituit, usque ad hunc annum, quo post captam Hierosolymam & interfectum Antigonum, Herodes regnare cepit, anni 130.

Antigonus nullam reliquit masculam sobolem. Sed filiam habuit, quam postea Antipater Herodis filius duxit uxorem.

Sed

Sed fratri ALEXANDRO ex filia
Hircani Alexandra liberi
fuerunt.

ARISTOBV= MARIANNE.
LVS III.

ARISTOBVLVS III.

Hic Aristobulus puer quatuor annorum fuit,
cum pater Alexander Antiochiæ à Romanis suppli-
cio capitali adfectus est. postea adolescens septen-
decim annorum, sub initium regni Herodis, summum
Sacerdotium tali occasione adeptus est:

Cum Herodes rerum potitus, reuocatum ab ex-
ilio ex Babylone Hircanum socerum, propter au-
ricularum defectum non uellet sacerdotio summo
præficere, ne uidcretur contra legem Dei facere,
quæ arcebat mutilos à ministerio templi, alium quen-
dam obscurum hominem Iudcum ex Babylone pro-
fectum, Ananiam nomine, ad Pontificiam dignita-
tem euexit.

Quare Alexandra filia Hircani grauiter ferens,
& patrem, & filium Aristobulum ab Herode præ-
teritum,

ARISTOBVLVS. III.

teritum, & sacerdotium summum ignobili & alieno homini delatum esse, per literas ac munera conatur impellere Cleopatram, ut efficiat, Aristobulo filio sacerdotij principatum ab Antonio conferri.

Hoc cum rescivisset Herodes, & literas ab Antonio accepisset, quibus iuebatur Aristobulum ad ipsum mittere, ueritus, ne Antonius homo incontinens, excellenti forma adolescentis captus, eum non sacerdotio tantum, sed etiam regni aliqua parte dignum iudicaret, uerecunde id Antonio denegavit, causatus, novos in regno tumultus existere posse, spe noui Regis, si Aristobulus extra Iudeam abductus esset.

Et tamen ut compesceret mulieres, Alexandram, & Mariannen, quas tantopere pro Aristobulo laborare animaduertit, ne quid noui molirentur per Cleopatram & Antonium, conuocata concione, ultro ablatum Ananilo Sacerdotium, Aristobulo attribuit.

Sed infestus Alexandræ matri, propter illas clandestinas machinationes, eam in Regia domo contineri & custodiri diligentius præcepit, nequid simile in posterum conari posset.

Eam Regis suspicionem ac diffidentiam cum indigne ferret Alexandra, nullo modo autem ferendum putaret, se ita sollicitè tanquam carceri inclusam custodiri & obseruari, per fidum ministrum suam iniquam fortunam Cleopatrae indicat, quæ iubet Alexandram cum filio ad se accedere in Aegyptum.

Hoc ut clam fieri posset, Alexandra curat parari duos loculos, quibus funera efferri solent, quorum uni se, alteri filium inclusum, mandat nocte exportari ad mare usq; ubi parata erat nauis, declarata ipsos ad Cleopatram.

Hoc commentum suum Alexandra cum Sabbione aulico quodam communicat, quæ sciebat esse inuisum Herodi ob suspicionem, quod credebatur conscius fuisse ueneni, quo pater Herodis Antipater fuerat necatus, ideoq; sperabat se magis fido et prompto administro Sabbione usuram esse ad persiciendam fugam.

Sed ille se occasionem nactum ratus, quæ & suspicionem omnem de ueneno delere, & fidem suam regi probare posset, rem totam, ut erat composita, Herodi enunciat.

Rex diligenter inquisito & obseruato tempore,

I iij

quo

ARISTOBYLVS III.

quo oculi erant efferendi, in ipso facto deprchen-
 sos Alexandram & filium, simulata in præsens cle-
 mentia acriter uerbis increpauit, sua beneficia
 illis exprobrauit, ueniam deniq; se delictis ipsorum
 concedere dixit, si posthac in officio esse uelint.

Hac tum lenitate usus est Herodes, metuens,
 ne si de illis supplicium sumeret, Cleopatram con-
 tra se irritaret, quæ huius consilij de fuga conscia
 erat. Occulte tamen occasiones puniendi hanc au-
 daciâ muliebrem querebat, & in primis existima-
 bat Aristobulum summum Sacerdotem, propter ge-
 nus, & corporis dotes egregias carum populo,
 medio tollendum esse.

Talia ipsum meditantem, etiam alius casus in-
 flammauit magis. Nam cum in festo Tabernaculo-
 rum Aristobulus pontificio habitu ornatus, summi
 Sacerdotis munus magna cum grauitate & uenu-
 state obiret, quem propter ætatem, corporis statu-
 ram, & formam, omnia decebant magis, singula
 eius actiones, uerba, gestus, à circumstante multi-
 tudine cum letis acclamatîoibus & applausibus ex-
 cipiebantur, ut manifestus fauor & propensio to-
 tius populi erga Aristobulum, & desiderium gen-
 tilium

tilium Regum, & e contra odium præsentis regni
status facile perspiceretur.

Hoc spectaculo cum Herodes ualde ureretur,
occasiones querere cepit interficiendi quam celer=
rime Aristobuli.

Accidit autem, ut finito festo in oppido Hieric=
cunte ab Alexandra conuiuio exciperetur, credente
se iam placatum Regem habere, ubi Herodes admo=
dum se hilarem & blandum mulieribus, & iuueni
inprimis præbuit. Ac toto die uarijs lusuum gencri=
bus consumpto, circa uesperam cduxit Aristobulum
cum suo comitatu in hortum regium, atq; ibi cursu
& saltu calefactis corporibus, Satellites Herodis,
quibus id negocium datum fuerat, Aristobulum in=
uitarunt ad natandum in proxima piscina. Eumq;
obsecutum iuuenili facilitate, ingruente iam crepu=
sculo, lasciuius tanquam per lusum aqua consper=
gunt primum, deinde aliquoties capite demersum
in aquis suffocant, aliud interim agente Herode,
qui ubi factum cognouit à satellitibus dolorem si=
mulantibus, & suam culpam, dolo tamen caren=
tem, fatentibus, seseq; ad poenam ultro offerenti=
bus, miro artificio coram mulieribus matre & so=
rore

ARISTOBVLVS III.

rore Aristobuli, luctum ingentem finxit, & magnificentissimo apparatu funus defuncto fecit.

Hac Herodis fraude extinctus est Aristobulus tertius, agens ætatis annum decimum octauum, cum summo Sacerdotio unum annum præfuiſſet, quod post ipsius interitum ab Herode rursus ad Ananellum translatum est, superſtite adhuc Hyrcano ſecundo, qui ſolus ex Aſmoneorum maſcula ſobole reliquus, ad pontificatum adminiſtrandum non erat idoneus, ut ſupra eſt dictum.

MARIANNE.

Marianne ſoror huius Aristobuli, filia Alexandri II. neptis Hyrcani ſecundi, excellens forma, et pudicitia integerrima fuit. Eam Herodes iam Rex à Romanis declaratus, paulo ante captam urbem Hieroſolymam, & interfectum Antigonum duxit uxorem, repudiata Doride Idumæa, ex qua iam ſilium habebat Antipatrum, quod diuortium Mariæ perpetuam inuidiam apud matrem Regis Cyrenidem, ſororem Salomen, & alias quaſdani mulieres peperit.

Aliud odium ipſa poſtea auxit, cum tumens nonnihil

nonnihil ob generis nobilitatem, utpote a Regibus orta, matrem & sororem Regis, ut alienigenas & humili loco natas superbe contemneret.

Erat etiam erga ipsum Herodem aliquanto durior & asperior, quamuis ab eo ardentissime diligeretur, aspernata fortassis eius consuetudinem, à quo sciret patri Alexandro regnum Iudæ creptum, patrum Antigonom interfectum, fratrem Aristobulum tertium, innocentissimum iuuenem, crudelissime per insidias extinctum, auum quoq; Hyrcanum miserum senem confecto crimine affectati regni, ad supplicium pertractum fuisse.

Mirum igitur non est, si mulier generosa conjunctionem Herodis auersata est, qui tot ipsi causas acerbissimi luctus præbuerat, præsertim cum matris Alexandræ perpetuis querelis & conuicijs in domum Antipatri, aures iuuenculæ quotidie personarent.

Tandem cum esset de adulterio suspecta Regi facta, ut in uita Herodis exponam, & illam suspicionem Salome soror regia, & aliæ mulieres in aula, Regine odio incensæ, auxissent, & insuper crimen ueneficij addidissent, nec ipsa sese sollicitè purgaret,

MARIANNE.

garet, freta & amore Regis, & sua innocentia, ab Herode coram amicis accusata, & illorum sententij condemnata, interficitur, relinquens superstites ex Herode susceptos quinque liberos, tres mares, & duas puellas, de qua stirpe postea duo Agrippæ sunt orti, penes quos Regia potestas in Iudea permansit, usque ad excidium Hierosolymorum, cum multo ante deleta esset reliqua soboles Herodis, quam ex alijs nouem uxoribus satis numerosam reliquerat, ut dissetur suo loco.

Exposita iam tota ferme Asmoncorum familia, reliquum erat, ut ad Antipatri posteritatem describendam accederem. Sed restat adhuc de Asmonæis ALEXANDRA filia Hyrcani secundi, coniunx Alexandri secundi, de qua etsi alibi quædam dicta sunt, & adhuc dicuntur in rebus Herodis, tamen uisum est hoc in loco eius mulieris tristes casus breuiter collectos simul exponere, quæ mihi uidetur longe omnium mulierum, quas legimus in maximis ærumnis uixisse, calamitosissima fuisse, partim fortuna, partim sua etiam culpa. Hoc ut intelligi possit, cognationem illius hic adscripsi.

ALEXANDER
I AMNEVS.

63.

HYRCANVS II. ARISTOBVLVS II.
|
ALEXAN^a ALEXAN^a ANTIGO^a
DRA. DER II. NVS.
|
ARISTOBVLVS III. MARIANNE.

Primum hæc ALEXANDRA puellula uidit post defunctam auiam Alexandram, quæ marito mortuo, nouem annos regnauerat, patri Hyrcano diu obfesso in templi munitione, hæreditarium Regnum & Sacerdotium, per Aristobulum fratrem suum extorqueri.

Deinde adolescentula tradita in matrimonium Alexandro patrueli, capta urbe à Pompcio, uidit reftitutionem patris tristem illam, & patriæ funestam, quippe quam hæc horrenda mala comitata sunt, prophanatio templi, cædes innumere ciuium, direptio facultatum, deiectio murorum urbis, exactiones grauiffimæ, perpetuum iugum asperiffimæ dominationis Romanorum, captiuitas & abductio Aristobuli patruis, mariti Alexandri, & patruelis Antigoni,

ALEXANDRA HYRCANI.

Antigoni, ut per contumeliam ac ludibrium in triumpho Pompeij in urbem Romam introducerentur. Hec tanta mala ingentes dolores Alexandræ attulisse nullum est dubium.

Vidit postea elapsum maritum Alexandrum ex itinere, Iudeam novis motibus turbare, & eundem maximis cladibus fractum, & viribus omnibus exhaustum rursus cum patre Aristobulo & fratre Antigono captivum Romam mitti à Gabinio.

Et remissum in Iudeam & denuo tumultuantem, vidit rursus finibus Iudeæ exturbari, ac deinceps diu errantem, inopem & exulem, comperit indignissimo supplicij genere, Antiochiæ, iussu Pompeij necatum, & paulo ante eum, patrem Aristobulum post diuturnas custodias, ægre liberatum, veneno sublatum esse.

Vidit postea urbem Hierosolymam à Parthis fraude occupari, Hyrcanum patrem, dolo Antigoni capi, mutilari, abduci in hostilem terram.

Ipsa in illo periculo captæ urbis, cum Herodis matre, coniuge, sorore, & alijs plurimis matronis,
ac cum

ac cum filio duodecim annorum, filia paulo maiore,
ambobus propter præstantem formam ac teneram
ætatem iniuriæ obnoxijis, Hierosolymis nocte egres-
sa, uix Barbarorum insequentium crudelitatem ac
libidinem, uirtute Herodis defensa, euitare potuit

Collocata deinde cum alijs mulieribus in muni-
tione oppidi Idumææ Massadæ, cum summo periculo
& metu Antigoni regnantis iam, ibi fuit circiter
biennium, donec Herodes à Romanis regium titulū
adeptus, in Iudeam reuersus, ac potentior factus
eam liberauit.

Vidit tertio urbem Hierosolymam capi, diripi,
& cadibus repleri ab Herodis & Sosij militibus,
captum Antigonum patruelem ad Antonium abripi,
& postea supplicio adfici.

Horum omnium malorum spectatrix & par-
ticipes fuit Alexandra ante confirmatum Regnum
Herodis, quo iam rerum omnium potito, respirare
ipsa quoq; cepit, & iam non modo defuncta eru-
mnis, sed etiam beata & uideri & esse poterat, si
præsenti fortuna uti moderate uoluisset.

Nam Herodes Rex iam, repudiata priore con-
iuge

ALEXANDRA HYRCANI.

iuge Doride, & remoto filio Antipatro à spe successi-
onis, filiam Alexandræ Mariannen uxorem du-
xerat, eamq; ob formam & alias egregias animi
dotes unice diligebat, unde ipsa quoq; mater in Re-
giam aulam recepta, liberaliter habebatur, & apud
Regem et alios autoritate plurimum ualebat.

Erat etiam iam pater ipsius Hyrcanus in patri-
am ab exilio reuocatus, & colebatur ab Herode, &
alijs, exemplo Regis, parentis loco,

Sed hanc foelicitatem omnem ipsa Alexandra
sua uehementia, ambitione, & impotentia euertit,
sibi ac suis ingentes æumnas & exitium deniq; ac-
cerpsit.

Nam cum egre ferret Ananelum summo Sa-
cerdotio ornatum esse, præterito filio Aristobulo,
cui id hereditario iure debebatur, machinari multa
cepit, ut filium ad sacerdotij dignitatem eueheret,
& inflammare Antonium contra Herodem per Cle-
opatram conata est. Qua re patefacta, hoc qui-
dem effecit, ut filius summum Sacerdotium adipi-
scretur, sed ipsa postea deteriore fuit loco, & ut
Regi inuisa et suspecta, diligentius est custodita.

Sed dum

'ALEXANDRA HYRCANI.' 65

Sed dum hanc tolerabilem adhuc regis seueritatem, & restrictiorem usum libertatis ferre non posset, moliri occulte fugam ad Cleopatram cepit, ut supra exposui, et in eo conatu cum filio deprehensa animaduertit se immedicabili odio Herodis onerata esse. Paulo post, acerbissimo luctu, quem ex filij Aristobuli tristi interitu accepit, admonita est, quanto satius fuisset, mediocrem iniuriam ferendo uincere, quam natura saeuum Herodis animum impotentia irritare.

Cumq; de interfecto filio accusatum Herodem apud Antonium in periculum adduxisset, aliud nihil est consecuta, quam ut ipsa in maiore esset Regis odio, et contemptu, ac filia quoq; Mariannae regi alioqui carissima, remissius, & non sine suspitione, propter matris astutiam, amaretur, et Hyrcanus pater minus officiose, ut consueuerat, a rege colebatur et ornaretur.

Ex qua ipsa re causam cepit Alexandra, incitandi patrem quoq; aduersus Herodem, & hortandi, ut ad Malichum regem Arabum confugeret, eo tempore, cum post Actiacam pugnam propter metum Augusti uictoris Rex in summo uersabatur periculo,

ALEXANDRA HYRCANI.

riculo, Existimabat enim callida mulier, Augustum Herodi infestum propter amicitiam Antonij, facile adduci posse, ut ereptum Herodi Idumeo regnum Iudæ, iustis hæredibus ex domo Asmoncorum restitueret.

Hoc infœlicissimum consilium per literas interceptas patefactum, Hyrcano seni octogenario capitale supplicium, et filiæ Alexandræ summum luctum attulit, si modo sensum adhuc doloris aliquem potuit habere pectus tot ictibus ante quasi contusum, & in callum induratum, post amissos tot coniunctissimos homines, eosq; tam indignis mortis generibus, cum maritus Alexander & eiusdem frater Antigonus, ambo reges, securi percussi essent, Patrius Aristobulus idemq; socer ueneno necatus, filius unicus Aristobulus nefaria fraude Herodis sublati, pater Hyrcanus in ultimo uitæ limine ignominioso supplicio extinctus.

Solam habebat adhuc superstitem filiam Mariannem nuptam regi, quæ matri solatio in tanta mœsticia esse aliquo modo poterat.

Sed eam quoq; mulier uehemens, & iam furans

pens regis odio, perpetuis conuicijs in domum Idu-
meam, & querelis de regis immani saeuicia, red-
didit morosiores, & alieniore animo erga mari-
tum, unde postea accedente suspitione adulterij, &
falso crimine ueneni parati contra maritum, facilius
impulsus est Herodes, ut Mariannen carissimam
antea, & matrem quinq; liberorum, supplicio af-
fici pateretur.

Neq; hac etiam ingenti calamitate interfecta
indigne filia uinci potuit Alexandra, ut tot cladi-
bus admonita, suos conatus infelices esse sibi et alijs,
moderate ferret priores ac praesentes arumnas,
quarum ipsa fere semper aliquas causas praebuerat,
nec noua mala, impatientia doloris, attraheret.

Nam postquam, interfecta Marianne, Doris
Antipatri mater, prius repudio dimissa, post sexcen-
nium fere, reuocata est in aulam et thorum regium,
et Antipater filius uisus est, exclusis filijs Mariannae,
ad successionem a rege foueri & instrui, Alexandra
uidens se solam iam reliquam de Asmoncorum regia
familia, quae nepotum curam suscipere debeat, extre-
ma experiri maluit, quam supra tam crebras causas
luctus, etiam uiuere in summo contemptu Doridis.

ALEXANDRA HYRCANI.

Salomes & Antipatri regnaturi post patrem, & uidere nepotibus suis, regnanti Herodi ex Regina Marianne natis, anteferri Antipatrum, ex Doride Idumæa ignobili, adhuc priuato Herodi genitum.

Quare ad suum institutū perficiendum occasiōem se diuinitus accepisse rata, cum Herodes mœrore animi & desiderio interfectæ coniugis Mariæ letaliter ægotans decumberet in urbe Samaria, cohortes regias promissis ingentibus sollicitare cepit ad defectionem.

Erant autem duo præsidia, unum urbis, alterum templi, quæ si quis in sua potestate haberet, facile potiri rebus omnibus poterat.

Eos milites per internuncios fidos hortatur Alexandra, ut cum Regis uita in dubio sit, uel desperata potius, ante quam Antipater aut etiam alius quispiam regnum inuadat, Regiam occupent, et filijs Herodis ex Regina Marianne, iustiorib. hæreditatibus, successionem regni saluam tueantur, donec ætas eorum ad gubernationem sit futura idonea.

Sed milites re inter ipsos deliberata his periculosis

culosis et intempestiuis consilijs audacis foeminae, quam sciebant esse inuisam regi, nequaquam obtinendum esse censuerunt, cum etiam Herodis saeuiciam metuerent, regnandi cupidissimi, & acerrime uindicare soliti conatus eorum, quos regni adfectati suspectos habebat, id quod postea filiorum supplicijs satis declarauit.

Vnus autem ex militibus, gratiam apud Regem huius muliebris consilij indicio iniri posse arbitratus, propere Samariam equo uectus, machinationem socrus omnem Regi aegrotanti aperuit.

Ibi demum Herodes etiam moeroris et morbi impatientia morosior, uehementi ira accensus, statim mandata in urbem Hierosolymam mittit, de occidenda euestigio socru insidiatrice.

Hoc tragico exitu Alexandra uitam suam clausit, plenam maximarum aerumnarum, dum semper impatientia praesentis fortunae, nouam ipsa sibi calamitatem, aliam super aliam cumulando, gigneret, mulier sapiens alioqui, & grauis, sed nimium uehemens, & ambitioni, odio, ac irae, pessimis, ut ille ait, consultoribus, ultra modum indulgens. Fuit sexage-

ALEXANDRA HYRCANI

aria maior cum interfecta est, et cū hac Alexandra familia Asmoneorum extincta est, nisi quantum ex Marianne heredum reliquum mansit, ex Idumeo patre prognatorum.

Hec de Asmoneorum gente clarissima dicta sufficiant, quæ in defensione optimæ causæ, ab exiguis initijs progressa, ad maximam dignitatem & gloriam, diuina ope, & sua industria, euecta fuerat. Postea ubi omissa principali causa, potentiam & opes more Ethnicorum Regum quærere cepit, & multa non necessaria mouere, partim freta suis uiribus, partim alienis præsidij nixa, euenit, ut intestinis primum discordijs distracta, deinde etiam peregrino hoste introducto paulatim accisa, alienis totam iudaici regni possessionem cedere cogeretur, cum principatum populi à Iuda Maccabeo usq; ad initium regni Herodis annis 130, Sacerdotiū summum annis 117. tenuisset.

Nunc ad tertiæ familiæ descriptionem transibimus, quæ Antipatri Idumici posteritatem continet, apud quam utcunq; hæsit Principatus Iudææ, sine Sacerdotio summo, (quod nefas erat ab alienigenis occupari) usq; ad euersionem urbis & templi Hierosolymitani.

Nunc

Nam Sacerdotium summum penes alios fuit, necessario Iudeos, sed ex diuersis & obscuris familijs, ab Herode, successoribus, & Romanis ducebus ad id per gratiam, aut propter munera euectos.

Eorum successionem describere nec facile mihi fuit, nec operæ precium esse existimaui, cum exigua posthac potentiam habuerint Pontifices, & rerum summa gubernatio penes Principes, & Duces Romanos fuerit.

Neglexit etiam Iosephus enumerationem summorum Sacerdotum accuratam, hoc unum indicans, à regno Herodis usq; ad excidium gentis Iudaicæ uno minus triginta summos Sacerdotes præfuisse, cum tamen illud interuallum paulo sit longius centum annis. Nam ab initio regni Herodis usq; ad secundum annum imperij Vespasiani, colliguntur anni 106.

In prima autem familia, quæ à IESV orta, Sacerdotium habuit à reditu ex Babylone usq; ad Antiochi Epiphanijs tempora, quindecim tantum Pontifices numerantur, cum illud interuallum sit triplo maius hoc postremo. Nam ut alibi indicatum est,

K iij a primo

ASMONEI.

a primo anno Cyri usq; ad Alcimum, inueniuntur
anni circiter 376. Causa autem huius multitudinis
sacerdotum fuerunt crebre mutationes, cum
alius alium nunc gratia aut largitioni-
bus superatum amoueret, nunc
ui ac hostili more
excuteret.

TERTIA



TERTIA

FAMILIA: POSTERIOR

TAS ANTIPATRI

Idumei ex Ascalone, quæ ere-
ptum Asmoneis summum Sa-
cerdotium ad alienos pro arbi-
trio transtulit, & Principatum
populi Iudaici tenuit, usq; ad
Hierosolymorum uasta-
tionem sub Ve-
spasiano.

K V

Idumea



ANTIPATER.

Idumæa extrema pars terræ Chanaan, Aegypti & Arabiæ contermina, claudit latus meridionale Iudææ, & est contigua ei parti, quam tribus Iuda sorte adeptæ fuit. Eam ab antiquo incoluerunt posteri Esau fratris Iacob, qui & Edom, hoc est, rufus dictus fuit. Vnde Idumæi appellati, amissa vera doctrina Dei, & pijs cultibus diuinitus mandatis, cum uicinis gentibus Idola colere ceperunt.

Hos primum subegit Rex Dauid, & uicigales Iudaicis Regibus fecit.

Post centum quinquaginta annos fere, sub Ioram Rege Iudæ, filio Iosaphat, rursus defecerunt à Iudeis, distractis iam in duo Regna. Et quanquam sequentes Reges aliquoties conati sunt eos redigere in pristinam seruitutem, tamen armis libertatem suam tutati sunt, donec Iudæ abduceretur in exilium Babylonicum, ibi multas urbes quoq; Iudæis ademerunt, quas postea edicto Darij restituere Iudeis reuersis ab exilio, coacti sunt.

Postea Iohannes Hyrcanus Simonis Asmonei filius, bello difficili superatos, adiecit ad eiusdem domus Arme & cultuum professionem, mandata eis circumcissione.



circumcisione. Vnde postea commercia Idumcis liberiora cum Iudeis esse ceperunt, ita ut in militiam et aulas Regum Iudaicorum adsciscerentur.

Ex hac Idumeorum gente ortus fuit Antipater, cuius filius Herodes postea adeptus Regnum Iudaicum, ut id uideretur non ut alienigena possidere, uoluit pro Iudeo haberi, eo quod Idumci sub Iohanne Hyrcano, ut dixi, acceperant circumcisionem.

Traditur autem à Iosepho hæc
familie series :

ANTIPAS

Pater.



ANTIPÁS.

Antipás Ascalonites pater Antipatri, ab Alexandro Iamneo, præfecturam patriæ Idumææ accepit, quam cum sub Alexandra quoq; aliquandiu tenuisset, magnas opes cumulauit, & autoritatem in illa regione præcipuam adeptus est.

ANTIPATER.

Patri mortuo in præfectura Idumææ successit, in qua non modo populariū studia comparauit, & uicinorum Regum ac ciuitatum amicitijs suas opes auxit et muniuit, sed etiam Hyrcanum II. summum Sacerdotem iam a matre regnante constitutum, singularibus officijs sibi deuinxit, cuius beneuolentiam sperabat sibi ad altiora quoq; nitentem, profuturam esse, cum crederet ipsum defuncta matre etiam regnum iure hereditatis accepturum esse, ut natu maiorem. Quare officiose cum semper coluit, neglecto fratre, quæ res illi infensum reddidit Aristobulum, quod postea res declarauit.

Nam cum Aristobulus post matris obitum, uisum acie Hyrcanum fratrem, & postea aliquandiu in templo obsessum, coegisset regno se & summo sacerdotio abdicare, etiam Antipatro præfecturam Idumææ

Idumææ ademit, cuius plurimus fuerat usus in illo bello pro Hyrcano.

Ob hanc iniuriam Antipater odio in Aristobulum maiore concepto, cum ui ulcisci se non posset, optimates Iudeorum clandestinis criminationibus contra Aristobulum Regem incitat. Inprimis uero Hyrcanum alioqui natura moderatum & lentum, uarie tentat, nunc terrendo, nunc in spem regni erigendo, Fratrem Aristobulum sauo ingenio præditum, occasiones quærere dictitans, per insidias aut aperta ui opprimendi fratrem, ut regnum scelere partum, securius teneat, quos conatus Aristobuli se certis quibusdam indicijs iam comperisse, uel uere, uel permouendi Hyrcani causa, adfirmabat. Modum etiam ac uiam ostendebat, qua Hyrcanus in Regnum sibi debitum restituatur, si ambo ad Aretam Regem Arabiæ profugiant, cum eo Rege sibi & amicitiam & hospitium antiquum esse, nec dubitare se, quin is amborum uoluntati sit obsecuturus.

His sermonibus uincitur tandem animus Hyrcani, iniuria fratris etiam ante exulceratus, ut cum Antipatro & quibusdam alijs, quibus Aristobuli dominatio inuisa erat, clam ad Aretam in urbem

Petræ

ANTIPATER.

Petram proficisceretur, ubi regi Areta supplex factus, implorabat opem ac defensionem aduersus impium & crudelem fratrem, à quo non solum contra ius fasq; sacerdotio summo sit priuatus, quo iam erat nouem annis uiuente matre functus, et regno exutus, quod iure gentium ad natu maiorem pertineat, sed etiam quotidie insidijs petatur. Promittit quoq; reductus in regnum, restitutionem decem urbium, quas pater Alexander Iamneus Arabico regno ademerat.

Rex Aretas Hyrcani precibus & promissis, magis tamen Antipatri suasionibus permotus, cum exercitu quinquaginta millium Iudeam inuadit, cui egressus obuiam Aristobulus, præcipue uirtute Antipatri in fugam uertitur, desertus tandem à suis, quorum magna pars ad Hyrcanum transibat, & in urbem celeriter illapsus, una cum Sacerdotibus et paucis ciuibus intra templi munitionem se abdit, & ad obsidionem res necessarias parat, prius celerrime missis legatis ad Scaurum Pompeij legatum in Syria tunc subsistentem, qui auxilium eius implorent contra Arabes, eiq; quadringenta talenta, hoc est 240. Millia coronatorum promittant.

Cumq;

Cumq; Aretas cum exercitu subsecutus ad urbem accederet, templum obsidione cincturus, ciues ultro se et urbem Hyrcano dediderunt. Aliqui tamen Iudei, quibus hæc fratrum contentio de regni possessione, uidebatur exitio genti futura, relictis facultatibus, in Aegyptum commigrarunt.

Reliqui ciues cum Arabibus coniuncti, obsidionem adinuabant, et inclusos sacerdotes acrius urgebant, quam ipsi hostes, supra crudelitatem etiam imposturis utentes.

Nam quendam sanctum uirum Oniam, qui olim in maximo æstu, et metu sterilitatis, precibus ad Deum suis pluuiam largam impetrauerat, in præfenti autem bello intestino se abdiderat, protractum ex latebris, cogunt imprecationibus diris deuouere circumfessos, ut ad deditionem compellantur. Sed ille cum orasset clara uoce Deum, ut neq; inclusos sacerdotes contra populum suum, nec obsidentem populum contra Sacerdotes suos orantem, exaudiret, à Iudeis obrutus lapidibus interimitur.

Et cum festum Pascatis aduenisset, quo plurimis uictimis opus erat, Sacerdotes petiuerunt sibi
pecude

ANTIPATER.

pecudes ad solennia sacrificia necessarias præberi intra templum, pacti in capita mille drachmas, hoc est, centum Coronatos. Iudei postquam grandem illam pecuniam de muro demissam à Sacerdotibus acceperant, nihil fecerunt eorum, quæ promiserant, & risu credulitatem sacerdotum exagitarunt.

Hæc scelera Deus ultus est, immisso acri uento frugibus iam tum maturefcentibus, quibus corruptis, fames extitit tanta, ut modius tritici undecuplo carius uenderetur, quam consueuerat, uidelicet undecim drachmis, cum ante id tempus mediocri annonæ, modius una drachma & minoris, emptus esset.

Sed cum obsessi commeatus penuria laborare cepissent, nec quicquam amplius deditioem templi moraretur, nisi expectatum Scauri responsum, cuius spe Aristobulus sacerdotes confirmabat ad perferendas difficultates obsidionis, opportune accidit, ut Scaurus missis legatis mandaret Aretæ regi, nisi uellet populum Romanum hostem experiri, ut copias suas ex Iudea domum reduceret.

Huic edicto eo facilius paruit Aretas, quod iam magna commeatus inopia exercitus premebatur.

Ita re

Ita re infecta Hyrcanus & Antipater cum rege in Arabiam redeunt.

Paulo post cum Pompeius ipse, in Syriam esset ex Armenia reuersus, Antipater incitauit multos potentissimos Iudeorum, ut Aristobulum accusarent, ipse tanquam legatus ab Hyrcano ad Pompeium profectus, Hyrcani causam egit contra Aristobulum, eumq; ita conciliauit Pompeio, ut capta urbe sacerdotium Hyrcano sine regno restitueretur, à quo tempore Antipater potens esse cepit, omnia fere solus gubernans, Hyrcano quietis studioso, facile id permittente.

Inprimis autem Romanos duces quibuscunq; poterat officijs, colebat, & in eorum amicitias sese insinabat, impulso Hyrcano ad munerum liberalitatem, quorum omnem gratiam & fructum Antipater percipiebat.

Itaq; primum Scadurum cum duabus legionibus in Iudea relictum, et iussu Pompeij contra Arabes bellum gerentem, sedulo adiuuit commeatu. Postea ab eodem legatus ad Aretam regem missus, interpres pacis fuit, propter ueterem amicitiam cum rege,

ANTIPATER.

ge, ac persuasit Scauro, ut acceptis ab Arabum rege trecentis talentis, hoc est, 150. Millibus coronatorum, exercitum ex Arabia finibus abduceret.

Adiuvit postea et Gabinium contra Alexandrum Aristobuli filium, & in primis in restitutione Regis Ptolemæi Aulæ, ubi Gabinio transitum ex Iudæa per Idumeam in Aegyptum patefecit.

Iisdem artibus deinceps & Crassum diuitem, et eius quaestorem Cassium a bello Parthico reuersum mitigauit, nequid durius molirentur contra Hyrcanum, qui subinde ab Aristobuli filijs, & alijs ex eadem factione potentib. iudeis, apud duces Romanos accusabatur.

Præcipue tamen suam potentiam stabiliiuit per C. Iulium Cæsarem, cui egregiam operam nauauerat in bello Alexandrino, adductis ei tribus millibus Iudeorum, & ad societatem belli attractis Arabibus, Idumæis, & Iudeis in Aegypto habitantibus. Cumq; Mithridates Pergamenus, qui copias maximas ex Cilicia & Syria Cæsari adducebat, arceretur Aegypto, Antipater cum expugnato Pelusio perduxit ad Cæsarem, et in itinere præliantem, ac cum suo

fuo cornu cedere hosti coactum, seruauit. Pro his meritis post confectum Alexandrinum bellum Iulius Caesar Hyrcano sacerdotium summum confirmauit, restitutionemq; murorum permisit, et Antipatrum TVTOREM totius Iudæ constituit, ac præterea ciuitate Romana, & perpetua immunitate donatum in Iudeam remisit.

Hac dignitate ornatus Antipater, filios quoq; euehere cepit, ex quibus Phasclum natu maximum Hierosolymorum ciuitati & adiacentibus locis præfecit, cum Hyrcanum in gubernatione uideret negligentem & remissum. Herodem uero proximum ætate, sed iuuenem adhuc, Galilææ præsidem fecit, qui ambo cum laudabiliter commissas partes administrarent, patrem clariorem ubiq; reddiderunt, et multorum potentum studia munificentia sua adepti sunt, Vnde magis suspectus Iudeis quibusdam Antipater esse cepit, cernentibus eum Hyrcani ignauiam consulto alere fouereq;, ut filij crescere possent, et opibus eiusdem ac redditibus, tanquam suis, abuti ad largitiones, quibus sibi amicos Romanos efficeret.

Quare aliqui cordatiores Iudei non ueriti sunt Hyrcanum palam increpare ob negligentiam & facilitatem

ANTIPATER.

facilitatem, qui rerum omnium administrationem Antipatro Idumco, eiusque filijs prope adhuc pueris permitteret, qui iam tantas opes comparassent, sequi ita Romanorum amicitia armassent, ut toti genti terribiles esse inciperent. Videret igitur, quo tantæ potentia illa Idumcorum sit processura. Facere cum iniuste & imprudenter, quod cum habeat multos uirtute & peritia rei militaris præstantes Iudeos, illis repulsis à societate gubernationis, plus spei ac fiduciæ in alieni hominis defensione poneret, qui non Iudaicæ gentis commodum quæreret, sed hoc ageret, ut filijs regnum Iudææ relinquat.

Hæc etsi non nihil mouebant Hyrcanum, qui et ipse potentiam Antipatri formidabat, tamen cum beneficiorum ipsius recordaretur, & fidei, qua semper in summis periculis esset ab Antipatro adiutus, et metueret Aristobulum, eiusque filios, contra quos necessarium existimabat habere aliquem potentem defensorem, respondit sibi integrum non esse, Antipatrum ab illa rerum gubernatione remouere, quam esset Romanorum autoritate consecutus, quos offendere neque sibi tutum fore, neque regioni tolerabile.

Cum igitur accusatores Antipatri nihil in Hyrcani

canilenta & timida natura ponendū existimarent, ipsi de tollendo Antipatro cogitare ceperunt, de quibus unus, ceteros audacia & opibus antecellens, Malichus nomine, insidijs Antipatrum opprimere tentauit.

Sed præmonitus Antipater, trans Iordanem secessit, et comparato ibi exercitu, adiutus ab Arctæ rege amico, eam iniuriam ulcisci uoluit. Sed placatus est per Hyrcanum, cum Malichus iureiurando se de insidiarum conatu purgasset.

Hoc accidit statim post occisum à coniuratis Iulium Cæsarem, quo tempore Cassius autor et caput coniurationis, in Syriam, atq; inde in Iudeam profectus, duriter pecunias a ciuitatibus exegit, ita ut quarundam Magistratus cum familijs uenderet, et quatuor maximas urbes Iudeæ diriperet, uenundatis omnibus ciuibus, eo quod tantum, quantum flagitauerat insatiabilis bellua, dare recusauerant.

Ibi cum à Iudeis septingenta talenta posceret, quæ summa æquat nostræ monete ferme quatuor tonnas auri, et præterea 20 millia Coronatorum, Antipater exactionem partim filijs mandauit, partim potentioribus Iudeis, per quos cum celeriter conse-

ANTIPATER .

Eta tota summa esset, magnam apud Romanos gratiam filij Antipatri inieciunt, ita ut iam tum Herodi, qui iniunctam pecuniam & celerius et ampliore summa ad exercitum in Syriam ipse detulerat, Cassius regnum Iudeæ promitteret, si bellum cum Antonio & Octauio, quod instabat, feliciter esset confectum. In presentia autem Herodi Syriam provinciam, & classis custodiam commendat.

Ibi Malichus non diutius ferendam hanc in immensum crescentem potentiam Antipatri ratus, cum cenantem cum Hyrcano curat per pincernam summi sacerdotis Hyrcani, pecunia corruptum, ueneno extingui, à quo ipse bis de salute periclitans erat seruatus.

Hoc modo Antipater, anno proximo post interfectum Iulium Cæsarem, interceptus est, uir sapientia & uirtute prestans, non ignorante, ut quidam existimant, aut certe non inuito Hyrcano, quem ipse ad sacerdotij summi dignitatem reduci per Pompeiam fecerat, & postea semper contra aduersariorum uim texerat annis ferme uiginti duobus.

Vna autem re ad extremum offenderat Hyrcanum, quod aliquanto durius à se nec alioqui natura et

ea et tunc etate magis tenaci, pecuniam exegerat, ut in presenti periculo, Cassij cupiditatem aliquo modo explere posset.

Ob hoc erratū Hyrcanus non iniquo tulit animo benefactorem suum necari. Fit n. plerunq; ut diu multumq; beneficijs adfecti homines, et ad extremum leuiter offensi, non modo omnem priorum meritorum memoriam abijciant, uerum etiam insuper ledere benefactores suos non uercantur, ut elegantibus uersiculis Philippus Melanthon præceptor noster, parentis loco colendus, sententiam germanici prouerbij de eiusmodi ingratis hominibus expressit, quos hic adscribendos esse duxi :

Sunt homines, humeris quos si quis gestet ad urbem
 Ausoniam, domiti quæ caput orbis erat,
 Nec tamen ad portam placide deponat eosdem,
 • Gratia præteriti nulla laboris erit.

Sed paulo post huius ingratitudinis poenas persoluit Hyrcanus. Nam anno insequenti introductis in Iudeam Parthis per Antigoniū, captus, & in hostilem terram abductus, sero sensit, quanto præsidio morte Antipatri orbatus fuisset, & suam stulticiam frustra deplorauit, qui Malicho et similibus incitatoribus contra Antipatrum auscultaſset.

L iij DE

DE FILIIS ANTI-
PATRI.

PHASELVS natu maximus.

Cum à patre Hierosolymis & uicinis locis esset
præfectus, ut Hyrcanum ignauum, & etate quoq;
iam minus ad gubernationem idoneum adiuuaret,
sex annos illi muneri cum laude præfuit, adhuc ui-
uente patre, eoq; sublato, magnum motum Hieroso-
lymis sua uirtute compescuit, quando Felix quidam
à Cassio cum copijs Hierosolymis relictus, ad Phase-
lum opprimendum, pecunijs quorundam Iudeorum
fuit impulsus, qui à Phaselo uictus, et aliquandiu
in uinculis habitus, tandem certis conditionibus di-
missus est.

Vidit postea cum uoluptate, poenas sceleris luere
Malichum patris Antipatri interfectorem, armis
etiam conatum inuadere principatum Iudeæ. Sed ar-
te Herodis per milites Cassij occisus est.

Victo Cassio Antonius in Syriam profectus,
Phaselum & Herodem fratres grauiter accusatos à
Iudeis, Tetrarchas totius Iudeæ facit. Sed eam di-
gnitatem non diu tenere potuit Phaselus. Nam anno
qui secutus est patris mortem, occupata urbe à
Parthis

Parthis & Antigono, cum Hyrcano fraude captus,
sibi ipse mortem in uinculis consciuit, ut supra retuli
in uita Hyrcani secundi,

PHASELVS

reliquit

filium

PHASELVM cui nupta fuit SALOME.

huic nati sunt

ex Salome.

HERO= MARIAN=

DES rex. NE Asmo?

ANTI= HERO= ALEX= ALEX= CYPRIS

PATER DES. ANDER. ANDRA postea

de hoc

nihil le=

gitur.

mortui in

adolescens

tia sine li=

beris.

nupta lu= iuncta

deo cui= AGRIP=

dam ex PAE re=

Cypro gi.

fuit ste=

xilis.

IOSIPPVS

Tertius Antipatri filius.

Phaselum sequitur atate Herodes, Sed commo=
dius iudico prius fratres eius recensere, quorum res
minus sunt celebres.

L V

Tertius

LIBERI ANTIPATRI.

Tertius igitur Antipatri filius Iosippus, a patre principatū Iudeæ adeptus, Idumææ præfectus est. Hic post Antipatri mortem, fratris Herodis, ab Antigono et Parthis in exilium pulsus, familiam & res in urbe Massada collocatas, aduersus Antigonum regem fortiter tutatus est, cum tolerasset difficilissimam obsidionem, donec à fratre Herode ex Italia reuerso liberatus est, qui iam rex erat ab Octauio Augusto & Antonio declaratus.

Postea cum frater Herodes ad Antonium obsidentem urbem Samosata iuxta Euphraten proficisceretur, Iosippo cura exercitus commissa est. Is dum incautius cum sex cohortibus frumentatum excurrit, in angustijs montium ad Hiericuntem oppressus, ab Antigoni militibus cum omnibus suis occiditur, quadriennio fere post mortem patris Antipatri.

Caput interfecti præcisum, et per ludibrium circumgestatum frater Pheroras ab Antigono redemit quinquaginta talentis, hoc est, 300 Millibus coronatorum.

Filius ei fuit cognominis Iosippus, cui patruus Herodes matrimonio iunxit filiam suam Olympiadem, sororem Archelai, quæ peperit Mariannem nuptam deinde Herodi Chalcidis regulo,

Antipater

ANTIPATER

IOSIPPVS

Idumæ
præses.

HERODES

Rex Iu-
dææ.

coniunx Martha

ca Sama-
ritana.

IOSIPPVS. coniunx Olympias.

MARIANNE

nupta HERODI

filio Aristobuli,

regi Chalcidis.

PHERORAS

minimus filiorum Antipatri.

Hic adolescens adhuc, cum Iosippus interficeretur, solus reliquus, fratrem Herodem cum Antigono difficile bellum gerentem strenue adiuuit, et precibus Herodis postea ab Augusto Cesare Tetrarcha factus, & honorifice habitus, malam gratiam fratri retulit. Nam cum ei impulsor fuisset ad occidendam coniugem Mariannen, & duos filios Alexandrum & Aristobulum, tandem ipse cum Antipatro filio de interficiendo Herode fratre conspirauit. Sed subita morte præuentus, poenam effugit.

Obijt

LIBERI ANTIPATRI.

Obijt autem paucis annis antè fratris Herodis mortem, Reliquit duos filios, quibus Augustus matrimonio iunxit Herodis defuncti duas filias, Rhodanem & Salomen, addita dote singulis 25 Millium Coron: Habuit & filiam nuptam Antipatri filio, nepoti Herodis regis.

SALOME FILIA ANTIPATRI, Soror Herodis regis Iudæ.

Primum nupta fuit Iosippo cuidam, qui custos additus Mariannæ coniugi Herodis, secreta quædam enunciarat, camq; ob causam à rege interfectus est.

Deinde nupsit Costabaro, præfecto Idumæ, à quo contra legem Mosi facto diuortio recessit, Cum maritis quidem dimittere coniuges ob grauem aliquam causam liceret, sed non erat liberum uxoribus maritos deserere. Sed Salome usa hac licentia fiducia fraternæ potentie, etiam tristissimi interitus postea Costabaro causa fuit.

Postremo inuita tradita est ab Herode Alexæ cuidam, cum appeteret furenter nuptias potentis Arabis cuiusdam Sylei, inimici Herodis, & circumcissionem accipere recusantis.

Hec

Hæc Salome fuit uere in aula fratris furia, & fax intestinarum discordiarum, ex quibus cedes plurimæ extiterunt.

Nam odio Mariannæ Asmoneæ ardens, à qua fuerat contempta, ut ignobilis, non desijt fratrem confectis de adulterio & ueneficio criminibus inflammare, donec dilectissimam suam coniugem occideret Herodes.

Postea uindictam metuens, etiam contra filios Mariannæ, Alexandrum & Aristobulum, incitare patrem cepit, usa ad eam rem ope Antipatri filij Herodis, metuentis illos iuuenes sibi in successionem regni anteferri. Ac perfecit tandem, ut accusatos a se festati regni, et parati ueneni, ac condemnatos, præstantissimos iuuenes pater Herodes laqueo strangulari mandaret.

Antipatrum quoq; socium sceleris sui, inuisum patri clandestinis delationibus reddidit, qui reuera illas struebat patri insidias, quas antea falso innocentissimis suis fratribus, Mariannæ filijs, obiecerat, donec ille quoq; à patre occisus est.

LIBERI ANTIPATRI.

Ipsa uero tantæ crudelitatis administra, fratri Herodi superstes, testamento illius adepta est urbes opulentiſſimas tres, Iamniam, Azotum, & Phaseli-
dem, ac præterea argenti signati quinquaginta My-
riades, hoc est, 50 Millia Coron: quæ cum esset per-
literas familiaris Liuiæ coniugi Augusti, quam Iose-
phus semper Iuliam uocat, ab Augusto etiam dono
accepit arcem regiam in urbe Ascalone. Percepit
autem ex illis ciuitatibus sexaginta talenta, hoc est,
36 Millia Coronatorum annui reditus.

Cumq; duodecim annos post fratris Herodis
mortem uixisset, moriens anno proximo ante Au-
gusti obitum, Liuiæ coniugi Augusti urbes, quas te-
nuerat, testamento legauit.

Reliquit filium Antipatrum, & filiam præ-
stanti forma Berenicen, de qui-
bus hos habuit nepotes.

Costabarius

Costabarus

SALOME

praefectus Idumæ.

soror Herodis Regis.

Cypris	Antipa=	Berenice	Aristobulus
filia Hero=	ter ha=	nupta a=	filius He=
dis regis ex	buit ami=	mitino	rodus re=
Marianne	tinam.	Aristo=	gis ex Af=
Asmonea.		bulo.	monca.

Cypris	Alex=	AGRI=	HE=	Ari=	HE=	Mari=
	as pri=	PPA	RO=	sto=	RO=	anne.
	uignus Rex	DES	bu=	DI=		
	Salomæ, lu=	Rex	lus.	AS	cuius sit	
	sororis deæ.	Chal=		mentio in		
	Herodis,	cidis.		Euangelica		
	ex ter=			Historia.		
	tio ma=					
	rito.					

AGRIPPA

Cypris.

posterior, successit patruo He= rodus in regno Chalcidis.

Herodæ

HERODES, SECVNDVS ANTIPATRI filius, quem **MAGNUM** aliqui uocant, primus Rex Iudeæ ex alia gente.

Herodes iuuenis adhuc a patre Antipatro Galilee præses constituitur paulo post, quam a Iulio Cæsare in Aegypto debellatum fuerat, Vbi mox suæ industriæ et uirtutis specimen edidit, fuso & interfecto Ezechia Iudeo, cum manu latrunculorum Syriam uastante, unde Syrorum commendatione Sexto Cæsari carus efficitur, qui tunc Syriam prouinciâ administrabat.

Accidit autem, ut ab æmulo Antipatri, Hyrcanus summus sacerdos flagitatus, diem Herodi inuitus diceret, propter occisos illos Iudeos in Syria captos, non quesita aut expectata sententia summi iudicii, quod tum Sanhedrim uocabatur, a uoce græcâ, ut existimo συνέδριον, constabatq; ex 72 iudicibus, quos septuaginta seniores appellabant, et Philo scribit, ex sola posteritate Dauidis in id iudices lectos fuisse ante Herodis regnum.

Herodes a patre per literas admonitus, mediocri præsidio stipatus ad diem iudicii ascendit Hierosolymam, cum commendatione Sexti Cæsaris, ubi cum Hyrcano

Hyrchanus animaduertit, iudices ab aduersarijs Antipatri incensos, durius pronunciaturus esse, gratificans amico Antipatro, clam Herodem monet, ut urbe excedat, ante quam sententijs iudicum damnatus, arripiatur ad supplicium.

Redit igitur in Syriam iuuenis impatienter ferens contumeliam iudicum, ut ipse aestimabat, et suorum ciuium iniquitatem Sexto Cesari exponit, a quo cum partem exercitus Romani, et administrationem inferioris Syriæ accepisset, ulcisci Synedrj iniuriam constituit. Quare cum exercitu infesto contra Hierosolymam ascendens ægre a patre et fratre Phaselo progressus obuiam auertitur, ut exercitum in Syriam reducat, non deposito tamen odio Synedrj, quod deinde regno potitus uniuersum sustulit.

Post Iulij Cesaris interitum exiguo intervallo Malichum interfectorem patris Antipatri, ope Casianorum militum per insidias occidit.

Deinde Antigonum Aristobuli filium, qui iudeæ partem recuperauerat, uictum prælio rursus Iudea expulit.

HERODES MAGNVS.

Post uictum ad Philippos Cassium & Brutum, cum Antonius ad Syriam accederet, legati ex Iudæa in Bithyniam usq; obuiam profecti Antonio, Herodem et Phaselum accusant, quod pulsus legitimis regni heredibus, ipsi gubernationem uniuersam Iudææ per uim ad se traherent. Cum autem eodem etiam Herodes maxima Antonio munera ferens, accessisset, ut se purgaret, benigne ab Antonio susceptus est propter amicitiam, quæ Antonio cū Antipatro patre Herodis fuerat, quando legatus Gabinij in Syria & Iudæa militauerat.

Quare non modo accusationes Iudeorum non admisit Antonius, uerum etiam Phaselum ac Herodem fratres, Tetrarchas Iudææ fecit, ac postea ex Iudæa alios super alios maiore numero, et tandem ad mille legatos simul missos, ut Herodis dominationem deprecarentur, etiam uinculis coercuit, deniq; non quiescentes quosdam morte multauit.

Descendit et Hyrcanus ad Antonium in Syriam, iam affinitate iunctus Herodi, cui desponderat suam neptem Mariannem filiam Alexandri & Alexandræ, qui honorifice acceptus ab Antonio, confirmatur in possessione summi sacerdotij, & impetrat, ut ciuitates et corpora, quæ a Cassio in seruitutem fuerant redacta, liberarentur, et res ablata pristinis possessoribus restituerentur.

Aliero

Altero anno post, Pacorus subacta Syria, magnis promissis inductus, Antigonum Hierosolymam reducit, ut supra dictum est. Ibi Herodes cum audiret contra ius gentium fratrem Phaselum, cum Hyrcano summo sacerdote captum in uinculis teneri, et ludcos animaduerneret rebus Antigoni fauere, metuens et hostes et ciues, cū matre Cypride, Doride coniuge. Sorore Salome, Marianne sponsa, socru Alexandra, & alijs matronis octingentis, et amicorum comitatu maximo, nocte clam urbem egressus, in Idumeam egre euasit. Nam in itinere etiam mater euerso curru ualde adflucta, ita consternauerat Herodem, ut de consciscenda mortecogitaret, et premebatur ab insequentibus Barbaris, quos tamen fortiter fusos reput.

Inde cum corpora et res suas in loco munito Massada deposuisset, eorumq; custodiam ac defensionem Iosippo fratri commendasset, ipse Aretam regem adiuturus cum paucis proficiscitur, fretus amicitia, quæ inter Aretam & Antipatrum patrem fuerat.

Sed Arabiæ finibus exclusus, magnis cum difficultatibus in Aegyptum peruenit ad Cleopatram, a qua rebus necessarijs instructus, iniquissimo tempore nauigans Romam uenit, ubi Antonium de Antigoni fraude, de sua fuga, de suo periculo certiore factum, obtestatur,

HERODES MAGNVS.

ut quem semel complexus tantopere ornauerit, non
patiatur hoc tempore ab aduersarijs conculcari.

Antonius querelam & petitionem Herodis ad
Augustum collegam primum refert, deinde ambo
supplicem amicum senatui commendant, studia pa-
tris Antipatri ac perpetuam fidem erga duces et mi-
lites Romanos, ac praecipue erga Iulium Caesarem
praedicant, breuiter efficiunt, ut communibus sen-
tentijs Antigonus hostis populi Romani iudicaretur,
Herodi uero regnum gentis Iudaicae decerneretur,
septimo die post, quam urbem Romam fuerat in-
gressus.

Inde ex curia medius inter Augustum & An-
tonium, praecuntibus consulibus Domitio Caluino,
Asinio Pollione, ac Magistratibus reliquis et sena-
toribus comitantibus, deducitur in Capitolium, ac
factis sacris, primo illo regni die ab Antonio magni-
fico conuiuium excipitur, anno quarto post Iulium
Caesarem, secundo post Ciceronem interfectum, an-
te natum Christum anno 37.

Reuersus in Iudeam Herodes, difficile bellum
cum Antigono rege gessit, quod quatuor annos du-
rauit, eo quod duces Romani, Ventidius Silo, &
alii

elij, quibus restitutio Herodis mandata fuerat, magna pecunia ab Antigono corrupti, moræ causas quærebant, nec serio Herodem iuuabant, et multi Iudei odio domus Antipatri, tumultus contra ipsum excitabant.

Valde igitur difficilia regni sui initia habuit Herodes, sed tamen industria, diligentia & uirtute paulatim eluctatus omnes difficultates, Galileam, Samariam, et Iudææ maiorem partem occupauit.

Postea aduenerunt auxiliares copię à Ventidio misse, quas ducebat Machæra quidam, quem ipsum quoq; cum negligentius rem gerere, tergiuersari, et respectare ad Antigonom spe nummorum animaduertisset, nihil præsidij in eiusmodi ducibus esse expertus, ipse ad Antonium obsidentem urbem Samosatam maximis itineribus contendit, ubi in uia aliquot secundis prælijs latrones profligauit, qui transitum intercluserant.

Ei aduentanti Antonius cum exercitus maxima parte honoris causa, ut regi, obuiam processit, et conquestum de perfidia ducum quorundam, qui largitionibus Antigoni corrupti mandata senatus et

HERODES MAGNVS.

Augusti haecenus neglexissent, cum duabus legionib.
ueterani militis in Iudeam remittit, ac Sosium unum
de fidiſſimis ſuis ducibus cum alio exercitu ſequi iuſſ=
ſit, ubi primum Samofata urbs expugnata eſſet.

Dum abeſt Herodes, frater eius Iosippus inſoc=
liciter praeliatus, ab Antigoni militibus cum exercitu
trucidatur prope Hiericuntem.

Deficiunt etiam Galilei, et in Iudea multi re=
bellant.

Reuerſus igitur cum ucteranorum exercitu,
egre pacauit Galileam, et multis paruis praelijs ua=
rio euentu commiſſis, ita fregit tandem uires Anti=
goni, ut intra munitionem Hieroſolymitanæ urbis
ſeſe abderet.

Herodes adducto ad urbem exercitu, cum mu=
nitiones et machinas ad oppugnationem neceſſarias
perfeciffet, relictis cum exercitu ducibus, ipſe Sama=
riam contendit, nuptias celebraturus cum Mariannæ
Aſmonæ, quam ſupra dixi Alexandri II. filiam,
Hircani II. neptem fuiſſe, quæ Herodi ante qua=
driennium, hoc eſt, ante Parthorum irruptionem
fuerat deſponſata.

Interim

Interim Sosius cum exercitu ex Syria ab Antonio missus subsequitur, et suas copias cum Herodis exercitu coniungit, quo post nuptias ad Hierosolyma reuerso, magna ui ambo duces ex diuersis locis urbem oppugnare incipiunt.

Iudei inclusi, etsi rerum precipuarum penuria ualde premebantur, tamen concepta spe de diuina liberatione, quod se dicerent pro libertate populi, pro legitimo rege contra externos, pro templo & religione contra ethnicos pugnare, difficilissimam obfidionem aliquandiu sustinebant, et hostes crebris excursionibus duriter adfligebant, donec tandem mense Maio expugnata est urbs eodem die, quo ante annos 27. á Pompeio capta fuerat, ut supra retulimus, M. Agrippa & Canidio Gallo coß.

Milites Romani irritati mora obsidionis, & acceptis cladibus, non tam in armatos Iudeos, quam in imbellem multitudinem atrociter senicrunt.

Antigonus Rex ad pedes Sosij prostratus, supplex ueniam petijt, Sed contumeliose acceptus ac uinctus postea ad Antonium Antiochiam abductus, ibiq; flagitante id Herode occisus est.

HERODES MAGNVS

Difficilimum fuit Herodi in illo furore militari, arcere Romanos, ne impetu facto in templi adyta, sacros thesauros spoliarent, egre etiam immani pecuniae summa promissa obtinuit, ne uniuersas ciuium facultates milites diriperent.

Hoc modo capta urbe, et extincto Antigono ultimo ex Asmoneis Rege, Herodes Iudae regnum consecutus est, anno 33 ante Christum natum, unde ad constitutionem regni conuersus, crudeliter interfecit optimates coniunctos Antigono.

Ac cum largitionibus et sumptibus belli omnes fere facultates suas et propinquorum exhausisset, edicto coegit ciues omnia sua ornamenta ex auro argentoq; et quicquid habebant praesentis pecuniae, in arcem regiam comportare, et custodias in portis posuit, quae excuterent egredientes, atq; etiam Fuera effrentes, nunquid rei praesentis aut pecuniarum exportarent.

Ingruit etiam eodem tempore fames propter annum Sabbatarium, quo non licebat agros conferere, cum esset superioribus quoq; annis agrorum cultura multis in locis intermissa propter assidua bella intestina.

Vere

Vere igitur fuit ille miserrimus status ciuitatis Hierosolymæ, oppressæ tristi seruitute, qua implicitè hæserunt pij quoq; homines, Simeon, Zacharias, Ioseph et similes pauci, qui in his tristissimis spectaculis et ærumnis sese crexerunt spe aduentus Messie, quem eo quoq; propius sciebant instare, quod iam sceptrum de domo Iuda prorsus ablatum esse cernebant.

Herodes autem cum metueret populum, offensus hac crudelitate et rapinis, ut eum rursus placaret, per literas reuocat ex Babylone Hyrcanum II. cuius neptem uxorem duxerat, missis muneribus Parthorum regi, quibus captiuus redimeretur.

Eum reductum in urbem Hierosolyma, non quidem sacerdotem fecit, propter mutilationem corporis, sed alioqui summo in honore habuit, et palam in consessibus supremo loco collocauit. Alium autem ex Babylone profectum Iudeum Ananclū, in Antigoni locum substituit, qua re et suos domesticos et populum ualde offendit.

Hoc ubi sensit Herodes, Aristobulum coniugis sue Marianne fratrem, remoto Ananclō, summo

HERODES MAGNVS.

Sacerdotio prefecit, quem post annum nefaria fraude interfecit, et Ananelo principatū Sacerdotij reddidit, ut supra exposui.

De hoc scelere postea ab Alexandra apud Cleopatram accusatus, et ab Antonio accersitus Laodiceam ad reddendam rationem, muneribus & purgatione Antonium placauit.

Instante bello Actiaco, cum Augustus & Antonius de summa imperij certaturi, maximo apparatu sese instruerent, Herodes ad Antonium profectus, et operam suam, et auxilia paratissima ad bellum contra Augustum ultro obtulit. Sed Antonius nihil illis se auxilijs egere cum dixisset, suasu Cleopatrae mandauit illi bellum regi Arabum inferendum, qui pactas Cleopatrae pensiones ducentorum talentorum annui redditus soluere detrectabat.

In eo bello cum primum ingenti praelio Arabes fudisset, fortuna uersa, exercitum scire omnem amisit, ac insuper etiam castris exutus est. Ad illam cladem Iudeorum, accessit etiam terrae motus, qui amplius decem millibus hominum in Iudea extinxit illis diebus, quibus ad Actium nauali praelio pugnatum est, anno septimo regni Herodis.

His

His calamitatibus Iudeorum excitatos Arabes,
et atrociter ferro ac incendijs grassantes in Iudea,
Herodes, difficulter recollectis uiribus, repressit,
et intra patrios fines redire compulit.

Terræ motum et hostium incursiones insecuta
est foeda lues, quæ magnam uastitatem in urbibus,
agris, et Castris regis fecit.

Post has publicas clades eodem tempore con=
currentes, Herodem etiam priuatum periculum ex=
cepit. Nam post Actiacam pugnam uicto et dein=
de extincto Antonio, cui semper fuerat coniuncti=
simus Herodes, angere cepit metu uictoris Augusti,
nec obscuras populo significationes præbuit con=
sternati & trepidantis timore animi.

Quare et alij in populo Iudaico impatientes
externæ dominationis, erigere se ceperunt spe
nouarum rerum, ac letari Herodis periculo, et
inprimis Socrus regia Alexandra tempus adesse
rata, quo et filij necem uindicare, & regnum
ad suos transferre posset, crebris sollicitationi=
bus ac conuicijs iam decrepitum pene et natura ocij
amantem

HERODES MAGNVS.

quantum Hyrcanum patrem impellit, ut cogitet de fuga in Arabiam, ut si Herodes ab Augusto uictore aliquid pateretur tristius, regnum Iudeæ Arabum ope inuaderet.

De ea re scriptas literas ab Hyrcano ad Arabicum regem, Dositheus minister perfidiosissimus tradidit Herodi, qui rem melius exploraturus, misit eundem Dositheum cum literis in Arabiam, & postquam responsum a rege datum Hyrcano, cognouit, Hyrcanum ut insidiatorem damnatum iudicio, occidi curauit.

Alij sic narrant, Herodem in tali periculo metuentem, ne multitudo Iudaica, quam infestam habebat, hac occasione incitata, conaretur regnum ad Hyrcanum transferre, qui unus ex regia Asmoneorum domo erat reliquus, confecto crimine insidarum et compositis ad id literis, perfecisse, ut innocens senex supplicio capitali adficeretur.

Deinde matrem, sororem, & cognatos reliquos ac sobolem omnem, cum Pherora fratre mittit in Idumææ oppidum munitissimum Massadam, Sed Alexandram socrum et Mariannen coniugem, quibus non

non putabat conuenire posse cum ceteris mulieribus, in alia munitione Alexandrio collocat, & ijs præficit custodes Iosippum quæstorem regni, & Soënum, amicos probatissimos, cum his mandatis, ut siquid aduersi ipse ab Augusto passus esset, mulieres ambas interficerent, et cum Pherora fratre regnum filijs pro uirili conseruarent integrum, donec adolescerent.

His ita constitutis, ad Augustum contendit, in insula Rhodo tunc legatos audientem, ubi deposito diademate, sed alijs in rebus regiam libertatem præ se ferens, ut causæ et clementiæ Cæsaris sisus, se Antonio amicum fuisse fatetur, et missurum auxilia fuisse, si is petiuisset, sed diuinitus se à societate illius funesti conatus Antonij abstractum, interim Arabico bello fuisse implicitum, in quo maximis claudibus acceptis, satis graues penas dederit amicitie cum Antonio, & obsequij sui.

Si igitur uelit experiri ipse quoq; Augustus, qua fide Herodes amicitias colere consueuerit, se paratum id ueris officijs euidenter declarare.

Hac magnanimitate Herodis delectatus Augustus.

HERODES MAGNVS.

gustus, amanter eum complexus, et rursus insigni regio ornatum hortatus est, ut non minorem de Augusti beneuolentia et fide spem conciperet, quam de Antonio habuisset antea.

Herodes hac inspirata clementia Augusti in summa prope desperatione denuo subleuatus ad regni firmiorem possessionem, supra vires muneris largitus est Augusto, eius amicis, et exercitui. Deduxit etiam imperatorem in Aegyptum nauigantem, et inde in Syriam reuertentem hospitio excepit, plus quam regio apparatu omnibus rebus necessarijs instructis in multis partibus Iudae.

Talibus Herodis officijs delinitus Augustus, eam partem Iudae ei restituit, quam Antonius flagitanti Cleopatrae donauerat, et addidit insuper etiam Samariam, et alias maritimas urbes, quarum accessione opes regni ualde auctae sunt.

Hac foelicitate foris usus Herodes cum in Iudeam reuersus esset, reperit domi suae omnia intestinis odijs exulcerata. Nam Marianne Vxor regia, bis iam compererat ex suis custodibus, mandatu ab Herode fuisse, ut ipsa cum matre interficeretur, si quid
uel

uel Antonius antea, uel nunc Augustus durius in regem statuissent. Quare auersata consuetudinem Herodis Marianne, cum blandienti, et signa ardentissimi amoris ostendere conanti marito crudelia illa mandata exprobrasset, eaq; non esse amantis signa dixisset, Herodes suspicatus, eam non potuisse, salua fide coniugali, hæc arcana iussa à custodibus Iosippo prius, & nunc à Soëmo elicere, uehementi iracundia exarsit, et cogitare de punienda adultera cepit.

Sed uis amoris non permisit eum uel credere prorsus id, quo suspicione ducebatur, uel seuire in foeminam forma excellentem, generis nobilitate insignem, & omnibus matronalibus decoribus ornata.

Diu itaq; fluctuantem Herodem tandem Salome soror impulit ad facinus indignissimū. Ea enim hanc occasionem naçta ulciscendi contemptum sui, adulterij suspicionem auxit, et crimen ueneni parati adfinxit, idq; per pincernam regium, pecunia corruptum, Herodi probauit.

Ibi demum efferatus Rex condemnatam amicorum sententijs Mariannen coniugem capitali supplicio adfecit, matrem quinq; liberorum.

Paulo

HERODES MAGNVS.

Paulo post poenitentia facti, & uchementissima mo desiderio dilectissimæ coniugis languens, conspectum hominum fugere cepit, et prætextu uenationum in latebras sese abdere, ubi cum plurima doloris lenimenta quæreret, nec uincere magnitudinem ægritudinis posset, in morbum corporis letalem incidit.

Sæuijt eodem tempore in Iudea pestilentia, qua magna multitudo hominum absumpta est, et a plurimis existimatum, eam poenam ob crudelitatem regiam diuinitus fuisse constitutam.

Cum igitur Rex in urbe Samaria decumberet, et pleriq; de uita eius desperarent, Alexandra socrus excubias templi et urbis sibi adiungere promissa mercede conata est. Sed re patefacta, Herodes eam interfici iussit, mox liberatus morbo etiam in intimos amicos sæuijt, factus iam impatientia doloris pronior ad crudelitatem.

Postquam neminem iam amplius de familia Asmoneorum aut aliunde restare uidit, cuius potentiam metuendam existimaret, præter multitudinem, securior factus, multa fecit insolenter, & instituit quædam

quædam cum lege diuina & receptis moribus Iude-
orum pugnantia.

Extruxit enim in urbe Hierosolyma Theatrum
& Amphitheatrum, in quibus exhibebat ludos sce-
nicos, uenationes, gladiatorũ lanienas, prorsus Eth-
nicorum more. Instituit et agonem quinquenna-
lem in honorem Augusti, et imagines Cæsarum, ac
uictorias eorum publice proponebat.

Is rebus antea inusitatis & lege Dei prohi-
bitis cum intellexisset populum ualde offendi, ita ut
conspiraciones inter quosdam fierent de occidendo
Rege, ut tutior contra insidias & seditiones esset,
multa loca accurate munijt, Alexandrium, Herodi-
um, Hyrcanium, & præsidia firmiora pluribus in
locis opportunis disposuit.

Aliquot etiam urbes magnifice uel extruere,
uel instaurare cepit, impositis imperatorum et ami-
corum nominibus, quarum præcipua fuit Stratonis
turris, ad mare, quam Cæsaream uocauit, & Sama-
ria, unius dici itinere ab Hierosolymis distans, quam
ab Augusto Sebasten, Anthedonem renouatam, A-
grippium, a Cæsaris genero appellauit. Condidit
N Antipa-

HERODES MAGNVS.

Antipatridem a patre dictam in agro Capharsalamae, Phasclidem à fratris nomine prope Hicricumtem, Herodium à suo nomine iuxta Arabiam.

Cum autem XIII. anno regni, sterilitas agrorum ex diuturno aestu, famem attulisset, quam horrenda lues pecudum & hominum sequebatur, magno studio ex Aegypto & iuicinis regionibus conquisitum & importatum frumentum populo uiritim distribuit. Cumq; ad eam rem pecunia deesset, exhausto regio thesauro immanibus illis edificationibus, omnia sua aurea & argentea uasa, & quicquid habuit ornamentorum preciosorum, frumentationi impendit.

Ea munificentia non modo offensas priores ex animis subditorum delcuit, sed etiam beneuolos eos aliquantum sibi reddidit.

Anno XVII. regni Herodis Augustus in Syriam profectus, Chalcidis regnum Herodi donauit, addita Trachonitide & Batanæa, ac præterea potestatem fecit, relinquere ex filijs regni successionem, cui ipse uellet. Pro illa liberalitate Augusti Herodes in Pancade iuxta fontes Iordanis, magnificen-

gnificentissimum templum extructum, Augusto sacrauit.

illa Ethnica assentatione deintegro abalienatam à se multitudinem Iudeorum mitigare studuit, remissa tertia parte tributorum.

Sed cū ne sic quidem compescere quosdam posset, clamantes, nullo modo ferendum esse, hominibus mortalibus templa in terra Iudea poni, eosq; ibi diuinis honoribus coli, acerbitate suppliciorum illos cohercuit, immisissis auscultatoribus in omnes congressus publicos et priuatos, qui sermones asperiores ad regem perferrent. Quin etiam ipse Rex dicitur uestitu plebeio nocte sæpe circulis colloquentium se immiscuisse, ad captandos sermones subditorum de præsentī statu regni.

Tandem cum nihil beneuolum, nihil fidum in illo populo deprehenderet, iuramento sibi cum obnoxium reddere tentauit. Vbi aliquos largitionibus ac promissis, ad præstandum obedientiæ ac fidei iuramentum adduxit, alios metu suppliciorum coegit, alios contumaciter detrectantes iuramentum, uarijs modis e medio sustulit,

HERODES MAGNVS.

exceptis Phariseis, quibus pepercit propter pau-
cos quosdam senes, quos ob morum sanctitatem po-
pulo caros reuerbatur, Pecunia tamen grandi eos
multauit, quam persoluit Pheroræ coniunx, ut sibi
illam factionem obnoxiam redderet. Essæis quoq;
iurandi gratiam fecit, quos ut supra humanam na-
turam sanctius quoddam uitæ genus colentes, et præ-
dicendorum futurorum scientia claros, suspiciebat.

Decimo octauo regni anno cupiens maiore
beneficio demereri subditos, & priorum suorum
excessuum memoriam abolere, ædificationem tem-
pli Hierosolymitani magnificentissimam aggressus
est, funditus sublato priore ædificio, quod post rea-
ditum ex Babylone extructum, iam annos 500 ste-
terat.

Hoc opus stupendum magnitudine, sumptu,
arte, octo annorum spacio absolutum, maxima festi-
uitate dedicatum est, in qua Herodes trecentos
boues mactandos præbuit, anno septimo, ante na-
tum Christum, cui postea etiam discipuli cum admi-
ratione ostenderunt magnificentiam structuræ
Matthei 24. Marci 13. Lucæ 21. & sicut ibi præ-
dixit Christus, cum stetisset hoc templum annos
octoginta fere, à Romanis solo æquatum est.

Absoluta

Absoluta templi structura, Romam profectus est, salutandi Augusti causa, unde abiens filios suos ex Marianne interfecta susceptos, Alexandrum & Aristobulum, quos studiorum causa ante decennium fere Romam missos, Augusto commendauerat, & in domo Asinij Pollionis aluerat, secum in Iudeam reduxit, ut eos ad spem successionis institueret.

Primum igitur eis Vxores dedit, Alexandro Glaphyram, filiam Archelai Cappadocum regis, Aristobulo Berenicen filiam sororis suæ Salomæ.

Hi iuuenes et ingenij & corporis dotibus præstantes, mox diligi á populo ceperunt. Sed Salome & alij, qui Mariannæ interficiendæ præcipui impulsores Herodi fuerant, uindictam metuentes, si hi iuuenes regnū essent adepti, clam sparsis rumoribus, quasi patris consuetudinem auersarentur, propter occisam ab eo matrem suam, Herodis animum paulatim incendere ira aduersus filios conati sunt.

Interim M. Agrippa gener Augusti in Asiam profectus nunciabatur, ad quem celeriter accurrens Herodes, persuadet, ut Iudeam uiseret, ubi cum eum honorificentissime excepisset Herodes, et munitiones ac

HERODES MAGNVS.

nes ac reliquas edificationes ei monstrasset, propere
rantem ad exercitum dimisit. Finita hyeme eundem
cum classe profectum in Pontum, Herodes subsequen-
tus, toto expeditionis tempore comitatus est.

Domum ex intervallo reuersus, inuenit inte-
stinis odijs omnia interim turbata. Nam Salome so-
ror & Pheroras frater statim accusant filios Mari-
annæ Alexandrum & Aristobulum, quod palam
conquererentur de indigna nece matris, minaren-
tur uindictam, et non occulte captatis uulgi studijs,
struerent insidias patri seni, freti opibus Archelai
soceri, et amicitijs Romanorum, quas iamdudum in
hoc ipsum cum potentissimis in domo Augusti iunx-
erint.

His sermonibus attonitus Herodes, quiduis
potuis ferre adfuetus, quam suspiciones adfectati re-
gni, quosdam ex amicis, filiorum conuiujs et collo-
quijs adhibuit, per quos certior fieret de sermoni-
bus et conatibus eorum.

Ibi cum iuuenes nihil mali uel conati uel suspi-
cati, quedam tantum dixissent liberius, idq; ab alijs
prouocati, qui de industria, ut eiusmodi dicta elice-
rent, predicabant Mariannæ matris nobilitatem et
uirtutem

uirtutem, statim Herodes ijs cognitis, uera esse omnia illa credidit, quæ Soror ad ipsum detulerat, ac primum acriter filios obiurgauit. Postea ut æmulatione eos ad reuerentiam patris & ad modestiam reuocaret, filium Antipatrum minus sibi carum antea, qui priuato adhuc ex Doride natus fuerat, complecti arctius et fouere palam ad spem successionis cepit.

Ea re magis indignati iuuenes, asperius quam ante, de patris iniquitate, et sua infœlicitate conuesti sunt, qui sermones cum omnes ad patrem per exploratores illos perferrentur, & Salome etiam filiam Berenicen incitatam contra maritum Aristobulum, crebris conuicijs coegisset enunciare secreta fratrum cum alijs colloquia, quæ ipsa postea atrocius aucta Regi indicabat, ita tandem est irritatus Herodes, ut attractos secum Romam filios ambos coram Augusto insidiarum accusaret.

Hic cū miserrimi filij purgatione, precibus, lachrimis Augusto & alijs iudicibus satisfecissent, sunt patri reconciliati, et in Iudeam reducti. Vbi Rex conuocata concione causam sui itineris et successū exposuit, et addidit, uoluntate Augusti post suam mortem successurum Antipatrum, ut natu maximum, deinde

HERODES MAGNVS.

regnaturos Alexandrum & Aristobulum, quos com-
piosa oratione populo commendauit.

Ab eo tempore Antipater multo acrius fratres
insidiosis criminationibus, et ad id conductis pluri-
bus delatoribus, patri inuisos reddere studuit, post-
quam uidit eos in societatem regni adscitos esse, qui
gratia apud populum ob genus maternum longe
plus ualitura essent.

Nec quieuit, donec adiutoribus Pherora &
Salome, patri persuasit, filios etiam post reconcilia-
tionem, consilium capere de inuadendo regno. In id
crimen dum inquit Herodes, plurimos ex amicis tam
suis quam filiorum, acerbitate questionum interi-
mit, nec tamen aliud quicquam mali comperit, nisi
liberiores quasdam improvidorum iuuenum quere-
las de se uicia immodica patris, de turpi eiusdem fa-
cilitate, praebentis aures quibuslibet delatoribus, de
impietate ac nefarijs fraudibus Antipatri fratris, &
coniunctae factionis, quibus malis ut se exoluerent
semel iuuenes, de fuga capeffenda consultasse dice-
bantur, nec id ipsi quoque negabant.

Sed impatiens eiusmodi suspicionum Herodes,
et illis

et illis domesticarum furiarum, Salomæ & similium uirulentis calumnijs exasperatus, Alexandrū & Aristobulum denuo per literas apud Augustum, postea eo faciente patri potestatem puniendi filios pro grauitate delicti, coram Saturnino & Volumnio Syriæ præsidibus, alijsq; Romanis ciuibus, et amicis ex Iudæa accitis, in oppido Syriæ Beryto accusauit, & condemnatos capitis plurium sententijs, in urbe Sebaste laqueo strangulari iussit, simul occisis ibidem trecentis uiris, qui conscij fuisse credebantur consilij de fuga filiorum.

Reliquit Aristobulus cum occideretur superstites ex Berenice tres filios & duas filias. Alexander uero ex Glaphyra duos filios & aliquot filias, de quibus suo loco dicemus.

Post id tempus infœlicissimus esse cepit Herodes, tota eius domo turbata acerrimis odijs, suspitionibus, insidijs, ita ut filius Antipater cum fratre Herodis Pherora et mulieribus aliquot in aula, conspiceret de interficiendo rege patre.

Cum autem Antipater arte perfecisset, ut ab Augusto Romam accerferetur, ut ibi se potentia Cæsaris

HERODES MAGNVS.

Jaris muniret, & amicos sibi in domo imperatoris muneribus pareret, accidit interim, ut Pheroras moreretur, cuius Vxorem quidam eius liberti accusarunt coram Herode, quod maritum ueneno sustulisset.

Herodes dum id facinus tormentis inquirat, paulatim alia longe maiora scelera, & manifestas insidias Antipatri filij comperit. Ibi exacerbatu rex grassatur fere per totam domum acerbissimis questionibus, non parcens etiam coniunctissimis uel matronis uel puellis, de quibus minima saltem erat suspicio, et quo diutius quærit, eo magis deprehendit se domesticis suis inuisum, et miserrimum esse.

Sola regis soror Salome fratri fidem præstitit, et machinationes coniuratorum per exploratores sagacissimos obseruatas, clam ad fratrem detulit, animum eius exasperatum tanta coniunctissimorum hominum perfidia, confictis suspicionibus etiam magis exulcerans.

Quare Herodes Antipatrum, quem constabat uenenum paratū habuisse ad necandum patrem, coram Quintilio Varo, quem post duodecim annos
Harminius

Herminius Cheruscus in Germania cum tribus legionibus occidit, accusatum, conuincit parricidij crimine, et condemnatum in uinculis teneri iubet, donec de eo puniendo Caesaris Augusti sententiam per legatos et literas exploraret.

Interim plurimos utriusque sexus in tota aula et alibi, conscios Antipatri conatuum, ad supplicium rapit, cum quibus etiam multos innocentes, ab iniudis delatos, ille furor Regis tanquam aestus maris simul absorpsit.

Paulo post iam ferme septuagenarius, tot domesticis calamitatibus quassatus, in grauissimum morbum incidit, quo ipso seuior est factus in subditos quoque, eo quod credebat ludcos delectari cum ob intestinam familiae miseriam, tum ob presentem morbum.

Quare crudelius etiam paruis delictis penas statuere cepit, Et quadraginta scholasticos iuuenes ex clarissimis Iudeorum familijs ortos, cum praceptoribus duobus, praestantibus uiris, uiuos concremauit, eo quod iusto dolore ob prophanatum templum periciti, auream aquilam supra fores templi in honorem Caesaris magnifice quidem, sed contra ritus

HERODES MAGNVS.

ritus gentis Iudaicae extructam, facto impetu deiecerant. Horum iuuenum tam atrox poena post mortem Herodis magnum in urbe motum excitauit.

Fecit et alia multa crudeliter, de quibus haec quoque recenset Philo Iudaeus, quod tricesimo anno sui tyrannici regni, hoc est, penultimo, Sanhedrin, hoc est, ordinarios iudices ex domo Dauidis occiderit, et alios ex profelytis in lege peritos ipsis substituerit. Et Salomae maritum de tribu Iuda, et filium, quem ipsi coniunx ex eadem tribu pepererat, interfecerit, eo quod diceretur Christus iam natus esse, in lege ac prophetis promissus ex domo Dauid.

Extat autem et in Euangelista Mattheo insigne crudelitatis eius exemplum, ubi narratur, quomodo ex Magorum indicio certior factus, Messiam natum esse, infantes omnes masculos in oppidulo Bethlehem, & in uicino agro trucidari iusserit. Eius facti testis est Macrobius, qui inter iocos Augusti etiam hunc commemorans inquit: Cum audisset inter pueros, quos in Syria Herodes rex Iudeorum intrabimatum iussit interfici, filium quoque eius occisum, ait: Melius est Herodis porcum esse, quam filium.

Quin

Quin etiam cum putrescentibus intestinis, & carne uermibus per totum corpus scatente, spem longioris uitæ abiecisset, edicto optimates Iudeorum, sapientia, opibus, et autoritate præstantes, ex toto regno, Hiericuntem, ubi postremo decumbebat, conuocauit, quos obsecutos regio mandato, concludi in Hippodromo iussit, tanquam cum ijs aliquid de regni constitutione ante mortem acturus.

Sed sorori Salomæ, eiusq; marito Alexæ mandata dedit, ut ubi primum ipse expirasset, immissa prætoria cohorte, omnes istos potentes Iudeos interfici curarent, hoc querens, ut et populo luctus causa præberetur, letaturo alioqui de regis inuisi miserrabili interitu, et filij possessionem regni sine impedimentis tenerent, potentissimis in populo sublati. Hoc etsi tum quidem Salome & maritus regi furenti se facturos promiserunt, tamen eo defuncto, ante quam mors eius uulgo innotesceret, omnes illos Iudeos incolumes dimiserunt, nec sibi nec liberis Herodis tutum fore rati, huic immani eius edicto obtemperare.

Paulo ante mortem reuersi ex Italia legati, litteras ab Augusto attulerunt, quibus fiebat Herodiæ potestas

HERODES MAGNVS.

potestas in filium Antipatrum uitæ & necis. Sed mitigata iam ira patris aliquantum fuerat, Ideoq; filium Hiericum adduci mandauerat, nondum tamen uinculis solutum.

Accidit autem, ut pertæsus uitæ Herodes in tantis cruciatibus, & putrefactione carnis, arrepto cultro locum in pectore quæreret, quâ adactum ferrum letale uulnus faceret. Sed cum accurrente Achiabo uno ex propinquis, et alijs ministris, prohibitus esset, ne sibi manus adferret, ac trepidatio et clamor per totam Regiam exortus esset, tanquam mortuo Rege, Antipater in carcere cognita causâ cursationis, ut extincto patre exultans, magnis promissis custodes carceris flectere conatur, ut ipsum uinculis eximant.

Sed eorum præfectus, regis sæuiciam metuens, cum iuisset exploraturus certo regis obitum, leticiam filij, & sollicitationem patri indicat. Eo nuncio uehementissime commotus Herodes, è uestigio in carcere occidi iubet Antipatrum.

Et cum quinq; dierum spacio superstes filio Antipatro fuisset, uiolentia morbi, aucti doloribus animi, ipse

mi, ipse quoq; extinguitur, cum post occupatam Hierosolymorum urbem regnasset annos 34. Post nomen Regium à Romanis acceptum 37. Vir crudelis in omnes æqualiter, ex obscuro loco in summum honoris fastigium industria, largitionibus, amicitijs euectus, foris fœlix, domi calamitosissimus, tam populo quam domesticis ob seueritatem et impietatem inuisus.

Tria autem illi præcipua certamina toto gubernationis tempore fuerunt:

Primum cum familia Asmoneorum, quam extirpare radicitus conatus est.

Alterum cum populo Iudaico, quem impatientissimum alienæ dominationis, et sæpe recalcitrantem, tandem duro seruitutis iugo implicuit.

Postremum & longe difficilius ac tristius, cum domesticis suis, quos partim innocentes occidit, falsis inuidorū delationibus auscultans, ac suis suspitionibus et cupiditati regnandi indulgens, partim reuera insidias struentes in ipso facto deprehensos supplicio affecit, donec ipse quoq; ad extremum illis domesticis ærumnis magis quam ætate confectus occubuit.

Philo

HERODES MAGNVS.

Philo scribit cum sex annis legitimo, & 31 annis tyrannico imperio regnasse.

Anno regni illius tricesimo tertio, ut aliquoties dicit Epiphanius, sub primam descriptionem oribus, natus est in Bethlchem ex Maria uirgine IESVS CHRISTVS redemptor noster, qui agens iam secundum ætatis annum, monente angelo, à parentibus in Aegyptum fugientibus, crudelitati huius grasfatoris immanis ereptus, et inchoato principatu Archelai, in Iudeam reductus est.

Testamentum suum Herodes ter mutauit.

I.

Primum conscripsit post interfectos filios suos ex Mariannæ Asmonæ, quod per Antipatrum filium Romam euntem ad Augustum misit, in quo regni heredem fecit ANTIPATRVM primogenitum ex Doride, ita tamen, ut si is ante tempus moreretur, succederet HERODES filius ex Simonis summi sacerdotis filia, cui propterea in matrimonium dederat, ut Iesephus uult, Herodiadem filiam Aristobuli filij Mariannæ Asmonæ.

Post mortem Pheroræ fratris cum insidiæ Antipatri

tipatri essent reiecta, et Rex comperisset, matrem Herodis destinati successoris, filiam pontificis, con-
sciam fuisse nefarii consilij Antipatri, nomen filij Herodis, sicut et Antipatri, ex testamento deleuit, & utriq; spem regni ademit, matresq; amborum Doridem & Mariannen, spoliatas omnibus orna-
mentis, ex Regia domo expulit, ac soccro Simoni summum sacerdotium ademit.

II.

Quare mutauit testamentum, et minimum fili-
orum, Herodem ANTIPAM regia dignitate post mortem suam donauit, natum ex Marthaca Sa-
maritica. Præterijt autem natu maiores Archelaum & Philippum ideo, quod eos Romæ in studio lite-
rarum uersantes, quidam amici Herodis, instinctu Antipatri, falso apud patrem per literas accusaue-
rant.

Eodem testamento Cæsari Augusto mille ta-
lenta, hoc est, sex Tonnas auri legauit, et Liuiæ con-
iugi, filijs, amicis, ac libertis Augusti, quingenta ta-
lenta.

HERODES MAGNVS.

III.

Postremo cum iussisset paucis diebus ante mortem interfici Antipatrum ob impios conatus contra fratres & patrem, placatus iam à duobus filiis natu maioribus, tertio mutauit testamentum, quo ARCHELAO regnum Iudeæ tradidit, quatenus id Augustus ratum habiturus esset.

ANTIPAM pro Rege Tetrarcham fecit Galilee & Perææ, hoc est, regionis trans Iordanem sitæ.

PHILIPPVM similiter Tetrarcham constituit super Gaulonitidem, Trachonitidem, Bataneam, et Paneadem.

SALOMAE, sorori, quam unam ex omnibus propinquis in aduersis rebus fidissimam adiutricem expertus fuerat, tres splendidas urbes legauit, Iamniam, Azotum, & Phaselidem, additis 50 millibus coronatorum.

Ceteris suis liberis & nepotibus, quos priuatam uitam colere uoluit, lauta patrimonia constituit, & legata Augusto & alijs Romam mittenda auxit. Sed Augustus pecuniam omnem sibi legatam cognatis Herodis postea distribuit, pauca quedam uasa memoriæ causa retinuit.

DE libea

DE LIBERIS HERODIS MAGNI.

Quæ fuerit liberorum Herodis series, ac propagatio, uidetur necessario hic exponendum esse, cum ea res etiam Euangelicæ historiæ lucis aliquid adferre possit, etsi ab ea descriptio Iosephi nonnihil dissentit, maxime de HERODIADE, quam aliquoties Iosephus dicit, prius nuptam fuisse non Philippo Tetrarchæ, ut Marcus habet Capite. 6. sed Herodî nato ex Simonis Pontificis filia, postea ab eo abductam cohabitasse cum Herode Antipa Tetrarcha Galilææ, qui Iohannem Baptistam interfecit. Filiam autem Herodiadis Salomen, saltatricem illam iunctam fuisse aliquandiu Philippo.

Sed apud nos plus ualere autoritas Euangelistarum debet, quam Iosephi, qui in hac ipsa Herodis genealogia alicubi pugnantia dicit, quod mirum non est in tanta amplitudine familiæ.

HERODES Rex, more Regum Iudaicorum ueterum, plures uxores simul habuit, decem autem in uniuersum, ex quibus duæ steriles fuerunt.

LIBERI HERODIS.

Prima fuit DORIS.

Eam duxit ex non magna familia adhuc pri-
matus, uiuente patre, ex qua suscepit ANTIPA-
TRVM, quem post superinductam Mariannen As-
moneam, repudiata matre Doride, abdicauit, nec
permisit in urbem Hierosolymam ascendere, nisi ad
trium festorum solennes celebritates.

Sed cum post supplicium Mariannæ, Doridem
recepisset in aulam & thalamum regium, filium
quoq; reuocauit, et successorem regni relinquere
constituerat, nisi is impijs suis machinationibus con-
tra fratres & patrem, sibi ipse dignum factis exiti-
um accersiuisset, et matrem quoq; denuo Herodi
inuisam reddidisset.

Antipater coniugem habuit filiam Antigoni
ultimi Regis ex Asmoneis, ex qua habuit filium AN-
TIPATRVM, cui nupta fuit filia Pheroræ pa-
trui magni. Duxit postea et fratris
interfecti Aristobuli filiam
Mariannen.

Ex II. coniuge

MARIANNE Asmonca

Habuit plurimos hæredes, quorum
hæc est series.

MARIANNE HERODES

Glaphyra ALEX= ARISTO= Tcr= SALO= CY=
 filia Ar= ANDER BVLVS tius ME PRIS
 chelai re= interfe= à patre cito nupta despõ=
 gis Cap= etus à interfe= mor= Phase= sata
 padocum. patre. etus, ex tuus. lo filio fuit

Berenice Phaseli Anti=
 ALEX= TIGRA= suscep= fratris patro
 ANDER NES tos re= Hero= filio
 | factus liquit su= dis, de Salo=
 TIGRA= rex perstites cuius mæ so=
 NES mit= Arme= quinq; li= liberis roris
 titur à Ne= niæ, et beros quo= supra Regiæ,
 rone rex in Romæ rum hæc dictum de cu=
 Armeniam. accusa= sunt no= est. ius po=
 | tus, mo= mima. steritate

ALEXAN= ritur si= 78 supra.
 DER a Vef= ne liberis.
 pasiano con=
 stituitur Rex in Cilicia.

O ij

Aristobium

LIBERI HERODIS.



ARISTO=	coniunx BERE=
BVLVS à	NICE filia
patre Herode	Salomæ soror=
strangulatus.	ris Regiæ.

AGRIP	HERO	ARISTO	HERO	MARIAN=
PA pri=	DES	BVLVS	DIAS	NE despon=
or, Rex III. rex	cui fuit	desertrix	sata primu	
Iudeæ. Chal=	nupta	mariti,	Antipatro si	
cidis.	IOTAPA	ei fuit	lio Antipa=	
	regis Eme	filia	tri, Sed po=	
	forum filia,		stea cam du=	
	ex qua ha=	SALO=	xit pater	
	buit filiam	ME,	Antipater	
	IOTA=	quæ præ=	filius Hero=	
	PAM	mium bel	dis Magni.	
	surdasrã.	le saltati=		
		uncule pe=		
		tijt & ac=		
		cepit caput		
		IOHANNIS		
		Baptistæ.		

Tertia

Tertia coniunx Herodis MARIANNE
 Simonis pontificis filia, ex qua
 fuit.

HERODES II. coniunx	HERODIAS
habuit	neptis Hero-
filiam.	dis magni ex
	Aristobulo in-
	terfecto à pa-
	tre.

SALOMEN	
nuptam ali-	
quandiu PHI-	
LIPPO Tetrarchæ patruo, deinde ARI-	
STOBYLO filio Herodis Chalcidensis	
regis.	

Hanc Mariannen pauperis Sacerdotis filiam, cum
 propter excellentem formam amaret Herodes Rex,
 nec tamen honeste ea potiri aliter nisi per legitimū
 matrimonium posset, patrem SIMONEM Boethi fi-
 lium, summum Sacerdotem creat, remoto IESU
 successore Ananli.

Ex ea genuit HERODEM II. quem in primo
 testamento, proximum regni heredem post Antipa-
 trum primogenitum instituit, sed postea propter
 matris delictum, ut supra dixi, iratus, mutato testa-
 mento, spe successionis omni eundem priuauit.

LIBERI HERODIS.

Huic HERODI II. qui postea semper prius
 tus uixit, scribit Iosephus nuptam fuisse Herodiadem
 Aristobuli a patre interfecti filiam, quam postea
 frater Herodes ANTIPA contra ius fasq; abduxerit.
 Sed ut dixi, cum Euangelista Marco pugnat hæc
 Iosephi genealogia, cuius talis est series :

HERODES II. coniunx		HERODIAS	<div> <div>HE=</div> <div>RO=</div> <div>DI</div> <div>AN=</div> <div>TI=</div> <div>PAE,</div> </div>
ex Pontifi =		abducta co =	
cis filia, pri =		habitat ma =	
uatus.		riti fratri.	
PHILIPPO —	SALOME —	ARISTO =	<div> <div>PAE,</div> <div>Tetrar</div> <div>che Gd</div> <div>lilce.</div> </div>
Tetrarchæ,	filia, duo =	BVLO	
qui sine li =	bus dein =	Herodis	
beris mori =	ceps nup =	Chalciden =	
tur.	ta, ex po =	sis filio, præ =	
	steriore =	fecto Arme =	
	peperit.	nie minoris,	
HERO =	AGRIP =	ARISTO =	
DEM.	PAM.	BVLVM,	

De quibus nihil inuenio.

Quarta

Quarta Herodis coniunx MARTHACA
uel Malthaca Samaritana.

Ex ea nati sunt HERODI regi

ARCHELAVS	HERO =	OLYMPIAS
qui successor in	DES III.	nupta Iosip =
postremo pa =	qui et AN =	po filio Io =
tris testamento	TIPAS, Te	sippi fratris
constitutus, ab	trarcha Ga	Herodis re =
Augusto fit	lileæ & Pe	gis, cuius
ETHNARCHA	reæ, rap =	hec est po =
	tor Hero =	steritas.
	diadis, et in	
	terfector	MARIAN =
Iohannis	NE nupta — HERO	
Baptistæ,	peperit fi = DI III.	
uulpes à	lium. Chalciden	
Christo		si regi.
appella =		
tus.	ARISTOBVLVM,	
	qui à Nerone Armeniæ	
	minori præfectus, habuit coniu =	
	gem SALOMEN filiam Herodi =	
	adis, ut paulo superius dictū est,	

Quinta Herodis coniunx

CLEOPATRA

Hierosolymitana.

Huius filij sunt.

PHILIPPVS

a patre in postremo
testamento factus
Tetrarcha Trachoni-
tidis.

HERODES

de quo nihil
legitur.

Sed cum hunc Philippum Iosephus li. 17. ca. 10
dicat esse fratrem *ἡρώδου* Archelai, hoc est ab
utroq; parente, suspicor eum antea in enumeratione
filiorum Herodis Cap: 2. eiusdem libri, memoria
lapsum esse, et ex eadem matre Marthaca natos fu-
isse Archelaum, Philippum, & Olympiadem, et ex
hac Cleopatra solum Herodem, qui et Antipas di-
ctus fuit. Vnde existimo esse, quod Iosephus huic
Cleopatrae duos filios attribuit, Philippum et Hero-
dem, cuius tamen nullam in historia mentiōem facit.

Credo igitur pro Philippo Antipam collocari sub
Cleopatra debere, qui cum etiam Herodes dicere-
tur, ab imperito aliquo duo filij ascripti sunt Cleo-
patrae, ut si dicam, Iulium & Caesarem duos consi-
les fuisse.

les fuisse. Hanc coniecturam confirmare uidetur, quod Archelaus profecturus Romam post mortem patris, Philippo, ut coniunctiori fratri, regni ac rerum suarum omnium curam commisit, non Antipæ, quem antecferre Philippo debuisset, si is germanus ex eadem matre frater fuisset.

Sed clarius hoc ostenditur ex eo, quod aperte dicit Iosephus ca: 12. & 13. li: 17. Archelaum eundem Romam, duxisse secum suam matrem Martham, quæ ibi quoque mortua est, ante finitam contro- uersiam de successione, Et paulo post subsecutum Antipam, suam quoque secum habuisse matrem. Necessè est igitur, diuersas ijs matres fuisse. Quare miror, cur Iosephus, quod in antiquitatibus perperam dixit, in historia belli Iudaici repetat, uidelicet ex eadem matre prognatos esse Archelaum & Antipam.

Sexta Herodis coniunx

PALLAS

Habuit filium PHASELVM, de quo nihil scribit Iosephus.

Septima

Septima
PHAEDRA
Que Herodi iam seni peperit filiam
RHOXANEN.

Octava
ELPIS,
Ex qua Herodi nata est filia
SALOME.

Has duas filias Rhoxanen & Salomen puellulas adhuc, cum pater moreretur, Augustus postea duobus Pheroræ filijs iunxit matrimonio, quibus de suo dotem addidit supra legatum patrimonium uicenas quinas Myriades argenti signati, quæ summa, si drachmas Iosephus intelligit, ut existimo, facit uicena quina millia coronatorum.

Nona Herodis coniunx, fratris filia, quæ nomine caret apud Iosephum.

Decima fuit Patruelis soror Herodis,
similiter ignota.

Ex his duabus nullam suscepit Herodes prolem.

Hec

Hec tam numerosa soboles Herodis, intra septuaginta annos ferme uniuersa extincta est, cuius bona pars in priuata uita permansit, Hi pauci in rerum gubernatione et possessione aliqua paternæ dignitatis constiterunt, tres filij Herodis: Archelaus Ethnarcha, Philippus & Antipas Tetrarchæ. duo nepotes: Agrippa prior, rex Iudææ, & Herodes III. rex Chalcidis, cui successit pronepos Herodis, Agrippa posterior, quo regnante, bellum Iudaicum gestum, et Hierosolyma euersa est. De his ordine breuiter dicam.

ARCHELAUS.

Vltimo testamento, ut dixi, successor regia potestate à patre constitutus, quatenus id Augusto probaretur, uix dum patris corpus sepelicerat, cum motu in urbe facto, sua se uicia populum a se abalienauit. Nam cum quidam cognati eorum iuuenum, quos supra dictum est ob deiectam auream aquilam uiuos combustos esse, in Pascatis festo circumeuntes lamentando et plangendo populum concitassent, ut poenam de quibusdam delatoribus sumi flagitaret, et sacerdotem summum ab Herode circa finem uitæ constitutum, remoueri ab officio contenderet, Archelaus immisso equitatu in multitudinem, foedam stragem edidit, tribus millibus partim confossis, partim obtritis.

Post

ARCHELAUS.

Post hunc tumultum ad tempus sedatum, regnum ac rerum omnium curam fratri Philippo committit. Ipse cum Marthaca matre & amicis Romam profiscitur, ut petat ab Augusto testamentum patris confirmari.

Subsecutus impulsu Salomæ amitæ Herodes Antipas Romam, cum Archelao de successionem coram Augusto contendit, fratris crudelitatem accusans, & Regnum sibi iure deberi potius quam Archelao ex eo probans, quod ipse hæres regni dignitatis solus scriptus sit in secundo testamento, cum pater Herodes adhuc animo & corpore ualuerit. Eam sani adhuc patris uoluntatem, plus ponderis habere debere, quam illam postremam sententiam iam morituri, cum nec mente nec corporis uiribus amplius sibi constiterit.

Aduenerunt aliquanto post eodem ex Iudea missi à populo 50. Legati, qui regiam dominationem deprecabantur, & petebant Iudeam in provincie formam redactam, à ducibus Romanis administrari, (id quod postea factum est, sed non cum magno Iudeorum commodo) aut si omnino Princeps ex Herodis posteritate habendus esset, palam profitebantur, se equiore animo Herodem Antipam Regem laturos

laturos esse, quam Archelaum, qui, qua clementia & moderatione posthac in gubernatione usus esset, euidentia documenta in primis statim diebus principatus dederit.

Interim dum controuersiam cognoscit, et cum amicis de ea consultat Augustus, ingentes motus Hierosolymis primum, per Sabinum Caesaris procuratorem, deinde in multis partibus Iudaeae extiterunt, cum aliquot obscurissimi homines, freti absentia Regis, collecta latronum manu, regiam sibi potestatem ac insignia uendicare ausi fuissent, quo tempore Iudaea multis locis misere uastata est incendijs & caedibus, donec uirtute Quintilij Vari dissipatis latronum exercitibus, & seditionum autoribus ad duodecim millia in crucem actis, periculum discessum est.

Hi tumultus per literas à Varo nuntiati Romanam, mouerunt Augustum, ut certamine de successione finito, filios Herodis quam primum in Iudaeam remitteret. Totum igitur Regnum Herodis in duas partes diuisit, quarum unam Archelao tradidit, cum ETHNARCHAE appellatione, quam dignitatem esse quidem maiorem Tetrarchia, sed inferioriorem tamen regia potestate uoluit. Promisit tamen Augustus, se Archelaum Regem quoque facturum.

ARCHELAUS.

rum, ubi ipsius in administratione industriam & moderationem cognouisset.

Alteram regni partem rursus in duas Tetrarchias diuisit, quas reliquis duobus fratribus commisit, Herodi Antipæ quidem Galileam & Perea, quarum regionum annui reditus erant 200 talenta, hoc est, centum & uiginti Millia coronatorum. Philippo uero Bataneam, Trachonitidem, Auranitidem & Chalcidem, quæ pendebant annua talenta centum, hoc est, 60 Millia coronatorum.

Ethnarchia autem Archelai, continens Idumæam, Iudeam & Samariam, percipiebat quotannis sexcenta talenta, hoc est, trecenta & sexaginta millia coronatorum.

Reuersus in Iudeam Archelaus, odio subditorum flagrans, quorum accusatione non solum regia potestate exutus erat, uerum etiam parum absuerat, quin omni gubernatione semel excuteretur, crudeliter imperare cepit, & leuibus de causis ad supplicia trahere eos, quos noui status cupidos fuisse animaduenerat.

Polluit se etiam nuptijs lege Dei prohibitis.

Nam

Nam cum Roma rediens transfret per Cappadociam ad uisendum Archelaum Regem, adfinitate iunctum, reperit ibi Glaphyram iterum Viduam, quæ prius habuerat maritum Alexandrum, qui cum fratre Aristobulo à patre Herode interfectus fuerat, Post eius mortem ab Herode socero cum dote remissa ad patrem, nupsit lubæ Numidarum Regi. Eo quoq; defuncto, redierat ad patrem. Amore igitur incensus Archelaus, repudiata, quam habebat, uxore Marianne, ducit fratris Alexandri coniugem Glaphyram, quæ mortua est paulo ante, quam Archelaus in exilium missus est, conterrita somnio, quousus est ipsi primus maritus impium connubium fratris exprobrare.

Deniq; cum multa crudeliter sine modo faceret Archelaus, ab optimatibus Iudeorum Romæ accusatus est, cum nouem annos Iudeæ principatum post mortem patris tenuisset. Quare ab Augusto accersitus ad causam dicendam, cum testium multitudine conuinceretur, Viennam in Galliam relegatus, in exilio mortuus est, nulla, quæ quidem nota sit, sobole relicta.

Archelai bona Romani imperatoris Fisco illata sunt, & regiones illius Ethnarchiæ administratæ sunt.

ARCHELAUS.

Sunt aliquandiu per Romanos praesides, Coponium
Marcum, & Annium Rufum, qui singuli binos an-
nos Iudeam administrarunt usq; ad mortem Augu-
sti, cuius successor Tiberius misit in Iudeam Valeri-
um Gratum, & post undecim annos Pontium Pila-
tum, qui & alia multa crudeliter fecit in Iudea, &
IESVM CHRISTVM saluatorem nostrum ad cru-
cis supplicium condemnauit, anno suae gubernatio-
nis septimo, Tiberij imperatoris decimo octauo.

PHILIPPVS HERODIS magni filius.

Ab Herode patre in ultimo testamento scribitur
Tetrarcha Trachonitidis, & uicinarum Regionum
ultra Iordanem, a mari Tiberiadis seu Genesareth,
usq; ad fontes Iordanis & radices Libani montis.
Hanc suam Tetrarchiam summa cum laude iusticiae
& moderationis tranquillissime rexit annis 37. &
aedificijs exornauit. Nam ad fontes Iordanis in Pa-
neade, ubi pater Herodes olim extructum templum
Augusto dedicauerat, urbem condidit, quam Cesa-
ream Philippi nominauit, & ad lacum Genesareth
oppidulum Bethsaida maximis sumptibus ampliatis
et exornatum, a coniuge Augusti Iuliadem appellauit.

Hinc

Huic Philippo scribit Iosephus matrimonio iunctam fuisse Salomen Herodiadis filiam, ubi Euangelista Marcus habet Herodiadem matrem Philippo nuptam fuisse, & deinde abductam cum fratre cohabitasse.

Mortuus est sine liberis, anno uicesimo Tiberij imperatoris, hoc est, biennio post crucifixum & resuscitatum Christum, & sparsum ex Iudea in uicinas gentes Euangelium per Apostolos. Tetrarchia eius Syriæ prouinciæ adiecta est à Tiberio.

HERODES ANTIPA.

In secundo testamento successor patris substituitur. Sed mutato testamento Tetrarcha factus Samariam accipit & Peræam, quæ est regiuncula fertilissima trans Iordanem inter duos lacus, Tiberiadis & Asphaltiten.

Sed non contentus hoc munere patris, fiducia prioris testamenti, cum fratre Archelao Romæ coram Augusto de regni possessione contendere ausus, aliud nihil impetrauit, quam suam sibi à patre legatam Tetrarchiam confirmari.

HERODES ANTIPA.

Coniugem habuit primum Aretæ Regis Arabiæ filiam annos amplius quindecim, Sed postea euocatus Romam, cum in transitu ad fratrem diuertisset Philippum Tetrarcham, uel ut scribit Iosephus, ad Herodem II. natum ex filia Pontificis, captus amore Herodiadis filię fratris sui Aristobuli, cum illa nuptias paciscitur, promittens se repudiaturum Arabicam mulierem.

Reuersus igitur ex Italia, Herodiadem cum filia Salome à fratre abducit, qua iniuria offensa Aretæ filia, clam ad patrem in Arabiam aufugit, unde postea luctuosum bellum exortum est. Nam Aretas iniustum diuortium filię uindicaturus, maximum exercitum contra Herodem misit, à quo, commissos prælio, Herodis copię ingentes cæse sunt.

Hic Herodes Antipa etiam Iohannem Baptistam in uinculis aliquandiu habuit, in oppido munitissimo Macherunte, sito in finibus Perææ & Arabiæ, iuxta Asphaltiten lacum, eo quod nefarium hoc connubiū cum fratris coniuge, palam reprehenderat Iohannes. Tandem adultera Herodias arte perfecit, ut sanctissimus uir capite truncaretur.

Idem

Idem Herodes insidijs opprimere uoluit Christiū quoq; in Galilea docentem, & postea missum captum à Pilato, cū contumelia à se dimisit, cum nolūisset Christus ipso petente & expectante signum aliquod edere.

Exornauit & ipse Tetrarchiam suam ædificijs. Nam Galilee urbem Sephorim magnis impensis muniam appellauit Autocratoridem. Aliam Bethanrante instauratam in honorem Iulie coniugis Augusti Iuliada uocauit.

Post mortem Augusti, cum esset Tiberio amicissimus, in eius gratiam nouam urbem condidit iuxta lacum Gensareth, quam Tiberiadem appellari mandauit.

Sed cum ille locus esset cadauerum ibi sepultorum accruis inquinatus, ita ut Iudeis per legem Moysi non liceret inhabitare, magnis commodis & immunitatibus promissis, illexit aliquos, ut ibi ædificarent, plurimis tenuioribus ipse domos extruxit, quosdam potentes ui coegit aliunde translatis suis familijs in nouam urbem commigrare.

HERODES ANTIPA.

Postea anno secundo imperij Caij Caligulae, cum Agrippa Herodiadis frater, præter omnium spem ex Roma in Iudeam, regia dignitate ornatus, esset reuersus, Herodes coniugis assiduus conuicijs urgetur, ut Romam profectus, ipse quoq; regia insignia ab imperatore peteret. Neq; enim ferendum esse dicebat mulier ambitione ardens, ut Agrippa frater, paulo ante egentissimus, tantoq; ere alieno oppressus, ut parum abfuerit, quin à creditoribus neceretur, nunc regio diademate conspicuus, potentia & dignitate superaret patrum & quasi nutritium suum, Antipam, qui à patre Herode in secundo testamento fuerit dignus regno iudicatus.

His stimulis superbae mulieris incitatus Antipa, Romam cū Herodiade contendit, et à Caio imperatore Regium nomen & dignitatem flagitat, multis atrocibus accusationibus Agrippam inuisum imperatori reddere studens.

Sed Agrippa consilio & profectioe patrui intellecta, eum anteuertit missis per libertum suum literis, quibus docuit Caium, quod & antea Herodes Antipa fuerit conscius conspirationis Sciani contra Tiberium, & nunc occulte nouas res molitur.

atur, inito fœdere cum Rege Parthorum, contra Caïum, eiusq; rei signum esse, comportationem as-
siduam omnis generis armorum, quorum tantam
uim iam conuectam possideat Antipa, ut septuaginta
millium exercitum armare repente possit.

Hoc amici indicio commotus Caligula, cum in-
terrogasset Herodem, nunquid armorum in Te-
trarchia sua in parato haberet, & is se instructum
regio apparatu dixisset, mox ad exilium perpetuum
deportari Lugdunum in Galliam Herodem iussit, &
bona illius uniuersa una cum Tetrarchia Galileæ &
Perææ per literas donauit Agrippæ Regi, exceptis
ijs, quæ Herodiadis sororis essent propria, quæ iu-
bebat innocenti mulieri, ut putabat, seruari integra,
si uellet in Iudeam reuerti. Sed Herodias Caio pro
liberalitate gratias egit, uerum se illa in præsentia
uti non posse professa est, quod nefas existimaret,
maritum in hac calamitate deferere, cuius fortune,
dum floruiſſet, ipsa semper fuisset socia ac particeps.

Hæc cum mulier ingeniosa dixisset eo consilio,
quod sperauerat Imperatorem hoc modo flecti pos-
se, ut sententiam de atroci supplicio Herodis mu-
taret, nec ipsam quoq; innocentem eodem poenæ

HERODES ANTIPA.

genere condemnaret, Caius magis offensus ea magnitudine animi, Herodiadem quoq; spoliatam omnibus fortunis cum marito in exilium ire iussit.

Hoc triste malum sibi ipse accersuit Herodes, dum obsequitur inutilissimis suasionibus ambitiosae mulieris, qui summa cum tranquillitate diutius suam Tetrarchiam tenere potuisset, si sorte sua contentus uiuere uoluisset.

Sed hanc poenam ambo meruerunt eo, quod incestis nuptijs commixti, deq; illius peccati magnitudine admoniti, innocentissimum uirum Iohannem Baptistam iniquo praetextu religionis iurisiurandi interfecerunt.

Secuta est igitur haec calamitas decennio fere post obtruncatum Iohannem, anno octauo post, quam IESVM Christum uinctum ad se missum, per ludibrium ueste splendida donatum, ut hominem sanctum, rursus a se abegit Herodes.

De eius posteritate nihil extat. Sed principatus Iudaeae a filijs Herodis magni ad nepotes eius ex alio filio Aristobulo & Marianne Asmonea, Agrippam uidelicet, & Herodem transijt, quorum maiores & sobolem hic adscripsi :

MARIAN=

MARIANNE—HERODES—soror SALO=

Asmonca

Magnus

ME

ARISTOBVLVS | coniunx BERE=

a patre occisus.

NICE.

Cypris—AGRIP= HERO= ARI= HERO= MA=

filia Salo PA pri= DES III STO= DIAS RI=

ma, foro or, Rex Rex Chal BV= AN=

ris Ari= Iudea to cidis. LVS. NE,

stobuli. tius.

AGRIP= DRV= BERE= MARI= DRV SILLA

PA poste= SVS NICE ANNE formosissima

rior, Rex mori= nupta Arche= puellula ad=

Chalcidis. tur a= patruo lao Hel= huc sex an=

dole= HERO cia iun= noru a patre

scens. DI, Chal eta, pepe desponsata

cidis Re rit BE= fuit Epipha=

gi. Eo RENI= ni, Antiochi

mortuo CEN, Regis Coma=

nupsit Ab eo di geni filio. Sed

Polemo= gressa cum is recu=

ni Cilicie nupsit saret circum=

Regi. Deme= cidi, frater

trio A= Agrippa elo=

Iexandrino, ex quo susce= cauit eam A=

pit AGRIPPINVM.

ziazio Emeso=

rum

AGRIPPA PRIOR

rum Rēgi. Postea Felix, Pallantis frater, praeses Iudeae, uarijs promissis eam a marito abductam uxorem accepit, ex qua natus est ei filius AGRIPPA, qui cum uxore perijt in Vesunij montis incendio, quod sub Tito imperatore horribiliter in Campania grassatum est. Drusillae huius, nuptae Felici, sit mentio a Luca Actorum 24. Cap.

AGRIPPA PRIOR, qui et HERODES dictus est. Actorum 12. cap:
Rex Iudae.

Paulo ante mortem aui Herodis magni, puer octo annorum Romam missus, cum Druso Tiberij filio educatus est, et carissimus fuit Antoniae matris Germanici et Claudij imperatoris, propter Berenice matrem, quam sororis loco dilexit Antonia.

Iam adultus, cum Drusus mortuus esset, paterque Tiberius omnes filij amicos domo sua exigeret, ne conspectu illorum dolor de filij morte recrudesceret, Agrippa in Iudeam redijt, cum Romae largitionibus non modo res suas profudisset, sed etiam aes alienum grande contraxisset.

Quare egens ac desertus a proximis, cum ali-
quandiu

quandiu cum uxore Cypride oberrasset, tandem pudore inopiæ mortem sibi adferre decreuit. Sed coniunx Cypris supplex facta Herodiadi sorori Agrippæ, impetrauit, ut Herodes Antipa Tetrarcha, in noua urbe Tiberiade, Agrippæ domum construeret, & aliquos redditus annuos donaret.

Non diu fuerat usus hoc sui affinis beneficio Agrippa, cum Herodes inter pocula nescio quo dicto, liberiore offensus, Agrippæ mendicitatem obijcit, & suam liberalitatem exprobrat.

Quare indignatus Agrippa, reiecto munere Herodis, per libertum quendam suum aliquid nummorum graui fœnore nactus, denuo Romam ire, ibiq; fortunam suam experiri statuit. Cumq; Tiberium in insula Capreis salutasset, & aliquot dies amanter fuisset habitus, uenerunt literæ ex Iudea à quodam Cæsaris procuratore, quæ significabant Agrippam Fisco imperatoris debere 30. millia coronatorum, ac solutionis diem iam aliquoties arte elusisse.

Ibi iratus Tiberius interdicit Agrippæ usum consuetudinis suæ, donec creditum soluat. Aegre igitur per Antoniam pecunia illa confecta et soluta, Tiberius placatus est, adeo, ut nepoti suo Tiberio Gemello Agrippam custodem adiungeret.

Sed

AGRIPPA PRIOR.

Sed paulo ante mortem Tiberij, rursus eius gratia excidit Agrippa. Nam quodam tempore cū Caio nepote Tiberij adoptiuo cænans, inter ceteros sermones cōiuales optauit quamprimum mori senem Tiberium, ut ad imperium euehi Caius mature posset. Hoc uotum cum Tiberio indicatum esset, Agrippa in carcerem iussu Tiberij abreptus, integrum semestre custoditus fuit, donec mortuo Tiberio, Caius militum ope, & patris Germanici gratia imperium adeptus, uinculis eum exemit, & interiectis paucis diebus, regio diademate ornatum, præfecit illis regionibus, quas prius Philippus Terrarcha & Lysanias possederant, & donum addidit auream catenam, æquantem pondus ferreæ illius, quæ in carcere constrictus fuerat.

Annum unum cum Caio Romæ commoratus Agrippa, ueniam impetrat in Iudeam redeundi. Qui igitur antea ob summam egestatem & æs alienum non modo contemnebatur, uerum etiam nusquam tuto per creditorum flagitationes consistere poterat, iam regio habitu, comitatu, & opibus insignis, omnibus admirationi, aliquibus etiam terrore fuit, qui illum priuatum & egentem aut non uenerant, aut etiam contumeliose repulerant.

Paulo

Paulo post dono accepit à Caio Caligula Galileam quoq; & Peræam, cum omnibus opibus æmuli sui Herodis Antipæ, & Herodiadis sororis, ut dictum est.

Quare rebus in regno constitutis, cum ingentibus muneribus Romam repetit, ut uicissim aliquibus se officijs pro tanta Caij munificentia gratum præstet.

Accidit autem illo tempore, quo Romæ fuit Agrippa, ut orta contentione inter ciues Alexandrinos & Iudeos in eadem urbe habitantes, Legati utrinq; mitterentur ad Casarem, inter quos etiam Philo Iudeus fuit, cuius testimonio in hac historia aliquoties usi sumus. Vbi cum Iudei ab Apione quodam Græco atrociter essent accusati, cum de alijs delictis, tum in primis de pertinaci contemptu imperatoris maiestatis, quod in tota illa urbis parte, quam Iudei incclerent, nullas statuas aut imagines Caij Cesaris tolerarent, sed ab alijs positas cum summa contumelia mox reuellerent: quasi furore correptus Caligula, Iudeorum legatos duriter à se repulit, & Petronio, quem sub initium imperij sui in Iudeam præsidem miserat, per literas mandauit, ut primo quoq; tempore statuam imperatoris, uel cum gratia Iudeorum, uel ui armorum in templo Hierosolymis

AGRIPPA PRIOR.

solymitano, & in loco illius sacratissimo poneret.

Huic mandato ut obtemperaret Petronius, cum suspicaretur rem difficilem fore, legiones & auxilia undiq; quam instructissima conuocat, et cum ualidissimo exercitu ex Syria Ptolemaidem usq; ascendit, unde per Legatos & literas Iudeis causam infesti aduentus sui, & mandatum Cæsaris exponit, & petit, ut sibi cum uoluntate populi, imperata facere liceat, potius quam uim experiri.

Hoc nuncio consternati Iudei, maxima frequentia ex urbibus & agris inermes accurrunt Ptolemaidem, & impij mandati executionem deprecantur, ostenduntq; se paratos extrema omnia ferre potius, quam permissuros, ut templum Dei, statua hominis imposita, polluatur.

Petronius contra monet, ne sua pertinacia causam cedibus et uastationi totius regionis præberent, Cæsaris scruera itissa allegat, eiusq; in se merita commemorat, & implacabilem iram in parua obsequentes, exemplis aliquot atrocissimorum suppliciorum exponit. Se quidem cupere tantæ multitudini parcere, sed in præsentia rationem nullam esse, quin cogatur

cogatur uoluntati imperatoris satisfacere, cuius iussa nemo sine suo horrendo exitio neglexerit.

Quare se quoque potius capitis discrimen praeliando cum tota gente, aditurum, quam mandata sui imperatoris contempsisse uideri.

Tum multitudo instare, & orare, daret ueniam religioni ipsorum, & iustae constantiae, si Deum conditorem caeli & terrae, plus timentes, & illius horrendam iram ob uiolata ipsius praecepta aliquoties experti, nunc huic impiae postulationi imperatoris sese opponerent, cum ipse Petronius palam fateatur, se unum hominem, cuius tamen uita in incerto sit, tantopere metuere, ut sibi illius mandata non existimet tutum uiolare.

Hanc gentis obstinationem admiratus Petronius, & dimissa concione anxius animo, incertusque quid faceret, conuenitur ab Aristobulo Agrippae Regis fratre, & alijs Principibus Iudae, & priuatim monetur, ac rogatur, ne propter imperatoris nefarium mandatum, tantae multitudinis innocentis sanguine se contamine, & imperio Romano semper eternam inaudite crudelitatis notam inurat, delicta tota gente, ob negatum statuae locum in templo sacratissimo, quem honorem diuinum nemo sanus expectet.

AGRIPPA PRIOR.

expeteret, & multi oblatum ultro, sæpe detestati
sint. Scriberet igitur ad Imperatorem, & gentis
pertinax studium in defensione doctrinæ & cul-
tuum diuinitus traditorum aperiret, & quibus mo-
dis posset, animum Caij à crudeli sententia deduce-
ret. Quod si ferus imperatoris animus non flecte-
retur, tum demum, si liberet, armis rem tentari
posse.

Petronius ut propius res Iudeorum explora-
ret, & animos acrius pertentaret, Tiberiadem cum
exercitu proficiscitur, quo rursus multæ myriades
Iudeorum confluxerunt, enixe prophanationem
templi deprecantes. Ibi Petronius, ergo bellum ge-
retis, inquit, cum Cesare, neq; imperij Romani po-
tentiam metuentes, neq; cogitantes, quam uestre
uires non sint pares tantæ moli sustinende? Non
quidem armis, clamant Iudei, tantæ potentie res-
sistemus, sed omnes nos potius mactari sinemus,
quam cernere uelimus, contra legem Dei, statuam
Cesaris in sacratissima templi nostri parte collocari,
& cum hoc dicto sese humi prosternunt, ceruices
præbentes percussuris.

Petronius postquam uidit Iudeos animis adeo
obfirmatis & inuictis, citius uitam amissuros, quam
templi

templi uiolationem admissuros, & agriculturam totos quadraginta dies neglexisse, tempore maxime necessario, quo agri conscrendi erant, re cum amicis deliberata, scribendum ad Caium imperatorem censuit.

Conuocatam igitur undiq; ad urbem Tiberiadem Iudeorum multitudinem, terrorisq; causa armato milite & equitatu instructo ab omni parte cinctam, denuo de mandato seuerissimo Imperatoris Romani, de aliarum gentium in eadem causa obsequio, de suo & ipsorum periculo edocet, si imperata non fiant. Quare hortatur Iudeos, ut patiantur satisfieri imperatori iracundo, & seuo iudici neglectorum mandatorum.

Sed cum tota multitudo una uoce exclamaret, pluris se facere Dei mandata, quam hominis imperium, nec defugere mortem, ferirent modo Romani, & occisis omnibus Iudeis templo uacuo uterentur pro libidine.

Ibi demum commotus misericordia Petronius, facto rursus per preconem silentio, quandoquidem igitur, inquit, decretum uobis, est mortem oppetere potius, quam Dei uestri legem uiolare, non ego is esse uolo, qui templum uestrum, pro quo tantopere laborare

AGRIPPA PRIOR.

laborare uos uideo, impia obedientia polluam, aut imperatori meo tam crudelis facinoris administer sim, sed me potius uestri periculi ultro participem faciam, quam tantæ multitudinis innocenti sanguine meam incolumitatem redimam.

Quare fruimini ista pietate uestra, & ad agrorum culturam diu intermissam reuertimini. Ego quod potero, conabor per literas & amicos uos purgare, et imperatorem de concepta animi sententia dimouere, Vbi siquid in me iratus Cæsar asperius statuerit, libenter illud perferam, dummodo sciam meo interitu tantam gentem in tam pio studio periclitantem, conseruatam esse. Vos Deum comprecamini, ut hoc quod molior uestræ salutis causa, uobis omnibus foeliciter cueniat.

His auditis Iudei uehementi gaudio perfusi, honorificis acclamationibus Petronij pietatem prædicabant, eiq; fausta omnia precabantur, ac pro foelicis successus omine accipiebant largissimum imbrem, qui dimissa concione subito decidit, cum toto illo die, et mensibus aliquot præcedentibus, cœlum constanter serenum, æstu diuturno arua torruisset,

Hæc

Hæc dum in Iudea geruntur, Rex Agrippa, qui Romæ motum gentis suæ, et causam illius cognouerat, magnificentissimo conuiuio acceptum Caium, prouocare omnibus generibus deliciarum ad hilaritatem studuit. Cumq; Caius facile intelligeret, Agrippam captantem aliquid, hos tantos sumptus fecisse, ultro hortatus est, ut quicquid sibi ab imperatore tribui uellet, audacter posceret, securus repulsæ.

Tum Agrippa Caium, expectantem petitionem de regni locupletatione, hoc unum longa oratione rogauit, ut ueniam daret Iudaico populo, si metu diuinæ poenæ nõ reciperet statuam ipsius intra templum Hierosolymitanum.

Hoc cum denegare amico Caius non auderet, scribit ad Petronium, collaudans eius officium, quod mandata exequi studuerit, et addit, si iam collocata sit uolente populo statua in templo, ut eam ibi relinquat. Sed si populus eam nondum introduci passus sit, nihil uiolenter conetur.

Sed paulo post, cum literas à Petronio accepisset de motu gentis Iudaicæ, mutato animo, egre ferens nullam uim esse tentatam à duce suo, scribit Petronio, ut nisi Romam pertractus acerbissimis cru-

Q ij

ciatibus

AGRIPPA PRIOR.

ciatibus excarnificari uelit, sibi mortis genus eligat, quo ipse pœnas à se contempti imperij cxigat.

Diuinitus autem accidit, ut hanc atrocem Epistolam deferens nauis, aduersis tempestatibus impedita sit, & aliæ literæ citius in Iudeam perferrentur, quibus nunciabatur fœdiſſimus, sed tali portento digniſſimus interitus Caligulæ, paulo post scriptas ad Petronium literas illas minaces, interfecti à Chærea & alijs coniuratis, cum coniuge & filia.

Ita Petronius cognita nece Caij, iam liberatus metu, demum accepit literas alteras, mortem impetrantes. Vnde agnouit, se diuina ope seruatum esse ob benefacta in gentem Iudaicam.

Sub id tempus Claudius per milites Imperator salutatus, cum ope & consilio Agrippæ Regis Romæ adhuc commorantis, adiutus fuisset, Agrippæ regnum à Caio donatum edicto publico confirmauit, & adiecit Iudeam, Samariam, & reliquas omnes partes, quas auus Agrippæ, Herodes Magnus tenuerat, insuper etiam Lysaniæ Tetrarchiam Abcælam addidit, ac Ciliciæ partem, & Comagenam Antiocho ademptam.

Fratri

Fratri uero Agrippæ, HERODI quarto, Chalcidis regnum tradidit.

Ita magnifice donatus Agrippa primo anno imperij Claudij, in Iudeam reuertitur, & Deo gratias acturus, Hierosolymam ascendit, ubi maximis impensis celebrata festiuitate, auream catenam donatam à Caligula, monumentum suarum calamitatum & diuinæ liberationis, in templo suspendit.

Postea urbem Hierosolymam munire aggressus est tanto apparatu, ut Claudius ueritus, ne fiducia talis munitionis Iudei aliquando deficerent, per literas Agrippam absoluerè institutum opus prohibuerit.

Munificentissimus etiam erga subditos fuit, & in primis traditionum legis patriæ superstitiose obseruans, quas cum ab Apostolis Christi conuelli audiret, ut sibi magis conciliaret sacerdotum & uulgi studia, cum alios discipulos Christi interfecit, tum Iacobum quoq; fratrem Iohannis, filium Zebedei, supplicio affecit, & Petrum Apostolum in uinacula coniecit diebus Azymorum, producendam transacto festo ad populum. Sed quomodo Petrus ob assiduas preces Ecclesiæ, liberatus sit, copiose

Q uij narrat

AGRIPPA PRIOR.

narrat Lucas capite 12 actorum, ubi etiam tristem exitum huius Herodis Agrippæ describit. Congruunt autem cum illa Lucæ Historia ea, quæ Iosephus de morte huius Agrippæ narrat, quæ se in hunc fere modum habent:

Cum tres annos iam Rex totius Iudeæ fuisset Agrippa, quarto anno uenit Cæsaream, ubi celebravit festum maxima frequentia Iudeorum, editis ludis sumptuosissimis pro salute Claudij Cæsaris.

Altero ludorum die mane in Theatrum progreditur, indutus ueste tota intertexta argenteis filis mirabili artificio, in quam cum primi radij solis inciderent, splendorem ex reflexu spargebant tam illustrem, ut oculi intuentium perstringerentur fulgore uestis. Quare assentatorum aliqui regem concionantem interpellantes acclamationibus, Deum appellabant, & ueniam petebant, quod hæcenus eum ut hominem tantum timuerint, cum nunc supra humanam naturam augustiorem ipsius speciem cernant.

His uocibus cum non offenderetur Rex, neque assentatorum impios clamores compesceret, subito intesti-

intestimatorum dolore acerrimo correptus, ægre in Regiam est relatus, ubi post maximos cruciatus quinto die extinctus, pœnas dedit crudelitatis, qua in membra recentis Ecclesiæ Christi sæuicrat, erga alios homines tam ceteros quam gentiles benignissimus simul, et mitissimus.

Regnauit in uniuersum annis ferme septem. Nam Tetrarchiam Philippi tres annos sub Caio Caligula, quatuor reliquos annos totius Iudææ regnum tenuit, mortuus anno ætatis 54. tertio anno Claudij Cæsaris, duodecimo post resurrectionem Christi.

Eius posteritas supra indicata est, de qua filius natus maximus AGRIPPA, decem et septem annorum fuit iuuenis, cum pater obiit, cui etsi Claudius cupiebat paterni regni successionem tradere, tamen per quosdam imperatoris libertos effectum est, ut regiones omnes, quæ patri subiectæ fuerant, denuo in prouinciæ formam redigerentur, et missus est in Iudeam primum à Claudio præses CVSPIVS FADVS.

Q inj

Herodes

HERODES III, CHALCIDIS Rex,
nepos Herodis Magni, frater
Agrippæ prioris.

Hunc discernendi causa Herodem quartum nominavi aliquoties, qui priuatus uixit, donec Agrippæ fratris precibus motus Claudius, primo imperij sui anno, ei Chalcidis regnum donauit, cui præfuit octo annos, superstes fratri Agrippæ tantum quinq; annos.

Post mortem fratris cum missus esset in Iudeam Cuspius Fadus, isq; conatus fuisset custodiam Stole & reliquorum ornamentorum summi Sacerdotis, à Pontificibus ad Romanos præsides transferre, hic Herodes rogatu Iudeorum profectus Romam, causam quidem Sacerdotum adiuuit, & obtinuit, ut ornatus summi sacerdotis fide & diligentia collegij Sacerdotum custodiretur, cæterum petijt & impetrauit à Claudio, sibi mandari curam & custodiam sacræ pecuniæ in templo Hierosolymorum, & potestatem fieri, remouendi ab officio summos sacerdotes ob graues aliquas causas, & substituendi alios magis idoneos, quæ res quæstuosissima erat regibus, cum sacerdotes maximis largitionibus certarent de possessione pontificiæ dignitatis.

Cuspio Fado in Iudea præside, Theudas quidam
præstigijs

præstigijs deceptam multitudinem eduxit ad Iordanem, pollicitus sc, diuiso flumine, pedibus eos traducturum esse. Sed Fadus missis equitibus uiuum captum Theudam, occidit, et cætum illi adiunctum dissipauit. Theudæ huius meminit Gamaliel in actis Apostolicis cap. 5.

Fado successor missus est à Claudio Tiberius Alexander, sub quo extitit illa horrenda fames in Iudæa, quæ ab Agabo prædicta fuit, Actorum undecimo, & fuit circa annum Claudij sextum uel septimum. Eam liberalitas Helenæ reginæ Adiabenorum leuauit aliquantulum, importato frumento ex Aegypto, & ficis ex Cypro. Miserunt etiam Ecclesiæ Græcæ, & Asiaticæ collatas pecunias ad alendos in Iudæa fratres fame laborantes.


Anno octauo Imperatoris Claudij, Herodes Chalcidis Rex moritur,

Habuit duas coniuges deinceps, Priorem Mariannen filiam Olympiadis, neptem Herodis Magni, ex qua natus est ei Aristobulus.

Postea duxit Berenicen fratris Agrippæ filiam, ex qua suscepit duos filios, estq; hæc series posteritatis illius, quam tamen belli Iudaici cladibus absumptam fuisse est credibile.

ARISTOVLVS

a patre Herode
Magno occisus.



Horum nullam, quod sciam, alibi mentionem facit Iosephus.

Agrippa

AGRIPPA POSTERIOR, PRONE-

pos Herodis Magni, Postremus Rex
in parte quadam Iudææ.

Hic septendecim annos natus, cum pater Agrippa mortuus est, apud Claudium Romæ fuit, nec statim patri suffectus est, dissuadentibus id libertis Claudij, qui prætexebant, ætatem adolescentis ad gubernandum tantum regnum, & ad coercendum adeo contumacem populum nondum esse idoneam. Sed reuera ipsi inhiabant præfecturis illarum regionum, ex quibus ditescere possent.

Sed quinquennio post obitum patris, mortuo Herode patruo, à Claudio regnum Chalcidis accepit, agens annum ætatis uicesimum secundum, una cum potestate ea, quam patruus habuerat, custodiendi Thesauros templi Hierosolymitani, & creandi summos sacerdotes, qua potestate strenue est usus Agrippa. Nam breui intervallo aliquot summos sacerdotes in ordinem redegit, substituit alijs pro arbitrio.

Sub initium regni huius Agrippæ, Tiberio Alexandro præfidi missus est in Iudeam successor CUMANVS, qui duriter afflixit Iudeam, in qua omnia iam uergebant ad eum, qui postea secutus est, interitum.

Nam

AGRIPPA POSTERIOR.

Nam cum in festo Pascatis, pro more cohors militum iuxta templum in excubijs staret, quarto die Azymorum quidam ex Romanis nudatas obscenas corporis partes populo sacris occupato obuertit. Ea contumelia irritati Iudei, conuicijs incessere ceperunt Cumanum praesidem, quod hanc militum petulantem impietatem non atrocibus supplicijs uindicare.

Cumanus et probra populi indigne ferens, & uim concitatae multitudinis metuens, mox legiones armatas una cum equitatu clam accersit, quae cum de improviso se ostendissent, tantum terrorem inermi multitudini incusserunt, ut orta trepidatione et fuga, in angustijs platearum supra uiginti millia hominum utriusque sexus obtrita sint. Vnde maximus luctus in tota gente fuit.

Subsecutus est statim alius tumultus mitiore tamen euentu. Iudei quidam latrocinantes, Claudij imperatoris ministrum Stephanum in uia publica benigne mulctatum, rebus omnibus spoliauerant. Cumque authores explorari non possent, iratus Cumanus, in tota illa uicina, ubi id facinus commissum fuerat, omnes pagos diripi iussit. Hoc facto, cuiusdam militi in praeda oblatus est liber continens Moysi & prophetica

phetica scripta, quem ille per ludibrium prolatum in publicum, inspectantibus Iudeis, totum discerpfit.

Ibi concursu facto, ingens multitudo Iudeorum Cesaream proruit, ubi erat consueta sedes præsidentum Romanorum, & authorem huius impij facti ad poenas depoposcit, quem nisi Cumanus suasu quorundam, ut populo ira furenti satisfaceret, securi percussisset, non fuisset ille motus sine multo sanguine sedatus.

Postea cum aliquot Galilei ad festum Hierosolymam ascendentes, à Samaria incolis essent interfecti, plurimæ cædes utrinque aliquandiu factæ sunt, dum utraq; pars studio vindicandi semper recentissimas iniurias, latrocinantium more ferro et igni obuia quæque deuastat.

Eam grassationem uicinorum, cum corruptus pecunia Cumanus non conaretur compescere, accersitus ab altera parte Quadratus, Syriæ præses, causa cognita, et occisis tumultus authoribus, Cumanum Romam mittit ad dicendam causam male administratæ prouinciæ. Eum crudelitatis & auariciæ conuictum Claudius in exilium eiecit, & CL. FELICEM, Pallantis fratrem, præsidem Iudeæ et Samariæ fecit,

AGRIPPA POSTERIOR.

fecit, qui iam dudum in Palestinam missus, Philippi Tetrarchiam aliquandiu gubernauerat, ut ex Cornelio Tacito intelligitur.

Eodem fere tempore, hoc est, anno imperij duodecimo, Claudius Regi Agrippæ Philippi Tetrarchiam, iam præside carentem, hoc est, Trachonitidem, Bataneam, ac præterea Abalam, Lysaniam Tetrarchiam, dono dedit, & Chalcidis regnum tradidit patruo ipsius, Aristobulo, Agrippæ prioris, & Herodis Chalcidensis fratri.

Ab eo tempore indies res Iudaicæ deteriore loco esse ceperunt, orto principio à Felice præside, qui cum ob rapinas & alia scelera esset obiurgatus à Ionatha summo sacerdote, nec tamen metu populi eum excutere pontificia dignitate auderet, subornauit sicarios, qui cum multitudine ad festum ingressi Hierosolimam, et summum sacerdotem Ionathan, & alios plurimos designatos adeo occulte occiderunt, ut in turba facile laterent.

Hic conatus cum Sicarijs semel successisset, postea in omnibus festis aliquando ab alijs mercede conducti, aliquando etiam sua cupiditate aut odio impulsī, idem facinus cum miserabili strage bonorum uiuorum

uirorum, et metu omnium, patrare sunt ausi, cum nemo cauere satis quenquam posset, adeo in multos illa audacia se impunitatis ob negligentiam presidis peruasferat.

Grassabantur etiam in agris latronum globi, et si multos illorum Felix comprehensos supplicio subiebat. Sed ita iam erat illud malum incuria presidum priorum quoque confirmatum, ut nulla seueritate poenarum tolli amplius posset.

Quin etiam fouebantur latrocinia disidijs summorum sacerdotum, quorum ut quisque erat pecunia instructior, ita alebat maiorem circa se perditissimorum nebulonum manum, quorum opera aduersarios suos occultis insidijs opprimere conabatur.

Anno XIII. Imperij Claudij, Paulus Apostolus Hierosolymis captus, et Cesaream abductus, causam coram Felice et Drusilla dixit, ut refert Lucas Actorum cap. 24. quem deinceps quoque Felix sepe accersitum audiuit, sperans Paulum pecunia sese redempturum. Sed cum biennium totum in uinculis eum habuisset, decedens ex Iudea, reliquit Paulum uinctum in gratiam Iudeorum.

Extincto Claudio Cesare anno imperij decimoquarto, Nero sub initium imperij sui Agrippae regnum

duxit

AGRIPPA POSTERIOR.

auxit addita parte Galileæ, & urbibus Tiberiade,
Tarichea, & Iuliade.

FESTVM mox in Iudeam misit Portium, reuo-
cato domum Felice, quem subsecuti Cæsareenses, de
crudelitate, rapacitate & alijs sceleribus accusa-
runt. Sed Felix Pallantis fratris artificio liberatus
euasit.

Portius Festus statim ut in Iudeam uenit, Pau-
lum audiuit Cæsareæ, accusantibus Iudeis, quem cum
uellet Hierosolymam mittere, Paulus rabiem & in-
sidias sacerdotum metuens, prouocat ad Cæsarem
Neronem.

Paucis diebus interiectis, cum noui præsidis sta-
lutandi causa Agrippa quoq; Cæsaream cum sorore
Berenice uenisset, quæ mortuo marito Herode Chal-
cidensi, adeo familiariter cum fratre uiuebat, ut non
abesset incestæ consuetudinis suspicio, productus
Paulus, coram ijs quoq; causam suam egit luculentâ
oratione, qua innocentiam suam ita probauit, ut Re-
gis iudicio existimaretur dimitti posse, nisi prouo-
casset ad Cæsarem.

Non multo post mittitur Paulus cum alijs capti-
uis Romanis, anno primo Imperij Neronis.

Agrippa

Agrippa inde profectus Hierosolymam, grauiter offendit Sacerdotes, extructo altissimo quodam edificio in Regia domo, uicina templo, ex quo poterat omnia uidere, quæ in interiore parte templi à sacerdotibus in administratione sacrorum gererentur, quod nefas arbitrati Sacerdotes, ad latus templi murum æque altum excitarunt, quo non modo templi, sed etiam partis urbis conspectum ademerunt Agrippæ. Cumq; Rex flagitaret nouum murum templi iterum dirui, sacerdotes per Poppæam Augustam obtinuerunt, ut eam in templo adificationem Nero approbaret.

Quare indignatus Agrippa, remoto summo sacerdote Iosepho, suffecit Ananiam ex factiõe Saddu-
duccorum, hominem audacem & crudelem, qui, cum mortuus esset in Iudea Festus præses, & ALBINVS successor in itinere diutius hæreret, nactus occasionem, cum in alios pios homines se uicium exercuit, tum IACOBVM Iosephi filium, fratrem Domini nostri IESV CHRISTI ex alia matre, uirum omnium Hierosolymitanorum iudicio præstantissimum innocentia uite & pietate, præcipitatum de templi muro, lapidibus obrui iussit, circa sexagesimum annum post Christi natalem.

R

Ob hoc

AGRIPPA POSTERIOR.

Ob hoc indignum facinus accusatus coram Agrippa, metucnte Romanum præsidentem Albinum iam aduentantem, & populi iram, est ab officio deiectus, cum tres menses tantum summo sacerdotio præsuisset.

Sed ne sic quidem desijt Ananias scire in suos collegas. Nam cum esset potentissimus, plurimos habuit conductos latrones, quorum opera non tantum utebatur ad tollendos occulte aduersarios, sed etiam per eos effractis horreis, decimas sacerdotum ibi repositas diripuit, idq; cum sepe & impune faceret, multi ex grege Sacerdotum tenuiores, fame perierunt.

Albinus auaricia insatiabili inflammatus, neglectis omnibus rebus alijs, in hoc unum studebat, ut quibus posset modis opes cumularet. Quare & in Pontificum, aliquid largientium, sceleribus omnibus conuiuebat, & captos latrones, si à parentibus, aut cognatis redimerentur pecunia, dimittebat: Ita tota Iudea breui tempore facinorosorum multitudinem repleta, agebatur & ferebatur sine uindicta, nec erat ullum flagitium tam atrox, cui non ueniam impetrare pecunia posset.

Huic hirudini successor missus est GESSIVS
FLORUS.

FLORVS. Is demum Albini rapinas ita superauit alijs maioribus sceleribus, ut innocens præ illo Albinus uisus, à ludcis desideraretur: Adeo hic non occultis artibus, ut antecessor, sed aperta ui, etiam insuper insultans, rapiebat, faciebat, statuebat, quæ libuerant, idq; unum agere uidebatur, quasi ad hoc ipsum fato ludcorum missus, ut eos irritatos iniurijs, & excæcatos cupiditate uindictæ, in exitium præcipitaret.

Adiuuabat cum, quod tota regio plena erat latronibus. Et iam à multis annis plurimi in populo extiterant, qui bellum expetebant, uel spe acquirendæ dominationis, uel pertasi Tyrannici imperij Romanorum, & stulto zelo libertatis recuperandæ.

Summa, aduenerat tempus prædicti à CHRISTO & Prophetis interitus totius ministerij & politiæ, per Moisen diuinæ autoritate constitutæ, cum iam esset exhibitus Messias, propter quem utrunq; fuerat diuinitus ad hæc usq; tempora conseruatum.

Quare sub hoc Gessio Floro, anno post Christum natum sexagesimo octauo. post crucifixum

R ij

& re-

AGRIPPA POSTERIOR.

et resuscitatum tricesimo quinto, Imperij Neronis duodecimo, regni huius nostri Agrippæ decimo septimo, triennio ante Paulum Apostolū à Nerone interfectum, exarsit bellum, Iudeis à Romano imperio deficientibus, orto principio in urbe Cæsarea.

Huius belli initia cum restringere Florus facile potuisset, maluit flammam semel exortam alere et excitare, irritando semper magis Iudeos, et aliam iniuriam super aliam cumulando, donec tandem incendium acceptis uiribus longius grassatum, uastitatem extremam in Iudea effecit.

Sub initium defectionis Agrippa multum occupatus fuit, ut Iudeos à furiosa cupiditate bellandi ad tranquillitatis amorem reuocaret, et flecteret, ut pacem et delictorum ueniam à Romanis peterent, quantum mediocribus conditionibus impetrari haud difficulter potuisset, cum manifestum esset, ipsos non prorsus nullas rebellandi causas habuisse, propter intolerabiles contumelias Flori.

Sed non modo nihil æqui impetrare potuit Agrippa, uerum etiam conuicijs proscissus, egre uim Iudeorum effugit.

Cum

Cum igitur uideret, suos gentiles ardore belli excoecatos, ruere impetu quodam ad interitum cepisse, se ab ipsorum rabioso conatu seiunxit, et profecto in Iudeam Vespasiano ad compescendos rebelles, auxilia misit, prospiciens iam tum animo tristem totius status Iudaici ruinam.

Huius belli historia, cum satis commode & prolixè sit à Iosepho & alijs quibusdam descripta, nolui eam hic attexere, abhorrente etiam animo ab expositione illarum horribilium cladum, et atrocitate sua fidem humanam excedentium. Neq; enim extat ullius gentis historia, quæ tot ac tantis calamitatibus tandiu pressa ac uexata, ad extremum miseris modis simul tota fere sit extincta.

Nam cum defecissent Iudei anno, ut dictum est, duodecimo Neronis, totos fere sex annos Romanorum exercitus in Iudea hostiliter, atq; etiam immaniter grassatus est, irritantibus subinde Iudeis sua inexpugnabili contumacia uictorem militem ad inauditam seuiciam.

Sed ut de regionis totius uastatione taceam, unius ciuitatis Hierosolymorum misérias quis pro magnitudine æstimare potest? quæ ante quam hostes

AGRIPPA POSTERIOR.

Romanos uidit, longe crudclioribus intus hostibus toto illo sexennio afflictæ est, ac distracta tot factionibus latronum audacissimorum, inter se rapinis, cædibus, incendijs etiam ad rabiem usq; certantium, cum nulla pars satis suum locum se tueri posse crederet, nisi alias factiones scelerum nouorum modis ac numero superasset.

Eo igitur furor tandem processit, ut pietatis ac moderationis opinio certissimam necem possessori afferret.

De locupletibus ciuibus certabant factiones, quæ prius interfectis dominis, in bona inuolaret.

Tenuioris fortunæ homines trucidare, erat tollere è medio inutilem turbam, & futuram oneri ciuitati obsessæ, & urbem ad tolerandam obsidionem diuturnam præparare.

Vno uerbo significare, aut uultu præ se ferre dolorem de præsentis licentia omnium scelerum, uocabatur proditio, & conspiratio cum Romanis, deniq; erat acerbissimo supplicio dignum facinus.

Simile erat, suos innocentissime interfectos lugere.

Polluere

Pollucere templi sacratissimam partem cædibus ac sanguine, erat pugnare pro conseruatione templi & religionis patriæ.

Rapere sacros Thesauros ex templi gazophylacio, eosdemq; foedissimo luxu profundere, erat mutuari sumptus ad defensionem cultuum diuinitus traditorum.

Capitale erat, fuga tantis malis sese subducere conari. Manentes autem in urbe, præter alias publicas misérias, cernebant etiam sua corpora, coniuges, liberos, fortunas, pessimorum nebulonum effreni libidini ac uiolentiæ exposita.

Breuius, nullum cogitari potest iniuriæ aut contumeliæ genus, quod misera multitudo Iudeorum ab hoste metuere debuerit, non prius idem perpeffa à suis defensoribus.

Non igitur terribilis amplius multitudini in urbe, sed ut diu expetitus & optatus, quasi recreationi esse cepit aduentus hostilium copiarum, cum oppugnata urbe factiosi cogerentur coniunctis uiribus externam uim propulsare, omisis intestinis latrocinij ac conflictibus.

Postremo igitur semestri huius belli, exercitu hostili ciuitas cincta, post illas immanes latro-

R. iij num intra

AGRIPPA POSTERIOR.

num intra urbem direptiones & profusiones, horrenda fame laborare cepit, quam lues comitata est tam foeda, ut dicantur undecies centena millia hominum tempore obsidionis, fame et peste, extincta esse.

Maxima multitudo à seditiosis intra moenia, durante bello, quotidianis cædibus interfecta est.

Postea hostium telis in oppugnationibus, postremo capta & incensa urbe, aliquot myriades perierunt.

Capti sunt belli tempore ad septem & nonaginta millia, qui partim uenditi, partim in magnas urbes in uicinia distributi, ludorum diebus laniandi feris obiecti sunt, alij in circo mutuis uulneribus, pugnantium hostium more, se conficere coacti, alij uincti ad Isthmum Peloponnesi perfodicendum missi sunt.

His tristissimis exemplis horrendæ iræ Dei aduersus contemptores Christi & Euangelicæ doctrinæ gens illa prope tota deleta est, cum diuinitus ita factum esset, ut festo Azymorum, quo ex tota Iudæa Hierosolymam conuenire consueuerant Iudei,
urbs

urbs cingeretur obsidione, & tunc quidem quicquid in tota regione fere erat perditissimorum hominum, prædonum, latronum, facinorosorum, fiducia munitionis, & spe securitatis Hierosolymam accurrebat.

Cum igitur primum Vespasianus quinque annis fere totam Iudæam subegisset, plurimis urbibus munitionissimis uel expugnatis, & ob inhabitantium perniciæ direptis ac incensis, Ultimo semestri Titus ad urbem Hierosolymam exercitum adduxit, eamque obsedit anno secundo Imperij patris, menses sex, quos appellationibus Macedonicis Iosephus uocat :

Ξανθικόρ	} Quibus respondet fere re latino = rum.	Aprilis.
Ἀρτεμισίον		Maius.
Δεντίον		Iunius.
Πάνεμον		Iulius.
Ἀώιον		Augustus.
Γορπιόιον		September.

Estque hæc præcipuorum euentuum in illa obsidione, breuissime annotata series.

R. V. Anno

ANNO POST CHRISTVM NATVM.
Septuagesimo tertio. post eundem passum ac resusci-
tatum, ferme quadragesimo. post interfectum
Paulum Apostolum, tertio. Vespasiani
Imperatoris, secundo. belli lu-
daici sexto :

Mensis

I.

XANTHICI. Aprilis.

DIE

14—Obsessa est urbs Hierosolyma instante festo
Pascatis.

22—Frustra tentata deditio, Titus structis ag-
geribus, & admotis machinis urbem oppugnare
cepit.

II.

ARTEMISII. Maij.

DIE

7—Primo muro capto, Bezetha, hoc est, Neapo-
lis, pars urbis ultra templum uersus septentrio-
nem recens adiecta, & ab Agrippa priore cincta
muro, occupatur a Romanis.

12—Secundum murum capiunt Romani, & eo-
dem die rursus eijciuntur.

16—Secundo muro iterum capto, potiuntur infe-
riore

riore urbis parte, quam ACRAN uocabant Iudei, sitam in colle humiliore altero:

21—Amisſis iam duabus urbis partibus, cum Iudei clementer inuitati à Tito, adhuc nolſent pacem petere, aggeres extruere ceperunt milites ad Antoniam, iuxta tertium murum, qui intra duodecim dies perfecti, ſubieſto à Iudeis igne concremantur.

Intercedit igitur mora totius menſis DEVTII, quo interuallo murũ circa totam urbem ducunt Romani, ut Iudeis comitatum, & facultatem fugiendi intercludant,

IIII.

PANEMI

Iulij.

DIE

2—Titus commiſeratione plebis motus, quam ſenſerat propter paucorum obſtinatam peruiſaciam fame et peſte abſumi, ut eam quam primum liberaret, cõgeſtis nouis aggeribus, oppugnationem difficiliſſimam tertij muri & Antonie tentat. Erat autem id ædificium magnificentiſſimum & inuitiſſimum iuxta templum, turris quadrangule ſpeciem, ſed arcis ampliſſimæ magnitudinem reſerens, ab Herode Magno in gratiam pontificum extructum, & ab Antonio triumuiro
appel=

AGRIPPA POSTERIOR.

appellatum, intra quod sacer ornatus summi sacerdotis asseruari consueuerat.

DIE

6—Antonia expugnatur, corruente ultro parte muri illo in loco, quâ Iudei cuniculum egerant extra urbem, per quem prorepentes, aggres hostium incenderant.

V.

LOII.

Augusti.

DIE

8—Cum Iudei aliquoties prouocati ad pacem petendam à miti uictore, ut templo parci posset, conuicijs & telis legatos repulissent, templum uicatur, cui contra edictam Titi, ab iratis militibus iniectus ignis opus admiratione dignissimum absumpsit, quo ipso die etiam à Chaldeorum duce Nabuzardan ante annos sexcentos septuaginta nouem, templum incensum fuerat.

DIE

20—Superioris urbis, quæ ciuitas David uocabatur, oppugnatio inchoata est, postquam denuo admoniti Iudei de abijciendis armis, pacem oblatam respuerant.

VI.

GORPIAEI.

Septembris.

Die

DIE

7—Capta est urbis pars superior, cuius munitio erat templum, sicut templi propugnaculum erat Antonia.

8—TOTA VRBS HIEROSOLYMA, PRIUS DIREPTA, ARSIT.

OCTOBRIS.

DIE

24—Titus in urbe maritima Cesareæ, natalem fratris Domitiani celebrans, ludos edidit uarij generis, in quibus Iudei captiui ad tria millia producti, partim à feris dilaniati sunt, partim armati commissi inter se trucidarunt.

NOVEMBRIS.

DIE

17—Berytum in Syriæ oppidum, Romanorum coloniam, profectus Titus, patris Vespasiani natalem celebravit, productis similiter in ludorum spectaculis plurimis captiuis Iudeis, qui cum Romanorum & Græcorum uoluptate obtriti, laniati, & mactati sunt.

Hæc pauca de miserabili excidio ciuis urbis dicere uolui, quæ præcipua sedes fuit populi & doctrine

AGRIPPA POSTERIOR

strinxit Dei, ab octauo anno regni Dauidis usq; ad hoc excidij tempus, annos mille, centum, & triginta septem, ut nos commonefacti de inestimabili ira Dei aduersus contemptum filij sui, & uerbi per ipsum patefacti, caueamus, ne uel studio opprimendi ueram doctrinam, uel obscurandi falsis conciliationibus, uel contemptu eiusdem, & scelerum licentia, similes ærumnas nobis accersamus.

Nunc ad Agrippam redeo, qui, ut supra dixi, detestatus suæ gentis furorem, & tristem interitum prospiciens, Vespasiano contra Iudeos bellum gerenti auxilia misit, atq; ita suos fines ab incendio illius funesti belli aliqua ex parte tutatus est.

Mortuo Nerone, cum cognouisset Galbam imperatorem factum esse, cum Tito Vespasiani filio Romam proficisci constituit, ut regni sui confirmationem à nouo imperatore impetraret.

Sed dum aduersis uentis usi, tardius nauigant, circa Achaiam nuncium accipiunt de interfecto Galba. Ibi reuertente in Syriam Tito, Agrippa nihilominus pergit Romam. Sed Italia bello ciuili ardente, cum iam Othone quoq; , successore Galbæ, interfecto,

cto, Vitellius imperium rapuisset, Agrippa per literas suorū propere in Iudcam reuocatus, adiunxit Vespasianum, ut salutatus à militibus Imperator, in Italiam cum instructo exercitu proficisceretur, pugnaturus cum Vitellij ducibus, relicto cum aliquot legionibus Tito filio, ad debellandos Iudeos, maxime Hierosolymitanos, ut dictum est.

Aliud de hoc Agrippa, uel etiam de ulla alia Herodis Magni sobole nihil inuenio, nisi quod Philo scribit hunc Agrippam posteriorem annis 27 regnasse.

Mortuus est igitur iuxta hanc Philonis rationem anno Christi 78. Vespasiani septimo, post excidium Hierosolymorum, quinto.

Idem Philo huic Agrippæ filium fuisse scribit AGRIPPINVM, qui triginta annos post patris mortem regnauit. Attigit igitur hic Agrippinus annum 103 post Christi natiuitatem, et

Traiani imperatoris octauum, quem

annum Philo sibi decrepito ulti-

mum ætatis futurum esse

prædixit.

FINIS.

LAUS Deo.

1949. XVI 4. 59
(Obemate)



